

思成堂

宰樹連山谷祠堂照路隅養松無觸鹿助祭有馴
鳥歸夢先寒食兒啼到白鬚遙知隣里化醉叟道
爭扶

歸真亭

舊笑桓司馬今師鄭大夫不知徂歲月空覺老秋
梧祭禮傳家法阡名載版圖會看千字誅木抄見
龜趺

過建昌李野夫公擇故居

彭蠡東北源廬阜西南麓何人脩水上種此一雙

玉思之不可見破宅餘脩竹四隣戒莫犯十畝森
似束我來仲夏初解籜呈新綠幽鳥向我鳴野人
留我宿裴回不忍去微月挂喬木遙想他年歸解
組巾一幅對床老兄弟夜雨鳴竹屋卧聽隣寺鐘
書窓耿殘燭

初入廬山三首

青山若無素偃蹇不相親要識廬山面他年是故
人

自昔懷清賞神游杳藹間如今不是夢直箇在廬
山

芒屨青竹杖自挂百錢游可怪深山裏人人識故
侯

圓通禪院先君舊游也四月二十四日晚至
宿焉明日忌日也乃手寫寶積獻蓋頌佛一
偈以贈長老僊公僊拊掌笑曰昨夜夢寶蓋
飛下著處輒出火豈此祥乎乃作是詩院有
蜀僧宣建事長老識先君云

石耳峯頭路接天梵音堂下月臨泉此生初飲廬
山水他日徒參雪竇禪袖裏寶書猶未出夢中飛
蓋已先傳何人更識嵇中散野鶴昂藏未是仙

子由在筠作東軒記或戲之為東軒長老其
壻曹煥往筠余作一絕句送曹以戲子由曹
過廬山出以示圓通慎長老慎欣然亦作一
絕送客出門歸入室趺坐化去子由聞之乃
作二絕一以荅予一以荅慎明年余過圓通
始得其詩乃追次慎韻

君到高安幾日回一時得數舊塵埃贈君一籠牢
收取盛取東軒長老來

余送曹詩

東軒長老未相逢已見黃州一信通何必揚眉資
目擊須知千里事同風

慎老和余韻

東軒只似虛空椽何處人家籠解盛縱使盛來無
處著雪堂自有老師兄

子由答
予詩

擔頭挑得黃州籠行過圓通一笑開却到山前人

已寂亦無一物可擔回

子由答
慎詩

大士何曾有生死小儒低處覓窮通偶留一決千

山上散作人間萬竅風

念和
慎詩

余過溫泉壁上有詩云直待衆生總無垢我

方清冷混常流問人云長老可遵作遵已退

居圓通亦作一絕

石龍有口口無根自在流泉誰吐吞若信衆生本

無垢此泉何處覓寒溫

世傳徐凝瀑布詩云一條界破青山色至爲

塵陋又僞作樂天詩稱美此句有賽不得之

語樂天雖涉易然豈至是哉乃戲作一絕

帝遣銀河一派垂古來惟有謫仙詞飛流濺沫知

多少不與徐凝洗惡詩

書李公擇白口山房

偶尋流水上崔嵬五老蒼顏一笑開若見謫仙煩

寄語匡山頭白早歸來

贈東林總長老

東坡全集 卷之三十一
溪聲便是廣長舌山色豈非清淨身夜來八萬四
千偈他日如何舉似人

題西林壁

橫看成嶺側成峯遠近高低無一同不識廬山真
面目只緣身在此山中

廬山二勝

并敘

余游廬山南北得十五六其勝殆不何勝紀而懶
不作詩獨擇其尤者作二首

開先漱玉亭

高巖下赤日深谷來悲風擘開青玉峽飛出兩白

龍亂沫散霜雪古潭搖清空餘流滑無聲快寫雙
石硤我來不忍去月出飛橋東蕩蕩白銀闕沉沉
水精宮願隨琴高生脚踏赤鯁公手持白芙蓉跳
下清冷中

栖賢三峽橋

吾聞太山石積日穿綫溜況此百雷霆萬世與石
鬪深行九地底驗出三峽右長輪不盡溪欲滿無
底竇跳波翻潛魚震響落飛狎清寒入山骨草木
盡堅瘦空濛烟靄間瀕洞金石奏響響飛橋出漱
漱半月殼玉淵神龍近雨雹亂晴晝垂鉞得清耳

可嚙不可漱

陶驥子駿佚老堂二首

文舉與元禮尚得稱世舊淵明吾所師夫子乃其

後挂冠不待年亦豈為五斗我歌歸來引余增損淵明歸

去來以就聲律謂之歸來引千載信尚友相逢黃卷中何似一

盃酒君醉我且歸明朝許來否

我從廬山來日送孤飛雲路逢陸道士知是千歲

人試問當時友虎溪已埃塵似聞佚老堂知是幾

世孫能為五字詩仍戴漉酒巾人呼小靖節自號

葛天民

和李太白并發

李太白有潯陽紫極宮感秋詩紫極宮今天慶觀

也道士胡洞微以石本示予蓋其師卓玘之所刻

玘有道術節義過人今亡矣太白詩云四十九年

非一往不可復今予亦四十九感之次其韻王芝

一名瓊田草洞微種之七八年矣云更數年可食

許以遺余故并記之

何處聞秋聲條條北窓竹回薄萬古心攬之不盈

掬靜坐觀衆妙浩然媚幽獨白雲南山來就我簷

下宿懶從唐生決差訪季主卜四十九年非一往


不可復野情轉蕭散世道有翻覆陶令歸去來田
家酒應熟

寄臥虛寂堂月明浸踈竹冷然洗我心欲飲不可
掬流光發未歎自昔非予獨行年四十九還此北
窓宿緬懷卓道人白首寓醫卜謫仙固遠矣此士
亦難復世道如奕棋變化不容覆惟應玉芝老待
得蟠桃熟

次韻道潛留別

爲聞廬岳多真隱故就高人斷宿攀已喜禪心無
別語尚嫌剃髮有詩斑異同更莫疑三語物我終

當付八還到後與石開北戶舉頭三十六青山



東坡全集

卷之三

二十四

東坡全集第十四卷

詩七十九首

岐亭五首 并敘

元豐三年正月余始謫黃州至岐亭比二十五里
山上有白馬青蓋來迎者則余故人陳慥季常也
爲留五日賦詩一篇而去明年正月復往見之季
常使人勞余於中途余久不殺恐季常之爲余殺
也則以前韻作詩爲殺戒以遺季常季常自爾不
復殺而岐亭之人多化之有不食肉者其後數往
見之往必作詩詩必以前韻凡余在黃四年三往

見季常而季常七來見余蓋相從百餘日也七年
日月余量移汝州自江淮徂雒送者皆止慈湖而
季常獨至九江乃復用前韻通為五篇以贈之
昨日雲陰重東風融雪汁遠林草木暗近舍烟火
濕下有隱君子嘯歌方自得知我犯寒來呼酒意
頗急拊掌動鄰里遶村捉鵝鴨房櫓鐸聲蔬果
照巾幕久聞萋蒿美初見新芽赤洗盞酌鵝黃磨
刀削熊白須臾我徑醉坐睡落巾幘醒時夜向闌
唧唧銅餅泣黃州豈云遠但恐朋友缺我當安所
上君亦無此客朝來靜庵中惟見峰巒集

我京館中蛤開口護殘汁又哀網中魚開口吐微
濕剝腸彼交病過分我何得相逢未寒溫相勸此
最急不見盧懷慎丞盞似丞鴨坐客皆忍笑髡然
發其幕不見王武子每食刀機赤琉璃載丞豚中
有人乳白盧公信寒陋衰髮得滿幘武子雖豪華
未死神已立先生萬金壁護此一蟻缺一年如一
夢百歲真過客君無廢此篇嚴詩編杜集

君家蜂作窠歲歲添漆汁我身牛穿鼻卷舌聊自
濕二年三過君此行真得得愛君似劇孟叩門知
緩急家有紅頰兒能唱綠頭鴨行當隔簾見花霧

東坡全集 卷之四
輕冕冕爲我取黃封親拆官泥赤仍須煩素手自
點葉家白樂哉無一事十年不蓄憤閉門弄添丁
哇笑雜呱泣西方正苦戰誰補將帥缺披圖見八
陣合散更主客不須親戎行坐論教君集

酸酒如螿湯甜酒如蜜汁三年黃州城飲酒但飲
濕我如更揀擇一醉豈易得幾思壓茅柴禁網日
夜急西鄰推甕盎醉倒猪與鴨君家大如掌破屋
無遮冕何從得此酒冷面妬君赤定應好事人千
石供李白爲君三日醉蓬髮不暇幘夜深欲逾垣
卧想春甕泣君奴亦笑我鬢齒行禿缺三年已四
至歲歲遭惡客人生幾兩屐莫厭頻來集

枯松強鑽膏槁竹欲瀝汁兩窮相值遇和哀莫相
濕不知我與君交遊竟何得心法宰相語頭然未
爲急願爲穿雲鶴莫作將雛鴨我行及初夏煮酒
丸 疏冕故鄉在何許西望千山赤茲遊定安歸東
泛萬頃白一歡寧復再起舞花墮幘將行出苦語
不用兒女泣吾非固多矣君豈無一缺各念別時
言閉戶謝衆客空堂淨掃地虛白道所集

郭祥正家醉畫竹石壁上郭作詩爲謝且遺

古銅劍二

東坡全集 卷之四
空腸得酒芒角出肝肺槎牙生竹石森然欲作不可回吐向君家雪色壁平生好詩仍好畫書牆浣壁長遭罵不嗔不罵喜有餘世間誰復如君者一雙銅劍秋水光兩首新詩爭劍鋒劍在床頭詩在手不知誰作蛟龍吼

龍尾硯歌

并引

余舊作鳳味石硯銘其略云蘇子一見名鳳味坐令龍尾羞牛後已而求硯於歙歙人云子自有鳳味何以此為蓋不能平也奉議郎方君彥德有龍尾大硯奇甚謂余若能作詩少解前語者當奉餉

乃作此詩

黃璫白琥天不惜顧恐貪夫死懷璧君看龍尾豈石材玉德金聲寓於石與天作石來幾時與人作硯初不辭詩成鮑謝石何與筆落鍾王硯不知錦茵玉匣俱塵垢擣練支床亦何有况嗔蘇子鳳味銘戲語相嘲作牛後碧天照水風吹雲明窓大几清無塵我生天地一閑物蘓子亦是支離人麈言細語都不擇春蚓秋蛇隨意畫願從蘇子老東坡仁者不用生分別

張近幾仲有龍尾子石硯以銅劍易之

我家銅劍如赤蛇君家石硯蒼壁楯而窪君持我
劍向何許大明宮裏玉佩鳴衝牙我得君硯亦安
用雪堂窓下爾雅箋蟲鰕二物與人初不異飄落
高下隨風花蒯緌王具皆外物視草草玄無等差
君不見秦趙城易壁指圖睨柱相矜誇又不見二
生妾換馬驕鳴啜泣思其家不如無情兩相與未
以爲好譬之桃李與瓊華

張作詩送硯及劍乃和其詩卒以劍歸之
贈君長鋏君當歌每食無魚歎委蛇一朝得見暴
公子懼具欲與冠爭裁豈比杜陵貧病叟終日長

鏡隨短髮斬較刺虎老無力帶牛佩犢吏所訶故
將換硯豈無意恐君瑀琢傷天和作詩及劍亦何
謂知君欲以詩相磨報章苦恨無好語試向君硯
求餘波詩成劍往硯應美那將屋漏供懸河

去歲九月二十七日在黃州生子名遯小名
幹兒頽然穎異至今年七月二十八日病亡
於金陵作二詩哭之

吾年四十九羈旅失幼子幼子真吾兒眉角生已
似未期觀所好踟躕逐書史這頭却梨栗似識非
分耻吾老常鮮歡賴此一笑喜忽然遭奪去惡業

我累尔衣薪那免俗變滅須臾耳歸來懷抱空老
淚如瀉水

我淚猶可拭日遠當日忘母哭不可聞欲與汝俱
亡故衣尚懸架漲乳已流床感此欲忘生一卧終
日僵中年忝聞道夢幻講已詳儲藥如丘山臨病
更求方仍將恩愛刃割此衰老腸知迷欲自反一
慟送餘傷

葉濤致遠見和二詩復次其韻

濤顛倒元韻

平生無一女誰復歎爾耳滯留生此兒足慰周南
史那知非真實造物聊戲尔煩惱初無根恩愛爲

種子煩公爲假說反復相指似欲除苦海浪先乾
愛河水棄置一寸鱗心然笑侯喜爲公寫餘習餅
蠶一時耻

聞公少已悟拄杖久何牀笑我老而癡負鼓欲求
亡庶幾東門子柱史女敢望嗜毒戲猛獸慮患先
不詳囊破蛇已走尚未省齧傷妙哉兩篇詩洗我
千結腸黠蠶不作蠶未老輒自僵未謝湯火厄冷
然超無方

次荆公韻四絕

青李扶疎禽自來清真逸少手親栽深紅淺紫從

爭發雪白鵝黃也闌開

斫竹穿花破綠苔小詩端為覓橙栽細看造物初
無物春到江南花自開

騎驢渺渺入荒陂想見先生未病時勸我試求三
畝宅從公已覺十年遲

甲第非真有閑花亦偶栽聊為清淨供却對道人

開公病後捨宅作寺

張庖民挽詞

東晉巾車令西京執戟郎甘心向山水結髮事文
章故自輕千戶何曾羨一囊才高鬼神惡骨朽姓

名芳庾嶺銘旌暗秦淮舊宅荒吾詩不用刻妙語

有黃香黃魯直作哀詞

次韻葉致遠見贈

欲求五畝寄樵蘇所至遲留似賈胡信命不須歌
去汝逢人未免歎猶吾人皆勸我杯中物我獨憐
君屋上烏一技文章何足道要言磨却是文殊

次韻杭人裴維甫

餘杭門外葉飛秋尚記居人挽去舟一別臨平山
上塔五年雲夢澤南州淒涼楚夢綠吾發邂逅秦
淮爲子留寄謝西湖舊風月故應時許夢中游

次韻段縫見贈

季子東周負郭田須知力穡是家傳細思種蔗五十本大勝取禾三百廛若得與君連比巷故應終老忘西川短衣足馬非吾事只擬關門不問天

題孫思邈真

先生一去五百載猶在峨眉西崦中自爲天仙也官府不應尸解坐蠹蟲

戲作鮎魚一絕

扮紅石首仍無骨雪白河豚不藥人寄與天公河伯何妨乞與水精鱗

同王勝之游蔣山

到郡厝不暖居民空惘然好山無十里遺恨年年欲款南朝寺同登北郭船朱門收畫戟紺宇青蓮荆公宅夾路蒼髯古迎人翠麓偏龍腰巴爲寺國鳥爪寄曾巔竹杪飛華屋松根泣細泉峰多障日江遠欲浮天略徇橫秋水浮屠插暮煙歸踏人影雲細月娟娟

至真州再和二首

老手工摩詰窮交孟浩然論詩曾伴直話舊已忘年北上難陪驥東行且趁船離亭花映肉醉眼鷺

窺蓮柁轉三山沒風回五兩偏荒祠過水步古甃
墮松巔聞道清香閣新笏白玉泉莫教門掩夜坐
待月流天小院檀槽闌空庭禕燭烟公詩便堪唱
爲付小嬋娟

公顏如雪相千載故依然笑我無根柳空中不待
年肯留歸闕旆坐待逆風船特許門傳箭那知箭
起蓮相逢月上後小語坐西偏流落千帆側追思
百人巔躬耕懷谷口水石羨平泉茅屋歸元亮霓
裳醉樂天行闕宣室召歸近御爐煙未用歌池上
隱且教李娟

次韻荅寶覺

芒屨竹杖布行纏遮莫千山更萬山從來無脚不
解滑誰信石頭行路難

眉子石硯歌 與胡明

君不見見成都畫手開十眉橫雲却月爭新奇游人
借點小顰處中有漁陽胡馬嘶又不見王孫青瑣
橫雙碧腸斷浮空遠山色書生性命何足論坐費
千金買消渴爾來喪亂愁天公謫向君家書硯中
小窓虛幌相嫵媚令君曉夢生春紅毗耶居士談
空處結習已空花不住試教天女爲磨鉛千偈瀾

翻無一語

以王帶施元長老元以納裙相報次韻

病骨難堪玉帶圍鈍根仍落箭鋒機欲效乞食歌
姬院故與雲山舊納衣

此帶閱人如傳舍流傳到我亦悠哉錦袍錯落真
相稱乞與佯狂老萬回

次韻滕元發許仲途秦少遊

二公詩格老彌新醉後狂吟許野人坐看青丘吞
澤芥自慙黃潦薦溪蘋兩邦旌毒霧光相照十畝鋤
犁手自親何似秦郎妙天下明年獻頌請東巡

送金山鄉僧歸蜀開堂

撞鐘浮玉山迎我三千指衆中聞聲效未語知鄉
里我非箇中人何以昧識子振衣忽歸去隻影下
山裏涪江與中冷共此一味水冰盤薦琥珀何似
糖霜美

送沈達赴廣南

嗟我與君皆丙子四十九年窮不死君隨幕府戰
西羌夜渡冰河斫雲壘飛塵漲天箭酒甲歸對妻
孥真夢耳我謫黃岡四五年孤舟出沒煙波裏故
人不復通問訊疾病饑寒疑死矣相逢握手一大

笑白髮蒼顏略相似我方北渡脫重江君復南行
輕萬里功名如幻何足計學道有涯真可喜响屐
丹砂已付君汝陽雍盍吾何耻君歸赴我雞黍約
買田築室從今始

豆粥

君不見呼沱流澌車折軸公孫倉皇奉豆粥濕薪
破竈自燎衣饑寒頓解劉文叔又不見金谷敲冰
草木春帳下烹煎皆美人萍虀豆粥不傳法咄嗟
而辨石季倫干戈未解身如寄聲色相纏心已醉
身心顛倒自不知更識人間有真味豈如江頭千

頃雪色蘆茆簷山沒晨煙孤地碓春杭光似玉沙
餅煮豆軟如酥我老此身無着處賣書來問東家
住臥聽雞鳴粥熟時蓬頭曳履君家去

秦少游夢發殯而塋之者云是劉發之柩是
歲發首薦秦以詩賀之劉涇亦作因次其韻
君看三代士執雉本以殺身為小補居官死職戰
死綏夢尸得官真古語五行勝已斯為官官如草
木吾如土仕而未祿猶賓客待以純臣蓋非古餽
焉曰獻稱寡君豈比公卿相爾汝世衰道微士失
已得喪悲懽反其故草袍蘆箬相嫵媚飲食嬉遊

事群聚曲江舩舫月燈毬是謂舞殯而歌墓晉苑
走馬到東野餘子紛紛何足數二生年少兩豪逸
詩酒不知軒冕苦故令將仕夢發棺勸子勿爲官
所腐塗車芻靈皆假設著眼細看君勿誤時來聊
復一飛鳴進隱不須煩伍舉

金山夢中作

江東賈客木絲裘會散金山月滿樓夜半潮來風
又熟卧吹簫管到楊州

次韻周種惠石鉢

銅腥鐵澁不宜泉愛此蒼然深且寬蟹眼翻波湯

已作龍頭拒火柄猶寒薑新鹽少茶初熟水清雲
蒸蘚未乾自古由牛多折足要知無脚是輕安

次韻蔣頴叔

月明驚鵲未安枝一棹飄然影自隨江上秋風無
限浪枕中春夢不多時瓊林花草間前語鬢畫溪
山指後期豈敢便爲難黍約玉堂金殿要論思蔣
記及第時瓊林宴坐中
所言且約同上居陽羨

龜山辯才師

此生念念浮雲改寄語長淮今好在故人宴坐虹
梁南新河巧出龜山背木魚呼客振林莽鐵鳳橫

空飛絲繒忽驚堂宇變雄深坐覺風雷生警效美
師游戲浮漚間笑我榮枯彈指內嘗茶看畫亦不
惡問法求詩了無礙千里孤帆又獨來五年一夢
誰相對何當來世結香火永與名山射井磴

贈潘谷

潘郎曉踏河陽春明珠白璧驚市人那知望拜馬
蹄下胸中一斛泥與塵何似墨潘穿破褐琅琅翠
餅敲玄笏布衫漆黑手如龜未害冰壺貯秋月世
人重耳輕目前區區張李爭媼妍一朝入海尋李
白空看人間畫墨仙

徐大正閑軒

冰蠶不知寒火鼠不知暑知閑見閑地已覺非閑
侶君看東坡翁懶散誰比數形骸墮醉夢生事委
塵土早眠不見燈晚食或欺午卧看甕取盜坐視
麥漂雨語希舌頰強行少腰脚倭五年黃州城不
踏黃州鼓人言我閑客置此閑處所問閑作何味
如眼不自覩頗訝徐孝廉得閑能幾許介子願奉
使翁歸備文武應緣不耐閑名字挂庭宇我詩爲
閑作更得不閑語君如汁血駒轉盼略燕楚莫嫌
攀轡重終勝監車苦

蒜山松林中可卜居余欲僦其地地屬金山
故作此詩與金山元長老

魏王大瓠無人識種成何翅實五石不辭破作兩
大尊只憂水淺江湖窄我材濩落本無用虛名驚
世終何益東方先生好自舉孟賁子路并爲一杜
陵布衣老且愚信口自比契與稷暮年欲學柳下
惠嗜好酸鹹不相入金山也是不羈人早歲聞名
晚相得我醉而嬉欲仙去旁人笑倒山謂實問我
此生何所歸笑指浮休百年宅蒜山幸有閑田地
招此無家一房客

王中父哀詞

并叙

仁宗朝以制策登科者十五人軾忝冒時尚有富
彥國張安道錢子飛吳長文夏公西陳令舉錢醇
老王中父并軾與家弟轍九人存焉其後十有五
年哭中父於密州作詩吊之則子飛長文令舉沒
矣又八年軾自黃州量移汝海與中父之子沆之
相遇於京口相持而泣則十五人者獨三人存耳
蓋安道及軾與家弟而已嗚呼悲夫乃復次前韻
以遺沆之時沆之亦以罪謫家于錢塘云
生芻不獨比前人束藁端能廢謝鯤子遯想無身

後念吾衰不復夢中論已知毅豹爲均死未識荆
凡疋孰存堪笑東坡癡鈍老區區猶記刻舟痕

蔡景繁官舍小閣

使君不獨東南美典刑長記先君子戲嘲王叟短
轅車肯爲徐郎書紙尾三年弭節江湖上千首放
懷風月裏手開東閣坐虛明目淨東溪照清泚素
琴濁酒容一榻落霞孤鶩供千里大舫何時繫門
柳小詩屢欲書牕紙文昌新構滿鷓鸞都邑正喧
收杞梓相逢一醉豈有命南來寂寞君歸矣

高郵陳直躬處士畫鴈二首

野鴈見人時未起意先改君從何處看得此無人
態無乃槁木形人禽兩自在北風振枯葦微雪落
稚稚慘淡雲水昏晶茨沙礫碎弋人悵何暮一舉
渺江海

衆禽事紛爭野鴈獨閑絮徐行意自得俯仰老有
節我襄寄江湖老伴雜鵝鴨作書問陳子曉景畫
茗雪依依聚圓沙稍稍動斜月先鳴獨鼓翅吹亂
蘆花雪

和王旂二首 旂平父子

異時常恠謫仙人舌有風雷筆有神聞道騎鯨遊

汗漫憶嘗捫蝨話悲辛氣吞餘子無全自詩到諸
郎尚絕倫白髮故交空掩卷淚河東注問蒼旻
嫋嫋春風送渡関娟娟霜月照生還遲留歲暮江
淮上來往君家伯仲間未厭冰灘吼新洛且看松
雪媚南山野梅官柳何時動飛蓋長橋待子閑

次韻張畹

新洛霜餘兩岸隆塵埃舉袂識西風臨淮自古多
名士樽酒相從樂寓公半日偷閑歌嘯裏百年待
盡往來中知君不向窮愁老尚有清詩氣吐虹

次韻王定國南遷回見寄

土暈銅花蝕秋水西女須悍石相龔砥十年冰蘖戟
膏梁萬里煙波濯統綺歸來詩思轉清激百丈空
潭數魴鯉逝將桂浦擷蘭蓀不記槐堂收劍履却
思庾嶺今何在更說彭城真夢耳來詩述彭城舊作君知
先竭是甘井我願得全如苦李妄心不復九回腸
至道終當三洗髓廣陵陽羨何足較只有無何真
我里余貢田陽羨來詩以為不如廣陵樂全老子今禪伯張安道也定國
其掣電機鋒不容擬心通豈復問云何印可聊須
答如是相逢為我話留滯桃花春漲孤舟起

贈梁道人

東坡全集 卷之十四
採藥壺公處處過笑看金狄手摩挲老人大父識
君久造物小兒如子何寒盡山中無曆日雨斜江
上一漁蓑神仙護短多官府未厭人間醉踏歌

題雍秀才畫草蟲八物

促織

寒
月叢號耿耿露葉泣溽溽夜長不自暖那憂公子

蟬

槁
蛻形濁汗中羽翼便翾好秋來間何闊已抱寒壘

蝦蟆

放
得月知誰瞋蟠腹空自脹慎勿困蜈蚣饑虵不汝

螭蝦

磬
洪鐘起暗室飄瓦落空庭誰言轉丸手能作殷牀

天水牛

桑
兩角徒自長空飛不服箱爲牛竟何事利吻穴枯

蝎虎

東坡全集 卷之十四
跂跂有足蛇脉脉無角龍爲虎君勿笑食盡蠶尾

蝸牛

腥涎不滿殼聊足以自濡升高不知回竟作粘壁
枯

鬼蝶

雙眉卷鐵絲兩翅暈金碧初來花爭妍忽去鬼無
迹

泗州南山監倉蕭淵東軒二首

偶隨樵父採都梁南山各都梁山山出都梁香故也竹屋松扉試

乞漿但見東軒堪隱几不知公子是監倉溪中亂
石墻垣古山下寒蔬七箸香我是江南舊游客挂
冠知有老蕭郎

北望飛塵苦書糴洗心聊復寄東齋珍禽聲好猶
思越野橘香清未過淮有信微泉來遠嶺無心明
月轉空塔一官倉庾真堪老坐看松根絡斷崖

泗州除夜雪中黃師是送酥酒二首

暮雪紛紛投碎米春流咽咽走黃沙舊游似夢徒
能就逐客如僧豈有家冷硯欲書先自凍孤燈何
事獨成花使君半夜分酥酒驚起妻孥一笑譁

關右土酥黃似酒揚州雲液却如酥欲從元放覓
拄杖忽有麴生來座隅對雪不堪令飽煖隔船應
已厭歌呼明朝積玉深三尺高枕床頭尚一壺

章錢二君見和復次韻答之

黃昏已作風翻絮半夜猶驚月在沙照汴王峯明
佛剎隔淮雲海暗人家來麩有信迎三白詹匄無
香散六花詹匄拖子花也出欲喚阿咸來守歲林鳥

櫪馬鬪喧譁

分無纖手裁春勝况有新詩點蜀酥醉裏冰髭失
纓絡夢回布被起廉隅君應羨曉寒生暈我亦餓

腸夜自呼明日南山春色動不知誰佩紫微壺

正月一日雪中過淮謁客回作二首

十里清淮上長堤轉雪龍冰崖落屐齒風葉亂裘
首萬頃穿銀海千尋渡玉峯從來脩月手合在廣
寒宮

攢眉有底恨得句不妨清霽霧開寒谷餓鴉舞雪
城橋聲春市散塔影莫淮平不用殘燈火船窓夜
自明

劉乙新作射亭

乙父嘗知眉州

蘭王當年刺史家雙鞬馳射笑穿花而今白首閑

驄馬只有清樽照畫蛇寂寂小軒蛛網遍陰陰垂
柳鴈行斜手柔弓燥春風後置酒看君中戟牙

孫莘老寄墨四首

徂徠無老松易水無良工珍材取樂浪妙手惟潘

翁潘翁作墨雜用高麗煤魚胞熟萬杵犀角盤雙龍墨成不

敢用進入蓬萊宮蓬萊亦畫水三殿明房櫳金箋

洒飛白瑞霧縈長虹遙憐醉常侍一笑開天容

谿石琢馬肝刻藤開王版嘘嘘雲霧出奕奕龍蛇

縮此中有何好秀色紛滿眼故人歸天祿古漆窺

蠹簡踰麋給尚方老手擅編刻分餘幸見及流落

一勤穢

我貧如餓鼠長夜空齧齧瓦池研竈煤葦管書和

葉近者唐夫子遠致烏王玦唐林大寄張遇墨半丸先生又

繼之圭璧爛箱篋清窓洗硯坐地蚓稍蟠結便有

好事人敲門求醉帖

吾窮本坐詩久服朋友戒五年江湖上閉口洗殘

債今來復稍稍快癢如爬疥先生不譏訶又復寄

詩械幽光發竒思點黥出荒怪詩成一自笑故疾

逢鰕蟹

留題蘭皋亭

雪後東風未肯和扣門遷客夜經過不知舊竹生
新筍但見清伊換濁河無復往來乘下澤聊同笑
語說東坡明年我亦開三徑寂寂兼無雀可羅

和人見贈

只寫東坡不著名此身已是一長亭壯心無復春
流起衰蒼從交病葉零知有雪兒供筆硯應嗤竈
婦沈盆餅回來索酒公應厭京口新傳作客經

和田仲宣見贈

頭白江南醉司馬寬心時復喚殷兄寒潮不應淮
無信客路相隨月有情未許低頭拜東野徒言其

飲勝公榮好詩惡韻那容和刻燭應須便置觥

和王勝之三首

城上湖光暖欲波美人唱我踏春歌象公賓客皆
詩酒誰是神仙羨志和

齋釀如漉漲綠波公詩句句可絃歌流觴曲水無
多日更作新詩繼永和

莫知太守憐孤客不惜陽春和俚歌坐睡樽前呼
不應爲公雕琢損天和

記夢 并序

樂全先生夢人以詩三篇示之字皆旁行而不可

識旁有人道衣古貌爲讀其中一篇云人事且常在留質悟圓間凡四句覺而忘其二以告其客蘇軾軾以私意廣之云

圓間有物物間空豈有圓空人井中不信天形真箇樣故應眼力自先窮連環已解如神手萬竅猶號未濟風稽首問公公大笑本來誰礙更求通



國家圖書館, NATIONAL CENTRAL LIBRARY, TAIWAN, R.O.C.

東坡全集第十五卷

詩七十二首

寄蘄簞與蒲傳正

蘄簞美箭不成笛離離玉筋排霜春于溝萬縷自
生風入手未閑先慄慄公家列屋聞蛾眉珠簾不
動花陰移霧帳銀牀初破睡牙籤玉局坐彈碁東
坡病叟長羈旅凍臥饑吟似饑鼠倚賴春風洗破
衣一夜雪寒披故絮火冷燈青誰復知孤舟兒女
自憂咿皇天何時反炎燠愧此八尺黃琉璃願公
淨掃清香閣卧聽風漪聲滿榻習習還從兩腋生

請公乘此朝闈闔

寄恠石石斛與魯元翰

山骨裁方斛江珍拾淺灘清池上几案碎月落杯
盤老去懷三友平生困一簞堅姿聊自傲秀色亦
堪餐好去髯卿舍憑將道眼看東坡最後供霜雪
照人寒

漁父四首

漁父飲誰家去魚蟹一時分付酒無多少醉爲期
彼此不論錢數

漁父醉蓑衣舞醉裏却尋歸路輕舟短棹任斜橫
醒後不知何

漁父醒春江午夢斷落花飛絮酒醒還醉醉還醒
一咲人間今古

漁父笑輕鷗舉漠漠一江風雨江邊騎馬是官人
借我孤舟南渡

李憲仲哀詞 并敘

同年友李君諱惇字憲仲賢而有文不幸早世軼
不及與之游也而識其子廡有年矣廡自陽星見
余於南京泣曰吾祖母邊母馬前母張與君之喪
皆未塋貧不敢以饑寒爲戚顧四喪未舉死不獲

東坡全集 卷之三
目矣適會故人梁先吉老聞余當歸耕陽羨以絹
十匹絲百兩為贖辭之不可乃以遺薦曰此亦仁
人之餽也既又作詩以告知君與薦者庶幾皆有
以助之薦年二十五其文燁然氣節不凡此豈終
窮者哉

大夢行當覺百年特未滿遑哀已逝人長眠寄孤
館念我同年生意長日月短鹽車困騏驥烈火廢
主瓚後生有奇骨出語已精悍蕭然野鶴姿誰復
識中散有生寓大塊死者誰不窅嗟君獨久客不
識黃土暖推衣助孝子一漑滋湯旱誰能脫左驂

人事不可緩

贈眼醫王生彥若

鍼頭如麥芒氣出如車軸間關絡脉中性命寄毛
粟而况清淨眼內景含天燭琉璃貯沈澁輕脆不
任觸而子於其間來往施鋒鏃笑談紛自若觀者
頭為縮運鍼如運斤去翳如拆屋常疑子善幻他
技雜符祝子言吾有道此理君未矚形骸一塵垢
貴賤兩草木世人方重外妄見凡與王而我功不
知刺眼如刺肉君看目與翳是翳要非目目翳苟
二物易分如麥菽寧聞老農夫去草與傷穀鼻端

有餘地肝膽分楚蜀吾於五輪間蕩蕩見空曲如
行九軌道並驅無擊轂空花誰開落明月自朏
請問樂全堂忘年老尊宿

彦若樂全先生門下醫也

與歐育等六人飲酒

忽驚春色二分空且看樽前半丈紅苦戰知君便
白羽倦遊憐我憶黃封年來齒髮老未老此去江
淮東復東記取六人相會處引杯看劍坐生風

觀杭州鈴轄歐育刀劍戰袍

青綾納衫暖襯甲紅線勒巾光遶脅禿襟卜袖鵬
鶻盤大刀長劍龍蛇插兩軍鼓噪屋瓦墜紅塵日

羽紛相戛將軍忍重此身輕笑屢鋒鏑如一指書
生只肯坐帷幄談笑毫端弄生殺叫呼擊鼓催上
竿猛士應憐小兒黠試問黃河夜偷渡掠面驚沙
寒雩雩何如大艦日高眠一枕清風過若雪

王伯馭所藏趙昌畫四首

梅花

南行渡關山沙水清練練行人已愁絕日暮集微
霰殷勤小梅花髣髴吳姬面暗香隨我去回首驚
千片至今開畫圖老眼淒欲滋幽懷不可寫歸夢
君家倩

黃葵

弱質困夏末奇姿蘇曉涼
低昂黃金杯照耀初日光
檀心自成暈翠葉森有芒
古來寫生人妙絕誰似
日晨粧與午醉真態合
陰陽君看此花枝中有
風露香

芙蓉

清飈已拂林積水漸收潦
谿邊野芙蓉花水相媚
好坐看池蓮盡獨伴霜
菊槁幽姿強一笑暮景迫
摧倒淒涼似貧女嫁晚
驚衰早誰寫少年容樵人
劔南老

山茶

蕭蕭南山松黃葉隕勁風
誰憐兒女花散火冰雪
中能傳歲寒姿古來惟丘
翁趙叟得其妙一洗膠
粉空掌中調丹砂染此鶴
頂紅何須誇落墨獨賞
江南工

寄吳德仁兼簡陳季常

東坡先生無一錢十年家
火燒凡鉛黃金可成河
可塞只有霜鬢無由玄
龍丘居士亦可憐談空說
有夜不眠忽聞河東獅子
吼拄杖落手心茫然誰
似濮陽公子賢飲酒食肉
自得仙平生寓物不留

物在家學得忘家禪門前罷亞十頃田清溪遶屋
花連天溪堂醉臥呼不醒落花如雪春風顛我遊
蘭溪訪清泉已辦布襪青行纏稽山不是無賀老
我自興盡回酒船恨君不識顏平原恨我不識元
魯山銅駝陌上會相見握手一咲三千年

題王逸少帖

顛張醉素兩禿翁追逐世好稱書工何曾夢見王
與鍾妾自粉飾欺盲聾有如市倡抹青紅妖歌嫚
舞眩兒童謝家夫人談丰容蕭然自有林下風天
門蕩蕩驚跳龍出林飛鳥一掃空爲君草書續其

終待我他日不忽忽

書林逋詩後

吳儂生長湖山曲呼吸湖光飲山渌不論世外隱
君子儻兒販婦皆冰玉先生可是絕俗人神清骨
冷無由俗我不識君曾夢見瞳子瞭然光可燭遺
篇妙字處處有步繞西湖看不足詩如東野不言
寒書似西臺差少肉平生高節已難繼將死微言
猶可錄自言不作封禪書更肯悲吟白頭曲捕臨終詩
云茂陵異日求遺草猶喜初無封禪書我笑吳人不好事好作祠堂
傍脩竹不然配食水仙王一盞寒泉薦秋菊

和仲伯達

歸山歲月苦無多尚有丹砂奈老何
繡谷只應花自染鏡潭長與月相磨
君方傍海看初日我已橫江擊素波
人不我知斯我貴不須雷雨起龍梭

春日

鳴鳩乳燕寂無聲日射西窓淚眼明
午醉醒來無一事只將春睡賞春晴

贈袁陟

是身如虛空萬物皆我儲胡為強分別
百金買田廬不見袁夫子神馬載尻輿
游於無何有一飯不

蘇餘官湖為我池學舍為我居何以遺子孫
此身自蘧蔭薰風暗楊柳秋水淨芙蓉應觀我知子不
侘子知魚

蘇子容母陳夫人挽詞

蘇陳甥舅真冰玉正始風流起頽俗
夫人高節稱其家凜凜寒松映脩竹
雞鳴為善日日新八十三
年如一晨豈惟家室宜壽母實與朝廷生
異人志軀殉國乃吾子三仕何曾知慍喜
不煩擁笏強垂魚我視去來皆夢耳誦詩
相挽真區區墓碑千字多遺餘他年太史
取家傳知有班昭續漢書

歸宜興留題竹西寺

十年歸夢寄西風此去真爲田舍翁
剩覓蜀岡新井水要携鄉味過江東

道人勸飲雞蘇水童子能煎鷺粟湯
暫借藤床與瓦枕莫教孤負竹風涼

此生已覺都無事今歲仍逢大有年
山寺歸來聞好語野花啼鳥亦欣然

與孟震同遊常州僧舍

年來轉覺此生浮又作三吳浪漫遊
忽見東平孟君子夢中相對說黃州

蓮花清池五月寒小山無數碧巔峴
穉杉戢戢三千本且作凌雲合抱看

知君此去便歸耕笑指孤舟一葉輕
待向三茆乞靈雨半篙流水送君行

贈常州報恩長老

碧玉碗盛紅碼瑙井花水養石苔蒲也
知法供無窮盡試問禪師得飽無

薦福老懷真巧便淨慈兩本更尖新
憑師作鐵門限準備人間請話人

次韻荅賈耘老

五年一夢南司州饑寒疾病爲子憂東來六月井
無水仰看古堰橫奔牛平生管鮑我知子今日陳
祭誰從丘夜航爭路泥水澁牽挽直欲來瓜州自
言嗜酒得風痺故鄉不敢居溫柔空將泥愛救溝
壑衰病不復從前樂今年太守真卧龍笑語炎天
出冰雹時低九尺蒼鬚髯我過三間小池閣故人
改觀爭來賀小兒不信猶疑錯爲君置酒飲且哦
豈謂秋蟲亦能歌可憐老驥真老矣無心更秣天

示

墨花 并敘

世多以墨畫山水竹石人物者亦有以畫花者也
凡人尹白能之爲賦一首

造物本無物忽然非所難花心起墨暈春色散毫
端縹緲形纔具扶踈態自完蓮風盡傾倒杏雨半
披殘獨有狂居士求爲黑牡丹兼書平子賦歸向
雪堂看

送竹几與謝秀才

平生長物擾天真老去歸田只此身留我同行木
上坐贈君無語竹夫人但隨秋扇年年在莫調瓊
枝夜夜新堪笑荒唐王川子暮年家口若爲親

溪陰堂

白水清時雙鷺下綠槐高處一蟬吟酒醒門外三
竿日卧看谿南十畝陰

次韻許遵

蒜山渡口挽歸艖朱雀橋邊看道裝供帳已應頽
百兩擊鮮無久溷諸郎問禪時到長干寺載酒閑
過綠野堂此味只憂兒輩覺逢人休道北窓涼

贈章默

并敘

章默居士字志明生公侯家才性高爽棄家求道
不蓄妻子與世無累而父母與兄之喪貧不能舉

以是眷眷世間不能無求於人余深哀其志既有
以少助之又取其言爲詩以贈其行庶幾有表之
者

章子親未塋餘生抱羸疾朝吟噎隣里夜淚腐茵
席前羊黑花生今歲白髮出身隨日月逝恨與天
地畢願求不毛田親築長夜室難從王孫裸未忍
夏后塋五陵多豪士百萬付一擲心知義財難其
就貧友乞不辭毛粟施行自丘山積此志苟朝遂
夕死真不戚誓求無生理不踐有爲迹棄身屍隄
林烏鳥任狼籍

東坡全集 卷之十五
送穆越州

江海相忘十五年，羨君松柏蔚蒼顏。
四朝耆舊冰霜後，兩郡風流水石間。
舊政猶傳蜀父老，先聲已振越溪山。
樽前俱是蓬萊守，莫放高樓雪月閑。

贈葛葦

竹椽茆屋半摧傾，肯向蜂窠寄此生。
長恐波頭卷室去，欲將船尾載君行。
小詩試擬孟東野，大草閑臨張伯英。
消遣百年須底物，故應憐我不歸耕。

贈王寂

與君暫別不須嗟，俯仰歸來髮未華。
記取江南煙

以是眷眷世間，不能無求於人。余深哀其志，既有以少助之，又取其言爲詩以贈其行。庶幾有表之者。

章子親未塋，餘生抱羸疾。朝吟噎隣里，夜淚腐茵席。
前年黑花生，今歲白髮出。身隨日月逝，恨與天地畢。
願求不毛田，親築長夜室。難從王孫裸，未忍夏后塋。
五陵多豪士，百萬付一擲。心知義財難，其就貧友乞。
不辭毛粟施，行自丘山積。此志苟朝遂，夕死真不戚。
誓求無生理，不踐有爲迹。棄身屍阨林，烏鳥任狼籍。

送穆越州

江海相忘十五年，羨君松柏蔚蒼顏。
四朝耆舊冰霜後，兩郡風流水石間。
舊政猶傳蜀父老，先聲已振越溪山。
樽前俱是蓬萊守，莫放高樓雪月閑。

贈葛葦

竹椽茆屋半摧傾，肯向蜂窠寄此生。
長恐波頭卷室去，欲將船尾載君行。
小詩試擬孟東野，大草閑臨張伯英。
消遣百年須底物，故應憐我不歸耕。

贈王寂

吳君暫別不須嗟，俯仰歸來鬢未華。
記取江南煙

南裏青山斷處是君家

南都妙峯亭

十尋挂雲闕，十頃含風灣。
開門弄清泚，照見雙銅環。
池臺半禾黍，桃李餘榛菅。
無人肯回首，日暮車班班。
史君非世人心，與古佛閑時。
邀聲利客來洗塵埃，願新亭在東阜。
飛宇凌通闕，古甃磨翠壁。
霜林散煙鬢，孤雲抱商丘。
芳草連杏山，俯仰盡法界。
逍遙寄人寰，亭亭妙高峯。
了了蓬萊間，五老壓彭蠡。
三峰照潼關，均爲拳石小。
配此一掬性，願公爲標指，免使勲躋攀。

神宗皇帝挽詞三首

文武固天縱欽明又日新
化民何止聖妙物獨稱
神政已三王上言皆六籍
醇魏巍本無象刻畫愧
孤臣

未易名堯德何須數舜功
小心仍致孝餘事及平
戎典禮從周舊官儀與漢
隆誰知本無作千古自
承風

接統真千歲膺期止一章
周南稍留滯宣室遂淒
涼病馬空嘶櫪枯葵已
泫霜餘生卧江海歸夢泣
嵩邱

金山妙高臺

我欲乘飛車東訪赤松子
蓬萊不可到弱水二萬
里不如金山去清風半帆
耳中有妙高臺雲峰自
孤起仰觀初無路誰信平
如砥臺中老比丘碧眼
照窓几巉巖王為骨凜凜
霜入齒機鋒不可觸千
偈如翻水何須尋德雲卽
此比丘是長生未暇學
請學長不死

贈社介 并敘

元豐八年七月二十五日杜幾先自浙東還與余
相遇於金山話天台之異以詩贈之

我夢遊天台橫空石橋小松風吹荷露翠濕香嬾
嬾應真飛錫過絕澗度雲鳥舉意欲從之翛然已
松杪微言粲珠玉未說意先了覺來如墮空耿耿
窓戶曉羣生陷迷網獨達從古少杜叟子何人長
歎萬物表妻孥空四壁振策念輕矯遂爲赤城游
飛步凌縹緲問禪不歸舍屢爲瓠壺繞何人識此
志佛眼自照燎我夢若見之卓爾非魔燒仙葩發
茗碗翦刻分葵蓼從今更不出閑戶閑驥畏時從
佛頂巖馳下雙蓮沼

次韻孫莘老斗野亭寄子由在邵伯堰

落帆謝公渚日脚東西平孤亭得小憩暮景含餘
清坐待斗與牛錯落梵宇覺老僧如夙昔一笑意
已傾新詩出故人舊事疑前生吾生七往來送老
海上城逢人輒自哂得魚不忍烹似聞續溪老復
作東都行小詩如秋菊艷艷霜中明過此感我言
長篇發春榮

送楊傑

無爲子嘗奉使登太山絕頂雞一鳴見日出又嘗
以事過華山重九日飲酒蓮花峯上今乃奉詔與
高麗僧繞遊錢塘皆以王事而從方外之樂善哉

未曾有也作是詩以送之

天門夜上賓出日萬里紅波半天赤歸來平地看
跳丸一點黃金鑄秋橋太華峰頭作重九天風吹
灑黃花酒浩歌馳下腰帶鞢醉舞崩崖一揮手神
遊八極萬緣虛下視蚊雷隱汗渠大千一息八十
返笑厲東海騎鯨魚三韓王子西求法鑿齒彌天
兩勅敵過江風急浪如山寄與舟人好看客

次韻送徐大正

嘗與余約鄰於江淮間將赴
登州同舟至山陽以詩見送

別留

別時酒盞照燈花知我歸期漸有涯去歲渡江萍

似斗今年並海棗如瓜多情明月邀君共無價青
山爲我賒千首新詩一竿竹不應空釣漢江槎

楊康功有石狀如醉道士爲賦此詩

楚山固多猿青者黠而壽化爲狂道士山谷恣騰
蹂誤入華陽洞竊飲茆君酒君命囚巖間巖石爲
械杻松根絡其足藤蔓縛其肘蒼苔昧其目叢棘
哽其口三年化爲石堅瘦敵瓊玖無復號雲聲空
餘舞杯手樵夫見之笑抱賣易升斗楊公海中仙
世俗那得友海邊逢姑射一笑微俛首胡不載之
歸用此頑且醜求詩紀其異本末得細剖吾口豈

妄云得之亡是叟

迨作淮口遇風詩戲用其韻

我詩如病驥悲鳴向衰草有兒真驥子一噴群馬
倒養氣勿吟哦聲名忌太早風濤借筆力勢逐孤
雲掃何如陶家兒進舍覓梨棗君看押強韻已勝
郊與岳

次韻徐積

殺雞未肯邀季路裹飯先須問子來但見中年隱
槐市豈知平日賦蘭臺海山入夢方東去風雨留
人得暫陪若說峨眉眼前是故鄉何處不堪回

元豐七年有詔京東淮南築高麗亭館密海

一州騷然有逃亡者明年軾過之歎其壯麗
留一絕云

簷楹飛舞垣墻外桑柘蕭條斤斧餘盡賜昆耶作
奴婢不知償得此人無

過密州次韻趙明叔喬禹功

先生依舊廣文貧老守時遭醉尉嗔汝輩何曾堪
一笑五儕相對復三人黃雞催曉淒涼曲白髮驚
秋見在身一別膠西舊朋友扁舟歸釣五湖春

再過常山和昔年留別詩

僂僕山前叟迎我如迎新那知夢幻軀念念非昔
人江湖久放浪朝市誰相親却尋泉源去桃花逢
避秦

再過超然臺贈太守霍翔

昔飲雩泉別常山天寒歲在龍蛇間山中兒童拍
手笑問我西去何當還十年不赴竹馬約扁舟獨
與漁蓑閑重來父老喜我在扶挈老幼相遮攀當
時襁褓皆七尺而我安得留朱顏問今太守爲誰
歟護羗充國髮未斑謂自言在熙河
作屯田有功躬持牛酒勞
行役無復把菊嘲寒慳超然置酒尋舊迹尚有詩

賦鏡堅頑孤雲落日在馬耳照耀金碧開煙鬟却
淇自古北流水跳波下瀨鳴玦環願公談笑作石
埭坐使城郭生溪灣

海市并叙

予聞登州海市舊矣父老云常出於春夏今歲晚
不復見矣予到官五日而去以不見爲恨禱於海
神廣德王之廟明日見焉乃作此詩

東方雲海空復空群仙出沒空明中蕩搖浮世生
萬象豈有具闕藏珠宮心知所見嗜幻影敢以耳
目煩神工歲寒水冷天地閉爲我起鰲鞭魚龍重

樓翠阜出霜曉異事驚倒百歲翁人間所得容力
取世外無物誰爲雄率然有請不我拒信我人厄
非天窮潮陽太守南遷歸喜見石廩堆祝融自言
正直動山鬼豈知造物哀龍鍾信眉一笑豈易得
神之報汝亦已豐斜陽萬里孤鳥沒但見碧海磨
青銅新詩綺語亦安用相與變滅隨東風

登州孫氏松堂

萬松誰種已樞樞半嶺蒼雲映此邦露重珠纓蒙
翠蓋風來石齒碎寒江浮空雨竹橫南閣倒景扶
桑射北窓坐待夕烽傳海嶠重城歸去踏逢逢

過萊州雪後望三山

東海如碧環西北卷登萊雲光與天色直到三山
回我行適冬仲薄雪收浮埃黃昏風絮定半夜扶
桑開參差太華頂出沒雲濤堆安期與羨門乘龍
安在哉茂陵秋風客勸爾麾一杯帝鄉不可期楚
些招歸來

遺直坊

并敘

富鄭公之客李君諱常登人也故太守李公諱師
中榜其間曰遺直而其子大方求詩於軾爲賦一
首

使君不浪出羔鴈親扣門先生但清坐薤水已多
言當時邦人化市無晨飲豚歲月曾幾何客主皆
九原曾經有餘歎楚些無歸魂我作遺直詩過者
式其藩

次韻趙令鑠

東坡已報六年穰惆悵紅塵白首郎枕上溪山猶
可見門前冠蓋已相望故人年少真瓊樹落筆風
生戰諸牆端向甕間尋吏部老來專以醉爲鄉

次韻王定國得穎倅二首

仙風入骨已凌雲秋水爲文不受塵一噫固應鏤

地籟餘波猶足掛天紳買牛但自捐三尺射鼠何
勞挽六鈞莫向百花潭上去醉翁不見與誰春
滔滔四海我知津每愧先生植杖芸自少多言晚
聞道從今閉口不論文灑翻白獸樽中酒歸煮青
泥坊底芹要識老僧無盡處床前牛蟻不曾聞

次韻趙令鑠惠酒

神仙無石髓生世悲斲寓坐待玉膏流千載真且
暮青州老從事鬲上非所部惠然肯見從知我惜
市酤開餅自洗盞肴核誰與具門前聽剝啄烹煎
得尺素

送范純粹守慶州

才大古難用論高常近迂君看趙魏老乃爲勝大
夫浮雲無根蒂黃潦能須臾知經幾成敗得見真
賢愚羽旄照城闕談笑安邊隅當年老使君赤手
降於菟諸郎更何事折箠鞭其雛吾知鄧平叔不
闔月支胡

次韻王震

携文過我治平間霧豹當時始一斑聞道吹噓借
餘論故教流落得生還清篇帶月來霜夜妙語先
春發病顏詩酒暮年猶足用竹林高會許時攀

次韻王定國謝韓子華過飲

楚有孫叔敖長城隱二里哀哉練裙子負薪躡破
履豈無故交親逝去如覆水不如老優孟談笑託
諧美世家不可恃如倚折足几祥符有賢相手握
天下砥礪敏亦名公三貴德爵齒蓋棺今幾日公
子誰料理誰要卿料理欲說且止止宅相問府公
久爲蒼生起如何雷老別水盤餽蒼耳親嫌妨鴟
薦相對發微泚新詞如解老脫手不移唇我亦老
賓客苦語落統絢莫辭三上章有道貧賤耻

惠崇春江晚景二首

竹外桃花三兩枝，春江水暖鴨先知。
萋萋蒿浦地，蘆芽短正是河豚欲上時。

兩兩歸鴻欲破群，依依還似北歸人。
遙知朔漠多風雪，更待江南半月春。

次韻周邠

南遷欲舉力田科，三徑初成樂事多。
豈意殘年踏朝市，有如疲馬畏陵坡。
羨君同甲心方壯，笑我無聊鬢已皤。
何日西湖尋舊賞，淡煙疎雨暗漁蓑。

次韻胡完夫

青山別淚尚淋漓，十載江湖困抱關。
老去上書還

北闕朝來拄笏望，西山相從盃酒形骸外。
笑說平生醉夢間，萬事會須咨伯始。
白頭容我占清閑。

次韻錢穆父

老入明光踏舊班，染鬚那復唱陽關。
故人飛上金鑿毀，遷客來從飯顆山大筆。
推君西漢手一言，置我二劉間。
便須置酒呼同舍，看賜飛龍出帝閑。

再次韻答完夫穆父

二公自言先世同在西掖

掖垣老吏識郎君，並轡天街兩絕塵。
汗血固應生有種，夜光那復困無因。
豈知西省深巖地，也著東坡病瘦身。
免使謫仙明月下，狂歌對影只三人。

次韻荅蒲思復

自其茅屋老三間豈意彤庭綴兩班
紙落雲烟供醉後詩成珠玉看
朝還誰言載酒山無賀記取啼
鳥巷有顏但恐跛牂隨赤驥青雲飛步不容攀

東坡全集第十五卷終

東坡全集第十六卷

詩八十八首

送戴蒙赴成都王局觀將老焉

拾遺被酒行歌處野梅官柳西郊路聞道華陽版
籍中至今尚有城南杜我欲歸尋萬里橋水花風
葉暮蕭蕭芋魁徑尺誰能盡植木三年已足燒百
歲風狂定何有羨君今作峩眉叟縱未家生執戟
郎也應世出埋輪守莫歎老病未歸身王局他年
第幾人會待子猷清興發還須雪夜去尋君

送陳睦知潭州

華清縹渺浮高棟上有頽林藏石甕一杯此地初
識君千巖夜上同飛鞚君時年少面如玉一飲百
觚嫌未痛白鹿泉頭山月出寒光潑眼如流汞朝
元閣上酒醒時卧聽風鑿鳴鐵鳳舊遊空在人所
處二十三年真一夢我得生還雪髯滿君亦老嫌
金帶重有如社燕與秋鴻相逢未穩還相送洞庭
青草渺無際天柱紫蓋森欲動湖南萬古一長嗟
付與騷人發嘲弄

用前韻答西掖諸公見和

雙猊蟠礎龍纏棟金井輓轡鳴曉甕小殿垂簾白
王鈞大宛立仗朱絲響風馭賓天雲雨隔孤臣忍
淚肝腸痛羨君意氣凌三坐落筆縱橫盤走水上
樽日日寫黃封賜老時開小鳳閉門憐我老大
玄給札看君賦雲夢公奏不知江海眩木瓜屢費
瑤瓊重豈性蹇步因追攀已覺侍史疲犇送春還
宮柳腰肢活雨入御溝鱗甲動借君妙語發春容
顧我風琴不成弄

次韻王覲正言喜雪

聖人與天通有詔寬獄市好語夜喧街濕雲朝覆
砌紛然退朝後色映宮槐媚欲誇翦刻工故上朱

東坡全集 卷之六
藍袂我方執筆待未敢書上瑞君猶伏閣爭高論
亦少慰霏霏止還作盎盎風與氣神龍久潛伏一
怒勢必倍行當見三白拜舞謹萬歲歸來飲君家
酣詠追旣醉

和蔣發運

夜語翻千偈書來又一言此身真佛祖何處不羲
軒船穩江吹坐樓空月入樽遙知思我處醉墨在
顏垣

送表弟程六知楚州

炯炯明珠照雙壁當星三老蘇程石里人下道避
鳩杖刺史迎門倒皂烏我時與子皆兒童狂走從
人覓梨栗健如黃犢不可恃隙過白駒那暇情醴
泉寺古垂橘柚石頭山高間松櫟諸孫相逢萬里
外一笑未解千憂積子方得郡古山陽老手風生
謝刀筆我正含毫紫微閣病眼昏花困書檄莫教
印綬繫餘年去掃墳墓當有日功成頭白早歸來
共藉梨花作寒食

和人假山

上黨攬六碧玉環絕河千里抱商顏試觀煙雨三
峯外都在靈仙一掌間造物何如童子戲寫真聊

發使君閑何當挈取征西去畫作圍床六曲山

送王伯敷守虢

華山東麓秦遺民當時依山來避秦至今風俗含
古意柔桑淶水招行人行人掉臂不回首爭入嶺
函土囊口惟有使君千里來欲飲三堂無事酒三
堂本來一事無日長睡起聞投壺牀頭硯石開雲
月澗底松根斲雪腴山棚盜故人安寢勸買耕牛
發陳廩歸來只作水衡卿我欲携壺就君飲

道者院池上作

下馬逢佳客携壺傍小池清風亂荷葉細雨出魚
兒井好能冰齒茶其不上眉歸塗更蕭瑟真箇解
催詩

次韻子由送千之姪

江上松楠深復深清山風雨作龍吟年來老榦都
生菌下有孫枝欲出林白髮未成歸隱計青衫儘
有濟時心閉門試草三千牘仄席求人少似今

書文與可墨竹并敘

亡友文與可有四絕詩一楚詞二草書三畫四與
可嘗云世無知我者惟子瞻一見識吾妙處旣沒
七年覩其遺迹而作是詩

東坡全集 卷之十一
筆與子皆逝詩今誰為新空遺運斤質却吊斷絃
人

次韻錢舍人病起

牀下龜寒且耐支杯中蛇去未應衰殿門明日逢
王傅櫺具爭先看不疑坐覺香煙携袖少獨愁花
影上廊遲何妨一笑千痾散絕勝倉公飲上池

次韻和王鞏

謫仙竄夜郎子美耕東屯造物豈不惜要令工語
言王郎年少日文如鉞水翻爭鋒雖剽甚聞鼓或
驚馬犇天欲成就之使觸羝羊藩孤光照微陋耿如

月在盆歸來千首詩傾寫五石樽却疑彭澤在頗
覺蘇州煩君看鄒忌子廉折配春温知音必無人
壞壁掛桐孫

用王鞏韻送其姪震知蔡州

九門插天開萬馬先朝屯舉鞭紅塵中相見不得
言夜走清虛宿扣門驚鵲翻君家汾陽家未巷車
雷犇夕郎方不夕列戟以自藩相逢閒月閣畫簷
低金盆至今夢中語猶舉燈前樽阿戎脩玉牒未
憚筆削煩君歸助獻納坐繼岑與温我客二子間
不復尋諸孫

子美詩云權門多
尊階且復尋諸孫

號國夫人夜遊圖

佳人自鞚玉花驄，翩如驚燕踏飛龍。
金鞭爭道寶釵落，何人先入明光宮。
宮中羯鼓催花柳，玉奴絃索花奴手。
坐中八姨真貴人，走馬來看不動塵。
明眸皓齒誰復見，只有丹青餘淚痕。
人間俯仰成今古，吳公臺下雷塘路。
當時一笑潘麗華，不知門外韓擒虎。

用舊韻送魯元翰知洛州

我在東坡下躬耕，三畝園君爲尚書郎。
坐擁百吏繁鳴蛙，與鼓吹等是俗物。
喧求謝十年舊老死三

家村惟君緜袍，信到我雀羅門。
緬懷故人意，欲使薄夫敦新年。
對宣室白首，代堯言相逢問前輩。
所見多後昆，道館雖云樂。冷卿當復溫，
遠持刺史節。却駕朱輪軒黃髮，方用事。
白鬚宜少存，兩聖真生知。救民如救燔，
初囚羽淵魄。盡返湘江魂，坐憂東郡決。
老守思王尊，比流桑柘沒。故道塵埃，
彌知君一寸心可敵。千步垣流亡自栖，
止老幼忘崩。得閑閉閣坐，勿使道眼渾。
聊乘應捨棧，直泝無生源。歸來成二老，
夜榻當重論。

次韻朱光庭初夏

朝罷人人識鄭崇直聲如在履聲中卧聞疎響梧
桐雨獨詠微涼殿閣風諫苑君方續承業醉鄉我
欲訪無功陶然一枕誰呼覺牛蟻新除病後聰

次韻朱光庭喜雨

久苦趙盾日欣逢傳說霖坐知千里足初覺兩河
深破屋常持傘無薪欲爨琴清詩似庭燎雖美未
忘箴

奉敕祭西太一和韓川韻四首

聖主新除祕祝侍臣來乞豐年壽宮神君欲至半
夜靈風肅然

王壘親題御筆金章來侍天香禮罷祝融參乘前
驅已過衡湘

解劍獨行殘月披衣困卧清風夢蝶猶飛旅枕粥
魚已響枯桐

陂水初含曉渌稻花半作秋香皂蓋却迎朝日紅
雲正遮宮墻

西六一見王荆公舊詩偶次其韻二首

秋早川原淨麗雨餘風日清酣從此歸耕劍外何
人送我池南

但有樽中若下何須墓上征西聞道烏衣巷口而

今煙草妻迷

次韻子由送陳侗知陝州

誰能如鐵牛橫身負黃河滔天不能沒尺筭木易
訶世俗自無常徐公故逶迤別來不可說事與浮
雲多當時無限人毀譽卽墨阿虛聲了無實夜蟲
鳴機梭相逢一笑外柰此白髮何天際皆蘅雲長
鳴飽芻禾王庭旅百寶大具隨寸戈君獨一麾去
欲賡五袴歌甘棠古樂國白酒金叵羅知君不久
留治行中新科過客足嗔喜東堂記分鵝此外但
坐歎後生工揣摩

送賈訥倅眉二首

當年入蜀歎空回未見峩眉肯再來童子遙知頌
襦袴使君先已洗樽壘李大大曰鹿頭北望應逢
鴈人日東郊尚有梅人日山東郊渡江游我老不
堪歌樂職後生試覓子淵才

老翁山下玉淵回手植青松三萬栽父老得書知
我在小軒臨水爲君開試看一一龍蛇活更聽蕭
蕭風雨哀便與草萊同不翦蒼髯白甲待歸來先

莊於墓側山之東二十餘里地名老翁泉君許爲一往感歎之深故及

送程建用

東坡全集 卷之十一
先生本舌耕文字浩千頃空倉付公子坐待發蒼
穎十年困新說兒女爭捕影鑿垣種蒿蓬嘉穀誰
復省空餘南陔意太息北堂冷織履隨方進採薪
教韋逞辛勤守一經菽水賢五鼎今年聞起廢魯
史復光景公子亦改官三就繁馬頸歸來一笑粲
素髮颯垂領會看金花詔湯沐奉朝請天公不吾
欺壽與龜鶴求

次韻李脩孺留別二首

十年流落敢言歸魚鳥江湖只自知豈意青天掃
雲霧盡呼黃髮寄安危風流吾子真前輩人物他

年記一時我欲折繻留此老緇衣誰作好賢詩

此生別袖幾回麾夢裏黃州空自疑何處青山不
堪老當年明月巧相隨窮通等是思家意衰病難
堪送客悲好去江魚煮江水劍南歸路有姜詩

次韻黃魯直赤日

讀詩得非子夏學由史正作丘明書天公戲人亦
薄相略遣幻翳生明珠穎君年來屏鮮腴百千燈
光同一如書成自寫蠅頭表端就君王覓鏡湖

和周正孺墜馬傷手

平生學道已神完豈復兒童私自憐醉墜何曾傷

內守色憂當爲念先傳書空漸覺新詩律把蟹行
看樂事全賣却老驄爲酒直大呼鄉友作新年

戲周正孺二絕

折臂三公未可知會當千鎰訪權奇勸君鬻駱猶
閑事腸斷閨中楊柳枝

天廡新頒玉鼻騂故人共弊亦常情相如雖老猶
能賦換馬還應繼二生

題文與可墨竹

并敘

故人文與可爲道師王執中作墨竹且謂執中勿
使他人書字待蘇子瞻來令作詩其側與可旣沒

八年而軾始還朝見之乃賦一首

斯人定何人游戲得自在詩鳴草聖餘無人竹三
昧時時出木石荒恠軼象外舉世知珍之賞會獨
余最知音古難合奄忽不少待誰云死生隔相見
如龔隗

潛推官母李氏挽詞

南浦淒涼老逐臣東坡還往盡幽人杯盤慣作陶
家客弦誦常叨孟母隣尚有升堂他日約豈知負
土一阡新今年我欲江湖去暮雨連山宰樹春

王堂栽花周正孺有詩次韻

東坡全集 卷之二十一
故山桃李半荒榛粗報君恩便乞身竹簟暑風招
我老玉堂花蓋爲誰春纖纖翠蔓詩催發皎皎霜
葩髮鬪新只有來禽青李帖他年留與學書人

杜介送魚

新年已賜黃封酒舊老仍分頰尾魚陋巷關門負
朝日小園除雪得春蔬病妻起斫銀絲膾稚子謹
尋尺素書醉眼矇矓覓歸路松江煙雨晚疎疎

送杜介歸揚州

再入都門萬事空閑看清洛漾東風當年幃幄幾
人在回首觚稜一夢中採藥會須逢薊子問禪何

處識龐翁歸來鄰里應迎笑新長淮南舊桂叢

秋詠石屏

霏霏點輕素眇眇開重陰風花亂紫翠雪外有煙
林雪近勢方壯林遠意殊深會有無事人支頤識
此心

和黃魯直燒香二首

四句燒香佛子隨香遍滿東南不是聞思所及且
令鼻觀先參

萬卷明窓小字眼花只有爛斑一炷煙消火冷半
生身老心閑

再和二首

來詩言飲酒
畫竹石草書

置酒未逢休沐便同越北燕南且復歌呼相和隔
墻知是曹參

丹青已自前世竹石時窺一斑五字當還靖節數
行誰似高閑

武昌西山 并敘

嘉祐中翰林學士承旨鄧公聖求爲武昌令常遊
寒溪西山山中人至今能言之軾謫居黃岡與武
昌相望亦常往來溪山間元祐元年十一月二十
九日考試館職與聖求會宿玉堂偶話舊事聖求

嘗作元次山窪樽銘刻之巖石因爲此詩請聖求
同賦當以遺邑人使刻之銘側

春江淥漲蒲萄醅武昌官柳知誰栽憶從樊口載
春酒步上西山尋野梅西山一上十五里風駕兩
掖飛崔嵬同遊困卧九曲嶺褰衣獨到吳王臺中
原北望在何許但見落日低黃埃歸來解劍亭前
路蒼崖半入雲濤堆浪翁醉處今尚在石臼杯飲
無樽壘爾來古意誰復嗣公有妙語留山隈至今
好事除草棘常恐野火燒蒼苔當時相望不可見
玉堂正對金鑾開豈知白首同夜直卧看椽燭高

東坡全集 卷之十一
花摧江邊曉夢忽驚斷銅環玉鎖鳴春雷山人帳
空猿鶴怨江湖水生鴻鴈來請公作詩寄父老往
和萬壑松風哀

再用前韻

朱顏發過如春醅胸中梨棗初未栽丹砂未易掃
白髮赤松却欲參黃梅寒溪本自遠公社白蓮翠
竹依崔嵬當時石泉照金像神光夜發如五臺飲
泉鑿面得真意坐視萬物皆浮埃欲收暮景返甲
里遠泝江水窮離堆還朝豈獨羞老病自歎才盡
傾空罌諸公渠渠若夏屋吞吐風月清隅隈我如

廢井久不食古甃缺落生陰苔數詩往復相感發
汲新除舊寒光開遙知二月春江闊雲浪倒捲雲
峯摧石中無聲水亦靜云何解轉空山雷欲就諸
公評此語要識憂喜何從來願求南宗一勺水往

與屈贊淵餘哀

韋應物詩云水性本云靜石中固無聲如何兩相激雷轉空山驚

送楊孟容

我家峩眉陰與子同一邦相望六十里共飲玻璃
江江山不違人遍滿千家窓但苦窓中人寸心不
自降子歸治小國洪鐘噓微撞我留侍王坐弱步
歆豐扛後生多高才名與黃童雙不肯入州府故

東坡全集卷之二十一
人餘老龐慙慙與問訊愛惜霜眉龐何以待我歸
寒醅發春缸

見子由與孔常父唱和詩輒次其韻余昔在
館中同舍出入輒相聚飲酒賦詩近歲不復
講故終篇及之庶幾諸公稍復其舊亦太平
盛事也

君先魯東家門戶照千古文章固應爾須鬣餘似
處雖非蒙俱狀尚有歷國苦誦書口瀾翻布穀雜
杜宇十年困犇走櫛沐飽風雨吾道其非耶野處
豈兕虎灞陵閑老將柏直口尚乳白君兄弟還鼎
立知有補蓬山耆舊散故事誰刪去來迎馮翊傳
出餞會稽組吾猶及前輩詩酒盛冊府願君唱此
風揚解斯柱舉

趙令晏崔白大圖幅徑三丈

扶桑大壘如甕盎天女織綃雲漢上往來不遣鳳
嶺梭誰能鼓臂投三丈人間刀尺不敢裁丹青付
真涼梁崔風蒲半折寒鴈起竹間的磔橫江梅畫
堂粉壁翻雲幕十里江天無處着好臥元龍百尺
樓笑看江水拍天流

次韻張昌言給事省宿

馮顛久已歎殘雪我眼何曾眩落暉朔野按行猶

雀躍東臺真坐覺鳥飛道家有鳥飛入兔宮之說漫誇年少容

吾在樂天詩云猶有誇張少年處笑呼張大喚張少若聞樽前舉世稀待

向崧陽求水竹一犁煙雨伴公歸

和三舍人省上三月二十九日作明

紛紛榮瘁何能久雲雨從來翻覆手况如一夢墮

枕中却見三賢起江右曾子開劉貢父孔經父皆江西人嗟君妙

質皆瑚璉顧我虛名但箕斗明朝冠蓋蔚相望共

危翠輦朝宣光武皇已老白雲鄉正與群帝驂龍

翔獨留杞梓扶明堂

送錢承制赴廣南路今都監

當年我作表忠碑坐覺江山氣未衰舞鳳尚從天

日下收駒時有渥洼姿據床到處堪吹笛橫槊何

人解賦詩知是丹霞破佛手先聲應已懾群夷廣西

佛手有佛動之異

次韻曾子開從駕二首

街槐綠閣雨初勻瑞霧香風滿後塵清廟幸同觀

濟濟豐年喜復接陳陳雍容已饜天府賜俯伏初

嘗貢茗新輦路歸來聞好語共驚堯顛類高辛

入伏魂驚愧草萊一聲清蹕九門開暉暉日傍金

輿轉習習風從王宇來流落生還真一芥周章危
立近三槐學士班道傍儻有山中舊問我收身早
晚回

再和

眼花錯莫鬢霜勻病馬羸駟只自塵奉引拾遺叨
侍從思歸少傳羨朱陳衰年壯觀空驚目嶮韻清
詩苦闢新最後數篇君莫厭擣殘椒桂有餘辛
憶觀滄海過東萊日照三山迤邐開崔觀飛樓凌
霧起仙幢寶蓋拂天來不聞官漏催晨箭但覺簷
陰轉古槐供奉清班非老處會稽何日乞方回時

關會稽守

次韻劉貢父省上喜雨

密雲今日破郊西踈雨瀟瀟未作泥要及清閑同
笑語行看衰病費扶携花前白酒傾雲液戶外青
驄響月題不用臨風苦揮淚君家自與竹林齊貢父
詩中有所不及與其兄原父同時之
歎然其兄子仲馮今為起居舍人

再和

當年曹守我膠西共厭餽糟具汨泥自古赤丸成
習俗因公黃犢免提携生還各有青山興病起猶
能小字題莫恠歌吁數相和曾將獄吏寄全齊貢父

為曹州盜賊皆奔秦境蓋嘗
有詩云從來晉盜稍奔秦

送顧子敦奉使河朔

我友顧子敦，軀膽兩俊偉。便便十圍腹，不但貯書史。容君數百人，一笑萬事已。十年卧江海，了不見愠喜。磨刀向豬羊，醜酒會鄰里。歸來如一夢，豐頰愈茂美。平生批敕手，濃墨寫黃紙。會當勒燕然，廊廟登劔履。翻然向河朔，坐念東郡水。河來屹不去，如尊乃勇耳。

次韻子由送家退翁知懷安軍

吾州同年友，粲若琴上星。當時功名意，豈止拾紫

青事既喜違，願天或不假。齡今如圖中鶴，仰在

一庭

吾州同年友十三人，今存者六人而已。故有琴上星圖中鶴之語。

西南正春

早廢沼黏枯萍，翩然一麾去。想見靈雨零，我無謫仙句。待詔沉香亭，空騎內廐馬。天仗隨雲駢，竟無絲毫補眷焉。誰汝令永愧，舊山叟憑君寄丁寧。

諸公餞子敦賦以病不往復次前韻

君為江南英，面作河朔偉。人間一好漢，誰似張長史。上書苦留君，言拙輒報已。置之勿復道，出處俱可喜。琴輿共六尺，食肉飛萬里。誰言遠近殊，等是朝廷美。遙知送別處，醉墨爭淋紙。我以病杜門，商

頌空振履後會知何日一歡如覆水善保千金軀
前言戲之耳

和張昌言喜雨

二聖憂勤忘寢食百神奔走會風雲禁林夜直鳴
江瀨清洛朝回起穀紋夢覺酒醒聞好句帳空簾
冷發餘薰秋來定有豐年喜剩作新詩準備君

次韻劉貢父西省種竹

要知西掖承平事記取劉郎種竹初舊德終呼名
字外後生誰續笑談餘昔李公擇種竹館中戲語
同舍後人指此竹必云李
文正手植貢父笑曰文正不獨繫
筆亦知種竹耶時有筆工李文正成陰障日行當

見取筍供應詩已疎白首林間望天上平安時報

故人書

李離公北都童子寺
竹寺僧日報日安

偶與客飲孔常父見訪方設席延請忽上馬
馳去已而有詩戲用其前韻答之

楊雄他文不皆奇獨稱觀餅居并眉酒客法士兩
小兒陳遵張竦曾何知主人有酒君獨醉蟹螯何
不左手持豈復見吾橫氣機遣人追君君絕馳盡
力去花君自癡醜醜與酒同一卮請君更問文殊
師

次韻子由書李伯時所藏韓幹馬

潭潭古屋雲幕垂省中文書如亂絲忽見伯時畫
天馬朔風胡沙生落錐天馬西來從西極勢與落
日爭分馳龍膺豹股頭八尺奮迅不受人間羈元
狩虎脊聊可友開元王花何足奇伯時有道真吏
隱飲啄不羨山梁雌丹青弄筆聊爾耳意在萬里
誰知之幹惟畫肉不畫骨而况失實空餘皮煩君
巧說腹中事妙語欲遣黃泉知君不見韓生自言
無所學廐馬萬匹皆吾師

次韻劉貢父獨直省中

明窓畏日曉先敞高柳鳴蜩午更喧竿耒新詩旋

有物心空客疾本無根隔墻我亦眠風榻上馬君

先瑣月軒共喜早歸三伏近解衣盤礴亦君恩

軾以去歲春夏侍立邇英而秋冬之交子由

相繼入侍次韻絕句四首各述所懷

瞳瞳日脚曉猶清細細槐花暖自零坐閱諸公半

廊廟時看黃色起天庭

僕射呂公門下請公左
丞劉公皆日講席大用

上尊初破早朝寒茗盞仍沾講舌乾陛楯諸郎空

兩立故應慙悔不儒冠

兩鶴摧頽病不言年來相繼亦乘軒悞聞九奏聊

飛舞可得裴回爲啄吞

微生偶脫風波地晚歲猶存鐵石心定是香山老

居士世緣終淺道根深樂天自江州司馬除忠州刺史旋以主客郎中知制

誥遂拜中書舍人軾雖不敢自比然謫居黃州起知大登召為儀曹遂忝侍從出處老少大畧相似庶幾復享此翁晚節閑適之樂焉

送宋朝散知彭州迎侍二親

東來誰迎使君車知是丈人屋上烏丈人今年二
毛初登樓上馬不用扶使君負弩為前驅蜀人不
復談相如老幼化服一事無有鞭不施安用蒲春
波如天漲平湖鞞紅昭坐香生虜叅講上壽白玉
壺公堂登歌鳳將雛諸孫權笑爭挽鬚蜀人畫作

西湖圖

郭熙畫秋山平遠路公為跋尾

屋堂晝掩春日閑中有郭熙畫春山鳴鳩乳燕初
睡起白波青嶂非人間離離短幅開平遠漠漠疎
林寄秋晚恰似江南送客時中流回頭望雲巘伊
川佚老鬢如霜卧看秋山思洛陽為君紙尾作行
草炯如嵩洛浮秋光我從公遊如一日不覺青山
映黃髮為畫龍門八節灘待向伊川買泉石

次韻張昌言喜雨

千里黃流失故居年來赤地到青徐遙聞爭誦十

行語無異親。巡六尺輿。精貫天人一言足。雲與嶽
瀆萬靈趨。愛君誰似元和老。賀雨詩成卽諫書。

書晁補之所藏與可畫竹三首

與可畫竹時見竹不見人。豈獨不見人嗒然遺其
身。其身與竹化無窮。出清新莊周世無有。誰知此
疑神。

若人今已無。此竹寧復有。那將春蚓筆。畫作風中
柳。君看斷崖上。瘦節蛟蛇走。何時此霜竿。復入江
湖手。

晁子拙生事。舉家聞食粥。朝來又絕倒。諛墓得霜

蜀道空教何遜在。揚州又驚白酒催。黃菊尚喜朱
顏映。黑頭火急著書千古事。虞卿應未厭窮愁。

東坡全集第十六卷終



東坡全集第十七卷

詩八十八首

贈李道士 并敘

駕部員外郎李君宗固景祐中良吏也守漢州有道士尹可元精練善畫以遺火得罪當死君緩其獄會赦獲免時可元年八十一自誓且死必爲李氏子以報可元旣死二十餘年而君子世昌之婦夢可元入其室生子曰得柔小名蜀孫幼而善畫旣長讀莊老喜之遂爲道士賜號妙應事母以孝謹聞其寫真蓋妙絕一時云



世人只數曹將軍誰知虎頭非癡人腰間大羽何足道頰上三毛自有神平生狎侮諸公子戲著幼輿巖石裏故教世世作黃冠布襪青鞋弄雲水千年鼻祖守關門一念還爲李耳孫香火舊緣何日盡丹青餘習至今存五十之年初過二衰顏記我今如此他時要指集賢人知是香山老居士

樂天爲翰

林學士奉詔寫真集賢院

次韻張舜民自御史出倅虢州留別

至堂給札氣如雲初喜湘纍復佩銀樊口淒涼已陳迹昔與張同遊武昌樊口來詩中及之班心突兀見長身

臺吏謂御史立

處爲班心江湖前日真成夢鄩杜他年恐卜隣此去若容陪坐嘯故應容主盡詩人

次韻米黻二王書跋尾二首

三節曝書防蠹毀得見來禽與青李秋虵春蚓久相雜野鴛家雞定誰美王函金籥天上來紫衣敕使親臨啟紛綸過眼未易識磊落挂壁空雲委歸來妙意獨追求坐想蓬山二十秋怪君何處得此本上有桓玄寒具油巧偷豪奪古來有一笑誰似癡虎頭君不見長安求寧里王家破垣誰復修元章作書日千紙平生自苦誰與美畫地爲餅未

必似要令癡兒出饒水錦囊玉軸來無趾粲然奪
真疑聖智忍饑看書淚如洗至今魯公餘乞米

次韻宋肇惠澄心紙二首

詩老囊空一不畚百當曾作百金收

未叔以澄心
百幅遺聖俞

聖俞知君也厭雕肝腎分我江南數斛愁

君家家學陋相如宜與諸儒論石渠古紙無多更
分我自應給札奏新書

郭熙秋山平遠二首

目盡孤鴻落照邊遙知風雨不同川此間有句無
人見送與襄陽孟浩然

木落騷人已怨秋不堪平遠發詩愁要看萬壑爭
流處他日終煩顧虎頭

送歐陽辯監澶州酒

汗血駕鼓車何從致千里紛紛糟麴間欲試賢公
子君家江南英濯足滄浪水竭渡舊黃河漲沙埋
馬耳由來付造物倚伏何窮已當念楚子文三仕
無愠喜

九月十五日邇英講論語終篇賜執政講讀

史官燕于東宮又遣中使就賜御書詩各一

首臣軾得紫薇花絕句其詞云絲綸閣下文

書靜鐘鼓樓中刻漏長獨坐黃昏誰是伴紫
薇花對紫薇郎翌日各以表謝又進詩一篇

臣軾詩云

繡裳畫袞雲垂地不作成王翦桐戲日高黃繖下

西清風動槐龍舞交翠邇英閣前有雙槐
榭枝屬也如龍形壁中蠹

簡今千年漆書蝌蚪光射天諸儒不復憂吻燥東

宮賜酒如流泉酒酣復拜千金賜一紙驚鸞回鳳

字蒼顏白髮便生光袖有驪珠三十四臣所賜詩
并題目及

臣姓名凡
三十四字歸來車馬已喧闐爭看銀鈎墨色鮮人

間一日傳萬口喜見雲章第一篇上前此未嘗以
御書賜群臣

王堂畫掩文書靜鈴索不搖鐘漏求莫言美筆數

行書須信時平由主聖犬羊散盡沙漠空捷烽夜

到耳泉官似聞指麾築上郡已覺談笑無西戎時

河新獲鬼章是日涇陽復
奏夏賊數十萬人皆遁去文思天子師文母終閉

王關辭馬武小臣願對紫薇花試草尺書招贖普

謹按唐制翰林學士帶知制誥許綴中書舍人班
今臣以知制誥待罪禁林故得以紫薇為故事

和王晉卿 并敘

駙馬都尉王誥晉卿功臣全彬之後也元豐二年

予得罪貶黃岡而晉卿亦坐累遠謫不相聞者七

年予既召用晉卿亦還朝相見殿門外感歎之餘

作詩相屬託物悲慨阨窮而不怨泰而不驕佳其
貴公子有志如此故次其韻

先生飲東坡獨舞無所屬當時挹明月對影三人
足醉眠草棘間蟲虺莫予毒醒來送歸鴈一寄千
里日悵焉懷公子旅食久不玉欲書加餐字遠託
西飛鵠謂言相濡沫未足救溝瀆吾生如寄耳何
者為禍福不如兩相忘昨夢那可逐上書得自便
歸老湖山曲躬耕二頃田自種十年木豈知垂老
眼却對金蓮燭公子亦生還仍分刺史竹賢愚痛
定分尊俎守尸祝文章何足云執技等醫卜報延

方西顧羗虜驕未伏遙知重陽酒白羽落黃菊美

君真將家浮面氣可掬素天罡語實執君語則亦
氣浮面為將勿多教人

何當請長纓一戰河湟復

謝王潭州寄長松兼簡張天覺二首

莫道長松浪得名能教覆額兩眉青便將徑寸同
千尺知有奇功似茯苓

憑君說與埋輪使速寄長松作解嘲送張天覺詩
有埋輪及河

東陸之語無復青黏和漆葉枉將鍾乳敵仙茅

次韻劉貢父所和韓康公憶持國二首

夢覺真同鹿覆焦相君脫屣自參寥顏紅底事髮

先白室邇何妨人自遙狂似次公應未怪醉推棗

閣不須招援毫欲作衣冠表盛事終當繼八蕭唐蕭

氏自瑀及閉戶端居念獨深小軒朱檻憶同臨燎

須誰識英公意英公為其姊作粥燎須曰黃髮聊

知子建心子建與楚王彪別詩云王其愛王体且享黃髮期已託西風傳

絕唱且邀明月伴孤斟他時內集應呼我下客先

判醉墮簪

次韻劉貢父叔姪扈駕

王堂孤坐不勝清長羨枚鄒接長卿只許隔墻聞

置酒時因議事得聯名機雲似我多遺俗廣受如

君不治生共託屬車塵土後鈞天一餉夢中榮

次韻韓康公置酒見留

庭下黃花一醉同重來雪嶽已穹窿不應屢費譏

安石但使母多酌次公鍾乳金釵人似玉鷗絃鐵

撥坐生風少卿尚有車茵在頗覺寬容勝弱翁

次韻王都尉偶得耳疾

君知六鑿皆為贅我有一言能決疣病客巧聞牀

下蟻癡人強覷棘端猴聰明不在根塵裏藥餌空

為婢僕憂但試周郎看聾否曲音小誤已回頭

送喬全寄賀君六首并敘

舊聞靖長官賀水部皆唐末五代人得道不死章
聖皇帝東封有謁於道左者其謁云晉水部員外
郎賀元再拜而去上不知也已而閱謁見之大驚
物色求之不可得天聖初又使其弟子喻澄者詣
闕進佛道像直數千萬張公安道與澄遊具得其
事又有喬仝者少得大風疾幾死賀使學道今年
八十益壯盛人無復見賀者而仝數見之元祐二
年十二月仝來京師十許日予留之不可日賀以
上元期我於蒙山又曰吾師嘗遊密州識君於常
山道上意若喜君者作是詩以送之且作五絕句

以寄賀

君年二十美且都初得惡疾墮眉鬚紅顏白髮
妻孥覽鏡自嫌欲棄軀結茅窮山啖松腴路逢逃
秦博士盧方瞳照野清而臞再拜未起煩一呼覺
知此身了非吾炯然蓮花出泥塗隨師東遊度瀰
却雜却密州
二水各山頭見我兩輪朱豈知仙人混屠沽
爾來八十胸垂胡上山如飛瞋人扶東歸有約不
敢渝新年當參老仙儒秋風西來下雙鳧得象如
瓜分我無

空長兵間早脫身晚爲元祐太平人不驚渤澥桑

田變來看龜蒙漏澤春

魯謁東封王輅塵幅巾短褐亦逡巡行宮夜奏空
名姓悵望雲霞縹渺人

垂老區區豈爲身微言一發重千鈞始知不見高
皇帝正似商山四老人

舊聞父老晉郎官已作飛騰變化看聞道東家有
居處願供薪水看燒丹

千古風流賀季直最怜嗜酒謫仙人狂吟醉舞知
無益粟飯藜羹問養神

家安國教授歸成都

別君二十載坐失兩鬢青吾道雖艱難斯文終共
刑屢作退飛鷗羞看乾死螢一落戎馬間五見霜
葉零夜談空說劍春夢猶橫經新科復舊貫童子
方乞靈須煩凌雲手去作入蜀星蒼苔高朕室古
栢文翁庭初聞編簡香始覺鋒鏑腥岷峨有雛鳳
梧竹養脩翎嗚呼應懈律飛舞集虞廷吾儕便歸
老亦足慰餘齡

和子由除夜元日省宿致齋三首

江湛流落豈關天禁省相望亦偶然等是新年未
相見此身應坐不歸田

白髮蒼顏五十三家人強遣試春衫朝回兩袖天
香滿頭上銀幡笑阿咸

當年踏月走東風坐看春闈鎖醉翁白髮門生幾
人在却將新句調兒童

次韻荅張天覺二首

車輕馬穩轡銜堅但有蚊蟲喜撲綠截斷口前君
莫怪人間差樂勝巢仙

馭風騎氣我何勞且要長松作土毛亦如訶佛丹
霞老却向清涼禮白毫

次韻黃魯直畫馬試院中作

少年鞍馬勤遠行卧聞鬣草風雨聲見此忽思短
策橫十年髀肉磨欲透那更陪君作詩復不如羊
斟歸飯豆門前欲嘶御史驄詔恩三日休老翁笑
君懷中雙橘紅黃魯直詩

余與李廌方叔相知久矣領貢舉事而李不
得第愧甚作詩送之

與君相從非一日筆勢翩翩疑可識平時謾說古
戰場過眼終迷日五色我慙不出君大笑行止皆
天子何責青袍白紵五千人知子無怨亦無德買
羊沽酒謝王川爲我醉倒春風前歸家但草凌雲

賦我相夫子非癯仙

和王晉卿送梅花 次韻

東坡先生未歸時自種來禽與青李五年不踏江
頭路夢逐東風泛蘋芷江梅山杏爲誰容獨笑依
依臨野水此間風物君未識花浪翻天雪相激明
年我復在江湖知君對花三嘆息

和宋肇遊西池 次韻

漢皇慈儉不開邊尚教千艘下瀨船貪看艤艫飛
闔艦不知鼎肩舞鈞天故山西望三千里往事回
思二十年自笑區區足官府不如公子散神仙

書艾宣畫四首

竹鶴

此君何處不相宜况有能言老令威誰識長身古
君子猶將緇布緣深衣

黃精鹿

太華西南第幾峯落花流水自重重幽人只採黃
精去不見春山鹿養茸

杏花白鵬

天工翦刻爲誰妍袍蓋游蜂自作團把酒惜春都
是夢不如閑客此閑看

蓮龜

半脫蓮房露壓欹綠荷深處有游龜只應翡翠蘭
茗上獨見玄夫曝日時

僕領貢舉未出錢穆父雪中作詩見及三月
二十日同遊金明池始見其詩次韻為答

雪知我出已全消花待君來未敢飄行避門生時
小飲忽逢騎吏有嘉招魚龍絕技來千里斑白遺
民數四朝知有黃公酒壚在蒼顏華髮自相逢

次韻子由五月一日同轉對

跪奉新書笏在腰談王正欲伴耕樵晉陽豈為一

門事

唐高祖謂溫大推兄弟云我起義晉陽止為卿一門耳

宣政聯同五月

朝

正元中詔文武百僚相見

憂患半生聯出

處歸休上策早招要後生可畏吾衰矣刀筆從來

錯料堯

韓康公挽詞三首

故國非喬木興一工有世臣嗟予後死者猶及老成
人德業經文武風流表縉紳空餘行樂地處處泣
遺民

再世忠清德三朝翼贊勲功成不歸國就訪敢忘
君舊學嚴詩律餘威靖塞氛何當繼韓奕故吏總

能文

西第開東閣初延點後塵笙歌邀白髮燈火樂膏
春扶路三更罷回頭一夢新賦詩猶墨濕把卷獨
沾巾

栢石圖詩

并敘

陳公弼家藏栢石圖其子愷季常傳寶之東坡居士
作詩以為之銘

栢生兩石間天命本如此雖云生之艱與石相終
始韓子俯仰人但愛平地美土膏雜糞壤成壞幾
何耳君看化槎牙豈有可移埋若龍搏玉骨黑虎

抱金柅畫師亦人使我毛髮起當年落筆意正
欲譏韓子

慶源宣義

丈以累舉得官為洪雅主簿雅

州戶掾遇

民如家人人安樂之既謝事居

眉之青神

草橋放懷自得書來求紅帶

既以遺之

作詩為戲請黃魯直學士秦少

游賢良各

賦一首為老人光華

青衫半作霜葉

遇民如兒吏如奴吏民莫作官

長看我是識字

田夫妻啼兒號刺史怒時有野

人來挽鬚拂衣

注下下考芋魁飯豆吾豈無歸

來瑞草橋邊路。遊還佩平生。壺慈母巖前自喚。
度青衣江上人名。扶今年蠶市數州。集中有遺民。
懷袴襦邑中之吟。相指似白髯紅帶老不癯。我欲
西歸卜隣舍。隔埭拊掌容歌呼。不學山王乘駟馬。
回頭空指黃公墳。

次許冲元韻送成都高士敦鈐轄

移中老監本虛名。懶作燕山萬里行。余與高君奉使契丹辭免
行坐看飛鴻迎節歸。來駿馬換傾城高才本不
祿。勲闕餘力還。心治蜀兵西望雪山烽火盡不妨。
樽酒寄平生。

次前韻送程六表弟

君家兄弟真連璧。門下朱輪家萬石。竹使猶分刺
史符。尚方行賜書。烏前年持節發倉廩。到處曾
刀收蠶粟。歸來明口不論功。却走渡江誰復惜。君
才不用如澗松。我老得全猶社櫟。青衫莫厭百僚
底。白首上有千薪積。憶昔江湖一釣舟。無數雲山
供點筆。未應便障西風扇。只恐先移北山檄。憑君
寄謝江南叟。念我空見長安日。浮江泝蜀有成言。
江水在此吾不食。

和王晉卿題丁伯時畫馬

督郵有良馬不爲工
所竒願收紙上影
駿骨何由歸
一朝見縈策蟻
驚肉飛豈惟馬不遇人
已半生癡

送錢穆父出守越州絕句二首

簿書常苦百憂集
樽酒今應一笑開
京兆從教思廣漢
會稽聊喜得方回

若耶溪水雲門寺
賀監荷花空自開
我恨今猶在泥滓
勸君莫棹酒船回

戲書李伯時畫御馬好頭赤

山西戰馬饑無肉
夜嚼長稽如嚼竹
蹄間三丈是

徐行不信天山有
坑谷豈如廐馬好
頭赤立仗歸

來卧斜日莫教優
孟小葬地原衣薪
慙入銅歷

送程七表弟知泗州

江湖不在眼塵土坐滿顏
繫舟清洛尾初見淮南
山淮山相媚好曉鏡開
煙鬟持此娛使君一笑簿
領間使君如天馬胡燕暮
荆蠻時無王良手空老
十二閑聊當出毫末
化服狡與頑勿謂無人知
古佛臨濤灣赤子視
頰流萍閱人寰但使可此人
餘事真茆菅

送曹輔赴閩省

曹子本儒俠筆勢翻濤瀾往來戎馬間邊風裂儒
冠詩成橫槩裏楯墨何曾乾一旦事遠遊紅塵隔
巖灘平生年久口並海披鹹酸一從荔枝飲豈念
苜蓿繁我亦江海人市朝非所安常恐青霞志坐
隨白髮闌淵明時歸去談笑便解官今我何爲者
索身良獨難馮寧問清淮秋水今幾竿我舟何時
發霜露日已寒

次韻王郎子立風雨有感

百年一俯仰寒暑相主客稍增衰褐氣已覺團扇
厄不須計榮辱此喪彼有獲我琴終不改無攬故

無釋後生不自牧呻吟空挾策握苗不待長膏黍
苦求益此郎獨靜退門外無行迹但恐陶淵明每
爲饑所迫淒風弄衣結小雪穿門席願君付一笑
造物亦戲劇朝來賦雲夢筆落風雨疾爲君裁春
衫高會開桂籍

次韻黃魯直嘲小德小德魯直子其母微故
其詩云解著潛夫論不妨無外家

進饌客爭起小兒那可涯莫欺東方星三五自橫
斜名駒已汗血老蚌空泥沙但使伯仁長還與絡
秀家

書林次中所得李伯時歸去來陽關二圖後
二首

不見何戡唱渭城舊人空數米嘉榮龍眠獨識慙
慙處畫出陽關意外聲

兩本新圖寶墨香樽前獨唱小秦王爲君翻作歸
來引不學陽關空斷腸

送蹇道士歸廬山

物之有知蓋恃息孰居無事使出入心無天遊室
不空六鑿相攘婦爭席法師逃人入廬山山中無
人自往還往者一空還者失此身正在無還間繇

縣不絕微風裏內外丹成一彈指人間俯仰三千
秋騎鶴歸來與子遊

卧病逾月請郡不許復直玉堂十一月一日
鐫院是日苦寒詔賜官燭法酒書呈同院

微霰疎疎點玉堂詞頭夜下攬衣忙分光御燭星
辰爛拜賜官壺雨露香醉眼有花書字大老人無
騷漏聲長何時却逐桑榆暖社酒寒燈樂未央

送周朝議守漢州

茶爲西南病氓俗記二李杞與稷也何人折其鋒矯矯
六君子元鈞宋文輔也君家尤出力流

落初坐此謂當收桑榆華髮看劍履胡爲犯風雪
歲晚行未已念歸誠得計願自爲謀耳吾聞江漢
間瘡痍有未起莫輕龔龔遂老君王付尺筆召還當
有詔挽袖謝隣里猶堪作水衡供帳園林美

木山 年敘

吾先君子嘗蓄木山三峯且爲之記與詩詩人梅
二丈聖俞見而賦之今三十年矣而猶子千乘又
得五峯益竒因次聖俞韻使并刻之其側

聖俞詩

空山枯楠大蔽牛霹靂夜落魚鳧洲魚鳧水射幾

千秋蠹肌爛髓沙蕩流惟存堅骨蛟龍鏤形侔王
山中雄酋左右兩峯相挾翼尊奉君長無慢尤蘇
夫子見之驚且喜買於谿叟憑貂裘因嗟大不爲
梁棟又歎殘不爲薪榼雨侵蘚澁得石瘦宜與夫
子歸隱丘

次韻

木生不願回萬牛願終天年仆沙洲時來幸逢河
伯秋掀然見怪推不流蓬婆雪領巧雕鏤執事雖行
蟻爲豪酋阿咸大膽忽持去河伯好事不汝尤城
中古沼浸坤軸一林瘦竹吾菟裘二頃良田不難

買三年檜木行可榲會將白髮對蒼巘魯人不厭
東家丘

送千乘千能兩姪還鄉

治生不求富讀書不求官譬如飲不醉陶然有餘
歡君看龐德公白首終泥蟠豈無子孫念顧獨遺
以安鹿門上冢回牀下拜龍鸞躬耕竟不起耆舊
節獨完念汝少多難冰雪落綺紈五子如一人奉
養真色難烹雞獨餽母自饗苜蓿繁口腹恐累人
寧我食無肝西來四千里敝袍不言寒秀眉似我
兄亦復心閑寬忽然捨我去歲晚留餘酸我豈軒

冕人青雲意先闌汝歸時松菊環以青琅玕愷陰
三年成可以挂我冠清江入城郭小圃生微澗相
從結茆舍曝背談金鑿

送周正孺知東川

得郡書生榮還家昔人重而况東西川千騎許上
冢里門下車入父老自驚聳端如何武賢不事長
卿寵清時養材傑杞梓方培擁未應遺合抱取用
及把拱如君尚出麾顧我宜耕壟告歸謝先手求
去悔不勇豈云慕廉退實自知衰冗爲君掃棠陰
畫像或相踵

蜀中太守無
不畫像者

題李伯時畫趙景仁琴鶴圖二首

清獻先生無一錢故應琴鶴是家傳誰知默鼓無
絃曲時向珠宮舞幻仙

醜石寒松未易親聊將短曲調長人乘軒故自非
明眼終日傲傲舞爨薪

次前韻再送周正孺

東川得望郎坐與西爭重高風傾石室舊學鄙文
冢蜀人安使君所至野不聳竹馬迎細侯大錢送
劉寵遙知句谿路老穉相扶擁看畫古叢祠百怪
朝幽拱牛頭與堯率雲木蔚堆壠醉鄉追舊游筆

博賈餘勇聊將詩酒樂一掃簿書冗西風欠好句

珠玉本無踵

劉琨文集
銘在梓州

書王定國所藏煙江疊嶂圖

玉晉御書

江上愁心千疊山浮空
翠翠如雲煙山耶雲耶遠
莫知煙空雲散山依然
但見兩崖蒼蒼暗絕谷中
有百道飛來泉繁林絡石
忽復見下赴谷口為奔
川川平山開林麓斷卜橋
野店依山前行人稍度
喬木外漁舟一葉江吞天
君何從得此本點綴
毫末分清妍不知人間何處
有此境徑欲往置二
頃田君不見武昌樊口幽
處東坡先生留五年

春風搖江天漠漠暮雲卷雨
山娟娟丹楓翻鴉伴
水宿長松落雪驚醉眠桃
流水在人世武陵豈
必皆神仙江上清空我塵
雖有去路尋無緣還
君此畫三歎息山中故人
有招我歸來篇

次韻王定國會飲清虛堂

何遜揚州又幾年官梅詩
故依然何人可復問
李孟與子不妨中聖賢
君方淮上郡歸心我
已劔南川此身正似蠶
將老更盡春光一再眠

與龍節侍宴前一日微雪與子由同訪王定
因小飲清虛堂定國出數詩皆佳而五言尤

可子白又言昔與孫巨源同過定國感念
沒悲歎久之夜歸稍
各賦一篇明日朝
以示定國也

天風淅淅飛玉沙詔恩歸
小休早衙遙知清虛堂
裏雪正似蒼荀林中花
出口自笑無所詣呼酒
持勤惟君家踏冰凌競
戰疲叩門剥豕驚寒鴉
君五字入詩律欲與六
出天葩頭風已倩微手
愈背癢恰得仙瓜爬銀
餅油浮蟻酒紫盃鋪粟
盤龍茶幅巾起作鷓鴣
舞鼓誰慘漁陽櫓九衢
燈火雜夢寐十年聚散
空嗟明朝握手殿門外

東坡全集 卷之十七
共看銀闕瞰晨霞

王晉卿所藏著色山一首

縹緲營丘水墨仙浮空出以有無間爾來一變風
流盡誰兄將軍著色山

犖确何人似退之意行無路欲從誰宿雲解駁晨
光漏獨見山紅澗碧時

次韻黃魯直效進士作歲寒知松栢詩

龍蟄雖高卧雞鳴不廢時炎冷徒自變茂悅兩相
知己負棟梁質肯爲兒女姿那憂霜貧貧未喜日
遲難與夏蟲語永無秋實悲誰知此植物亦解

乘天燹

王晉卿作煙江疊嶂圖僕賦詩十四韻晉卿
和之語特奇麗復次韻不獨紀其詩畫之
美亦爲道其出處契闊之故而終之以不忘
在莒之戒亦朋友忠愛之義也

山中舉頭望日邊長安不見空雲煙歸來長安望
山上時移事改應潸然管絃去盡賓客散惟有馬
埒編金泉溼注故自千里足要飽風雪輕山川屈
居華屋暗棗脯十年俯仰龍旂前却因病瘦出奇
骨鹽車之厄寧非天風流文采磨不盡水墨自與

詩爭妍畫山何必山中人田歌自古非知田鄭虔
 三絕君有二筆勢挽回三百年欲將巖谷亂窈窕
 眉峯脩嫵誇連娟人間何有春一夢此身將老蚕
 三眠山中幽絕不可久要作平地家居仙能令水
 石長在眼非君好我當誰綠願君終不忘在昔樂
 時更賦囚山篇柳子厚有囚山賦

夜直王堂攜李之儀端叔詩百餘首讀至夜

半書其後

王堂清冷不成眠伴直難呼孟浩然暫借好詩消
 永夜每逢佳處輒參禪愁侵硯滴初含凍喜入燈

花欲鬪妍寄語君家小兒子他時此句一時編

景仁和賜酒燭詩復次韻謝之時公方進竹樂

笙磬分均上下堂均堂上之樂皆受笙均游魚舞

獸自奔忙朱絃初識孤桐韻善樂金石聲高而絃微今樂金石與絲

聲皆王瑄猶曰和柸香書法以尺生律今以柸定律以律生尺萬事

今方咨伯始一斑我亦愧真長此生會見三雍就
 無復寥寥歎未央

次韻劉貢父春日鳴幡勝

寬詔隨春出內朝二軍喜氣挾狐貂鏤銀錯落翻
 斜月翦綵繽紛舞慶霄臘雪強飛纔到地前一日微雪

曉風偷轉不驚條脫冠徑醉應歸卧便腹從人笑
老韶是日暮
欠賜酒

再和

與君流落偶還朝過眼紛紛七葉貂莫笑華顛飄
彩勝幾人黃壤隔青霄行吟未許窮騷雅坐嘯猶
能出教條記取明年江上郡五更春枕夢春韶

葉公秉王仲至見和次韻荅之

衫絺方暑亦堪朝歲晚淒風憶阜貂共喜鶴鸞歸
禁籟心知日月在重霄君如老驥初遭絡我似楮
桑不受條強緝霜鬚簪彩勝蒼顏得酒尚能韶

再和

衰遲何幸得同朝温勁如君合珥貂誰惜異材蒙
徑寸自慙枯枿借凌霄光風泛泛初浮水紅糝離
離欲綴條後日一樽何處共奉常端冕作咸韶

次韻王晉卿惠花栽栽所寓張退傅第中一首

坐來念念失前人共向空中寓一塵若問此花誰
是主天教閑客管青春

次韻王晉卿上元侍燕端門

月上九門開星河繞露臺君方枕中夢我亦化人

東坡全集 卷之十七
來光動仙毬縋香餘步輦回相從穿萬馬衰病若
為陪

王鄭州挽詞 克臣

羨君華髮起琳宮右輔初還鼓角雄千里農桑歌
子產一時冠蓋慕蕭嵩那知聚散春糧外便有悲
歡過隙中京兆同僚幾人在猶思對案筆生風

子開封幕與
子難同歷

書王定國所藏王晉卿畫著色山二首

白髮四老人何曾在商顏煩君紙上影照我胸中
山山中亦何有木老土石頑正賴天日光潤谷紛

爛度我心空無物斯文定何間君看古井水萬象
自往還

君歸嶺北初逢雪我亦江南五見春寄語風流王
武子三人俱是識山人

送呂昌朝知嘉州

不羨三刀夢蜀都聊將八詠繼東吳卧看古佛凌
雲閣勅賜詩人明月湖得句會應綠竹鶴思歸寧
復為尊鱸橫空好在脩眉色頭白猶堪乞左符

次韻黃魯直寄題郭明父府推賴州西齋二
首

樹頭啄木常疑客客去而嗔定不然脫轄已應生
井沫解衣聊復起庖煙平生詩酒真相汙此去文
書恐獨賢早晚西湖映華髮小舟翻動水中天
寂寞東京月旦州德星無復綴珠旒莫嗟平輿空
神物尚有西齋接勝流春夢屢尋湖十頃家書新
報菊千頭雪堂亦有思歸曲爲謝平生馬少游
預

東坡全集第十七卷終

東坡全集第十八卷

詩一百一十五首

次韻秦少章和錢蒙仲

碧畦黃隴稻如京，歲美人和易得情。
鑑裏移舟天外思，地中鳴角古來聲。
山圍故國城空在，潮打西陵意未平。
二子有如雙白鷺，隔江相照雪衣明。

次韻錢越州

鬣尹超然定逸群，南遊端爲訪雲門。
謫仙歸侍王皇案，老鶴來乘刺史轡。
已覺簿書哀老子，故知邊豆有司存。
年來齒頰生荆棘，習氣因君又一言。

同秦仲二子雨中游寶山

平明已報百吏散半日來陪二子閑立鵲低昂煙
雨裏行人出沒樹林間

去杭十五年復游西湖用歐陽察判韻

我識南屏金鯽魚重來拊檻散齋餘還從舊社得
心印似省前生覓手書對合平湖久蕪漫人經豐
慶尚凋疎誰憐寂寞高常侍老去狂歌憶孟諸

與莫同年雨中飲湖上

到處相逢是偶然夢中相對各華顛還來一醉西
湖雨不見跳珠十五年

送子由使契丹

雲海相望寄此身那因遠適更沾巾不辭驛騎凌
風雪要使天驕識鳳麟沙漠回看清禁月朔山應
夢武林春單于若問君家世莫道中朝第一人

次韻荅劉景文左藏

我老詩壇仆鼓旗借君佳句發良時但空賀盞杯
中物莫示孫郎帳下兒夜燭催詩金燼落秋芳歷
帽露華滋故應好語如爬癢有味誰名只自知

座上復借韻送岢嵐軍通判葉朝奉

雲間踏白看纏旗莫忘西湖把酒時夢裏吳山連

越嶠樽前羗婦雜胡兒夕烽過後人初醉春鴈來
時雪未滋為問從軍真樂否書來粗遣故人知

軾始於文登海上得白石數升如芡實可作
枕聞梅丈嗜石故以遺其子子明學士子明

有詩次其韻

海隅荒怪有誰珍零落珊瑚泣季倫法供坐令微
物重軾舊有怪石供色難歸致孝心純只疑蕢苴來交趾
未信蠙珠出泗濱願子聚為江夏枕不勞麾扇自
寧親

次韻錢越州見寄

莫將牛弩射羊群卧治何妨晝掩門稍喜使君無
疾病時因送客見車輜搔頭白髮秋無數閉眼升
田夜自存欲息波瀾須引去吾儕豈獨坐多言

文登蓬萊閣下石壁千丈為海浪所戰時有
碎裂淘灑歲久皆圓熟可愛土人謂此彈子
渦也取數百枚以養石菖蒲且作詩遺垂慈

堂老人

蓬萊海上峯王立色不改孤根捍滔天雲骨有破
碎湯侯殺廉角陰火發光采纍纍彈丸間瑣細成
珠琲閭浮一漚耳真妄果安在我持此石歸袖中

東坡全集 卷之十一
有東海垂慈老人眼俯仰了大塊置之益益中日
與山海對明年菖蒲根連絡不可解儻有蟠桃生
日暮猶可待

次韻毛滂法曹感雨詩

江南佳公子遺我錦繡端攬之温如春公子焉得
寒與雨自有時膚寸便濛濛歛藏以自潤牛斗何
足干空庭月與影強結三友歡我豈不足歟要此
清團團所歡在一醉常恐樽中乾捨酒尚可樂明
珠如彈丸但恐千仞雀忽忽發虛彈迨子閑暇時
種子田中丹一朝涉世故空腹容欺謾我頃在東

坡秋菊爲夕餐未愧坡間人布褐爲我完雪堂初
覆瓦上簞無下莞時時亦設客每醉筒輒殫一笑
便傾倒五年得輕安公子豈我徒衣鉢傳一簞定
非郊與島筆勢江河寬悲吟古寺中穿帷雪漫漫
他年記此味芋火對懶殘

送鄧宗古還鄉

廣漢有姜子孝弟行里閭赤眉雖豺虎弛兵過其
墟至今空清泉無復雙鯉魚南鄆有李邵得妙其
公書夜坐指流星驚倒兩使車抱關不肯仕布褐
蒙璠璣西南固多士君得二子餘凜凜忠文公搜

東坡全集 卷之十八
士及樵漁澗谿有幽討蘋芷真嘉蔬歲晚終不食
心惻當何如

參寥上人初得智果院會者十六人分韻賦
詩軾得心字

張水返舊壑飛雲思故岑念君忘家客亦有懷歸
心三間得幽寂數步藏清深攢金盧橘塢散火楊
梅林茶筍盡禪味松杉真法音雲崖有淺井玉醴
常半尋遂名參寥泉可濯幽人襟相攜橫嶺上未
覺衰年侵一眼吞江湖萬象涵古今願君更小築
歲晚解我簪

哭王子立次兒子迨韻三首

彭城初識子照眼白而長異夢成先兆

予為密州
子立未嘗

相識忽告同舍生日吾夢為密州
婦河也巳而果以子由之子妻之

清言得未嘗豈

惟知禮意遂欲補詩云

子立能詩
而有禮學

咄咄真相逼諸

生取鴈行

非無伯鸞志獨有子雲悲恨子非天合猶能使我

思見曹莫凄慟老眼欲枯萎會哭皆豪傑誰為感

舊詩

子立與黃魯直張文潛晁無
咎秦少游陳無巳皆友善

龍困嘗魚服羊儼或虎蒙忽忽成鬼錄憤憤到天
公偶落藩牆上同游弄數中回看十年事黃葉卷

東坡全集 卷之六
五
秋風

異鵲 并敘

熙寧中柯侯仲常通守漳州以救饑得民有二鵲
栖其廳事訖侯之去鵲亦送之漳人異焉為賦此

詩

昔我先君子仁孝行於家家有五畝園么鳳集
花是時烏與鵲巢穀可俯拏憶我與諸兒飼食觀
群呀里人驚瑞異野老笑而嗟云此方乳哺甚畏
鳶與虵手足之所及二物不敢加主人若可信衆
鳥不我遐故知中孚化可及魚與豸柯侯古循吏

惘惘真無華臨漳所全活數等江干沙仁心格異
族兩鵲栖其衙但恨不能言相對空楂楂善惡以
類應古語良非夸君看彼酷吏所至號鬼車

次韻詹適宣德小飲巽亭

君方夢謫仙

來詩記李自郎官湖

我亦弔文園江上同三黜

大泥又一樽濤雷殷白晝梅雪耿黃昏歸去多情

雨應隨御史軒

詹為御史主簿

東川清絲寄魯冀州戲贈

鷺溪清絲清如冰上有千歲交枝藤藤生谷底飽
風雪歲晚忽作龍虵升嗟我雖為老侍從骨寒只

愛布與繒床頭錦衾未還客坐覺芒刺在背膺豈
如髯卿晚乃貴福祿正似川方增醉中倒看紫綺
裘下有半臂出縹綾封題不敢安裁剪刀尺自有
佳人能遙知千騎出清曉積雪未放游塵興白須
紅帶柳絲下老弱空巷人相登但放奇紋出領袖
吾髯雖老無人憎

怡然以垂雲新茶見餉報以大龍團仍戲作
小詩

妙供來香積珍烹具太官揀芽分雀舌賜茗出龍
團曉日雲庵暖春風浴殿寒聊將試道眼莫作兩

解看

次韻王忠玉遊虎丘絕句三首

當年太白此相浮老守娛賓得二丘

部人有閻丘公太守王規

父嘗云不謁虎丘即謁閻丘規父忠主伯父也白髮重來故人盡空餘叢

桂小山幽

青蓋紅旗映王山新詩小草落玄泉風流使者人

爭看知有負娘立道邊

虎丘中路有負娘墓

舞衣歌扇轉頭空只有青山杳靄中莫共吳王鬪
百草使君未敢借驚鴻

寄蔡子華

故人送我東來時手栽荔子待我歸荔子已丹吾
髮白猶作江南未歸客江南春盡水如天腸斷西
湖春水船想見青衣江畔路白魚紫筍不論錢霜
鬢三老如霜檜舊交零落今誰在莫徒唐舉問封
侯但遣麻姑更爬背

和錢四寄其弟蘇

再見濤頭涌玉輪煩君久駐浙江春年來總作維
摩病堪笑東西二老人

卧病彌月聞垂雲花開順閣梨以詩見招次
韻答之

道人心似水不礙照花妍燕坐春強半清陰月屢
遷平生無起滅一念有陳鮮娟娟風枝舉離離日
萼萼病吟終少味老醉不成顛何必遨頭出湖中
有散仙

故周茂叔先生濂谿

谿在廬山下

世俗眩名實至人疑有無怒移水中蟹愛及屋上
烏坐令此溪水名與先生俱先生本全德廉退乃
一隅因拋彭澤米偶似西山夫遂卽世所知以爲
溪之呼先生豈我輩造物乃其徒應同柳州柳聊
使愚溪愚

次韻子由使契丹至涿州見寄四首

老人癡鈍已逃寒子復辭行理亦難要到盧龍看

古塞投文易水弔燕丹

余昔年辭免使北

胡羊代馬得安眠窮髮之南共一天又見子卿持

漢節遙知遺老泣山前

羶毳年來亦甚都時時鳩舌問三蘇

子與子由入京時北使已

問所在後余館伴北使屢誦三蘇文那知老病渾無用欲問君王乞

鏡湖

始憶庚寅降屈原旋看蠟鳳戲僧虔隨翁萬里心

如織此子何勞為買田

時猶子遲待行

雪後便欲與同僚尋春一病彌月雜花都盡

獨牡丹在耳劉景文左藏和順陽樂詩見贈

次韻答之

殘花怨久病剝雨泣餘妍不見雙旌出空令九陌

遷謂園市非皆入知君苦寂寞妙語嚼芳鮮淺紫從爭發

浮紅任早蕪天葩尚青萼國色待華顛載酒邀詩

將臞儒不是仙

次韻劉景文周次元寒食同游西湖

絮飛春減不成年老境同乘下瀨船藍雨忽驚鷺新

火後樂天寒食詩云三盃藍尾酒一碟膠牙餠遨頭要及浣花前

成都太守

東坡全集 卷之八
自正月二日出游至四月十九日浣花乃止 山西老將詩無敵洛下書

生語更妍共向北山尋二士畫橈鼉鼓聒清眠

連日與王忠王張全翁游西湖訪北山清順
道潛二詩僧登垂雲亭飲參寥泉最後過唐
州陳使君夜飲忠王有詩次韻荅之

北山非自高千仞付我足西湖亦何有萬象生我
目雲深人在塢風靜響應谷與君皆無心信步行
看竹竹間逢詩鳴眼色奪湖淥百篇成俯仰二老
相追逐故應千頃池養此一雙鵠山高路已斷亭
小縣屢促夜尋三尺井渴飲半甌王明朝開縣管

寒食雜歌哭使君坐無聊狂客來不速載酒有鷓
夷扣門非啄木浮蛆艷金盞翠羽出華屋須臾便
陳迹覺夢那可續及君未渡江過我勤秉燭一笑
換人爵百年終鬼錄

新茶送僉判程朝奉以餽其母有詩相謝次
韻荅之

縫衣付與漂陽尉捨肉懷歸潁谷封聞道平反供
一笑會須難老待千鍾火前試焙分新勝雪裏頰
綱輟賜龍從此升堂是兄弟一甌林下記相逢

次韻送張山人歸彭城

羨君飄蕩一虛舟來作錢塘十日遊水洗禪心都
眼淨山供詩筆總眉愁雪中乘興真聊爾春盡思
歸却罷休何日五湖從范蠡種魚萬尾摘千頭

次韻林子中王彥祖唱酬

早知身寄一漚中晚節尤驚落木風近聞莘老公
擇皆逝故有
此昨夢已論三世事歲寒猶喜五人同軾與子中
彥祖子敦
空差勝四明狂監在更將老眼犯塵紅

壽星院寒碧軒

清風蕭蕭搖窓扉窓前修竹一尺圍紛紛倉雪落

夏簾冉冉綠霧霑人衣日高山蟬抱葉響人靜翠
羽穿林飛道人絕粒對寒碧為問鶴骨何緣肥

書劉景文所藏王子敬帖絕句

家雞野鷲同登俎春蚓秋蛇總入奩君家兩行十
二字氣壓鄴侯三萬籤

書劉景文所藏宗少文一筆畫

宛轉回紋錦繁盈連理花何須郭忠恕匹素畫繚
車

真覺院有洛花花時不暇往四月十八日與

劉景文同往賞枇杷

綠暗初迎夏紅殘不及春魏花非老伴盧橘是鄉人井落依山盡巖崖發興新歲寒君記取松雪看蒼鱗

又和劉景文韻

牡丹松檜一時栽付與春風自在開試問壁間題字客幾人不爲看花來

西湖壽星院此君軒

卧聽謾謾碎龍鱗俯看蒼蒼立玉身一舸鷗夷江海去尚餘君子六千人

仲天貺王元直自眉山來見余錢塘留半歲

既行作絕句五首送之

仲君豈弟多學王子清修寡言病後空鷺鶴瘦時來或作鸚鵡

海角煩君遠訪江源與我同來剩作數詩相送莫教萬里空回

三人一旦同行

二子與余以章同寓高齋復同舟此行

留下高齋月

明遙想扁舟京口尚餘孤枕潮聲

更欲留君久住念君去國彌年空使犀顱王頰長懷髯舅悽然

爲予遠致慙慙瑞草橋邊老人紅帶雅宜華髮白

東坡全集 卷之八
醪光泛新春

老人王慶源也

贈善相程傑

心傳異學不謀身自要清時閱摺紳
火色上騰雖有數急流勇退豈無人
書中苦覓元非訣醉裏微言却近真
我似樂天君記取華顛賞遍洛陽春

次韻林子中蒜山亭見寄

竒逸多聞老敬通何人慷慨解憐翁
十年簿領催衰白一笑江山發醉紅
聞道賦詩臨北固未應舉扇向西風
叩頭莫與無家客歸掃岷峩一畝官

再和并荅揚次公

毗盧海上妙高峯二老遙知說此翁
聊復艤舟尋紫翠不妨持節散陳紅
高懷却有雲門興好句真傳雪竇風
唱我三人無譜曲馮夷亦合舞幽宮

次韻劉景文送錢蒙仲三首

誰識天閑老驥不爭日暮長途送盡青雲九子歸
去扁舟五湖

寄語竹林社友同書桂籍天倫王郎獨為鬼錄世
間無此玉人

五字古原春草千金漢殿長門經緯尚餘三策典
刑留與諸孫

菩提寺南漪堂杜鵑花

南漪杜鵑天下無，披香殿上紅氍毹。
鶴林兵火具一夢，不歸閬苑歸西湖。

題楊次公春蘭

春蘭如美人，不採羞自獻。時聞風露香，蓬艾深不見。
丹青寫真色，欲補離騷傳。對之如靈均，冠佩不敢燕。

題楊次公蕙

蕙本蘭之族，依然臭味同。曾爲水仙佩，相識楚詞中。
幻色雖非實，真香亦竟空。云何起微馥，鼻觀已

先通

次韻曹輔寄壑源試焙新芽

仙山靈雨濕行雲，洗遍香肌粉未勻。明日來投玉川子，清風吹破武林春。
要知玉雪心腸好，不是膏油首面新。戲作小詩君一笑，從來佳茗似佳人。

次韻袁公濟謝芎椒詩

燥吻時時著酒濡，要令卧疾致文殊。河魚潰腹空號楚，
汗水流骸始信吳。吳真君服椒法云自笑方求三歲艾，
不如長作獨眠夫。羨君清瘦真仙骨，更助飄飄鶴背軀。

次韻和楊次公惠徑山龍井水

龍井水洗病眼有效

漏盡雞號厭夜行
年來小器益併壘
棄官縱未歸
東海罷郡猶堪作
水衡幻色將空眼
先暗勝游無礙脚
殊輕空煩遠致龍
淵水寧復臨池似伯英

次韻劉景文登介亭

澤國梅雨餘衰年
困丞濤高堂磨新磚
頗覺利罾足松根
百尺并兩縷飛淨
淥流觴聚兒童一笑
爲捧腹清風信可馭
剛氣在巖麓始知
共此世物外無三
伏長歌入雲去不
待絃管逐西湖真
西子煙樹點眉日
濤江少醞藉高浪
翻雪屋俯仰拊四
海

百世飛鳥速遠追
錢氏餘近弔祖侯
燭吾生如寄耳寸
晷輕尺玉誰似劉
將軍逸韻謝邊幅
千言一揮手五車
不再譎春巖彩雞
舞月映衰後哭朝
先啼鳩起莫與寒
將續我老廢吟哦
賴君時擊觸從今
事遠覽發軔此幽
谷清游得三昧至
樂謝五欲莫作任
道士氣壓劉師服

袁公濟和劉景文登介亭詩後次韻答之

昏昏懂醉夢柰此
六月溽若詩如清
風吹我朝睡足登
臨得佳句江白照
湖淥袖手獨不言
默藜已
在腹是時風雨過
藹藹雲歸麓疎星
帶微月金火

東坡全集 卷之八 十五
爭見伏惜哉。此清景變滅不可逐。歸來讀君詩。耿耿猶在目。却思少年日。聲價爭場屋。文如翻水成。賦作叉手速。秋風起鴻鴈。我亦繼草屨。那知君蹭蹬。獨立荆山玉。相見南新道。青衫垂破幅。早知事大繆。恨不十年讀。莫嫌馮唐老。終勝賈誼哭。今年復爲僚。舊好許重續。升沈何足道。等是蠻與觸。共爲湖山主。出入窮澗谷。衆馳君不爭。人棄我所欲。何時神武門。相約挂冠服。

介亭餞楊傑次公

籃輿西出登山門。嘉與我友尋仙村。丹青明滅風

篁嶺環珮空。響桃花源

郡人謂介亭山下爲桃花源

前朝欲上

已蠟屐黑雲白。雨如傾盆今晨積。霧卷千里豈畏觸。熱生病根在家頭。陲無爲子久與青山爲弟兄。孤峯盡處亦何有。西湖鏡天江抹坤。臨高摩手謝好佳。清風萬壑傳其言。風回響谷君聽取。我亦到處隨君軒。

次京師韻送表弟程懿叔赴夔州運判

與子甥舅氏。摧頽各蒼顏。並爲東諸侯。長此佳江山。寒松無時花。安得挿髻鬟。惟將老不死。一笑榮枯間。我甚似樂天。但無素與蠻。挂冠及未耄。田獲

一紀開子亦拙進取才高命堅頑譬如萬斛舟行

此九折灣仲氏新得道一漚自塵寰若人兄德孺自言近亦佛

法有得 歲晚家鄉路莫遣生榛菅

葉教授和溈字韻詩復次韻為戲記龍井之

游

先生魯諸儒以食清不溈空腸出秀句吟嚼五味

是華堂鬧絲管眸子漲春綠先生疾走避面冷毒

在腹歸來煮瓠菜弟子歌旱麓聲淫及靈臺中有

鹿老伏功名一走兔何用千人逐故應容我輩清

座時閉目高亭石排衙木杪挂飛屋我來無時節

客亦不待速似聞雪髯叟西嶺訪遺躅朝陽八潭

洞金碧涵冰玉泉扉夜不扃雲袂本無幅慈皇付

寶偶神僖得幽讀訥庵有老人宴坐天魔哭時來

獻纓絡法供燈相續吾儕詩酒汗欲往無乃觸齋

厨費屨炊車騎蒲山谷願聞第一義鉢飯非所欲

便投切雲冠予幼好奇服

次韻林子中見寄

飄零洛社數遺民詩酒當年困惡賓元亮本無適

俗韻孝章要是有名人蒜山小隱雖為客江水西

來亦帶岷卷却西湖千頃綠笑看魚尾更莘莘

安州老人食蜜歌 贈僧仲殊

安州老人心似鐵，老人心肝小兒舌。不食五穀惟食蜜，笑指蜜蜂作檀越。蜜中有詩人，不知千花百草爭含姿。老人咀嚼時一吐，還引世間癡小兒。小兒見得詩如得，蜜蜜中有藥。治百疾，正當狂走捉風時。一笑看詩百憂失，東坡先生取人廉。幾人相歡幾人嫌，恰似飲茶其苦雜。不如食蜜中邊甜，佛云吾言譬如食蜜中邊皆甜。因君寄與雙龍餅，鏡空一照雙龍影。三吳六月水如湯，老人心似雙龍井。

次韻錢穆父紫薇花二首

虛白堂前合抱花，秋風落日照橫斜。閑人此地知

多少物化無涯生，有涯虛白堂前此紫薇而殊俗云無天所運

折得芳蕤兩眼花，題詩相報字傾斜。篋中尚有絲

綸句，坐覺天光照海涯。蔡大詩云絲綸閣下文書靜鐘鼓樓中刻漏長獨坐

黃昏誰是伴紫薇花對紫微郎上書此詩以賜軾

送張嘉州

少年不願萬戶侯，亦不願識韓荆州。頗願身為漢嘉守，載酒時作凌雲遊。虛名無用今白首，夢中却到龍泓口。浮雲軒冕何足言，惟有江山難入手。峨眉山月半輪秋，影入平蕙江水流。謫仙此語誰解

東坡全集 卷之二十八
道請君見月時登樓笑談萬事真何有一時付與
東巖酒佛峽人家白歸來還受一大錢好意莫違
黃髮叟

次韻蘇伯回主簿重九

雲間朱袖拂雲和知是長松挂女蘿髻重不嫌黃
菊滿手香新喜綠橙橙墨翻衫袖吾方醉紙落雲
煙子患多只有黃雞與白髮吟瓊應識使君歌

送李陶通直赴清溪

忠文文正二大老司馬溫公范蜀蘇李廣平三舍
蘇子容宋次道與先公才元熙寧中喜見通家
人蘇子容宋次道與先公才元熙寧中喜見通家

賢子第自言得邑少風塵從來勢利關心薄此去
溪山琢句新肯向西湖留數月錢塘初識小麒麟

次韻楊公濟奉議梅花十首

梅梢春色弄微和作意南枝翦刻多月黑林間逢
縞袂霸陵醉尉誤誰何

相逢月下是瑤臺藉草清樽連夜開明日酒醒應
滿地空令饑鶴啄菰苔

綠髮尋春湖畔回萬松嶺上一枝開而今縱老霜
根在得見劉郎又獨來

月地雲堦漫一樽王奴終不負東昏臨春結綺荒

身亦自集 卷之八
荆棘誰信幽香是返魂

日出冰湖散水花野梅官柳漸欹斜西郊欲就詩
人飲黃四娘東子美家

君知早落坐先開莫著新詩句句催嶺北霜枝最
多思忍寒留待使君來

冰盤未薦含酸子雪嶺先看耐凍枝應笑春風木
芍藥豐肌弱骨要人醫

寒雀喧喧凍不飛遶林空啁未開枝多情好與風
流伴不到雙雙燕語時

蛟縮翦碎玉簪輕檀暈粧成雪月明肯伴老人春

一醉懸知欲落更多情

縞裙練帨王川家肝膽清新冷不邪穠李爭春猶
辨此更教踏雪看梅花

贈劉景文

荷盡已無擎雨蓋菊殘猶有傲霜枝一年好景君
須記最是橙黃橘綠時

謝關景仁送紅梅栽二首

年年芳信負紅梅江畔垂垂又欲開珍重多情關
令尹直和根撥送春來

為君栽向南堂下記取他年著子時酸醜不堪調

東坡全集 卷之二十一
衆口使君風味好攢眉

辯才老師退居龍井不復出入軾往見之常
出至風篁嶺左右鶯曰遠公復過虎溪矣辯
才笑曰杜子美不云乎與子成二老來往亦
風流因作亭嶺上名之曰過溪亦曰二老謹
次辯才韻賦詩一首

日月轉雙轂古今同一丘惟此鶴骨老凜然不知
秋去住兩無礙人天爭挽留去如龍出山雷雨卷
潭湫來如珠還浦魚鼈爭駢頭此生暫寄寓常恐
名實浮我比陶令愧師爲遠公優送我還過溪溪

水當逆流聊使此山人永記二老遊大千在掌握
寧有離別憂

送程之邵僉判赴闕

夜光不自獻天驥良難知從來一狐腋或出五羖
皮賢哉江東守收此幕中奇無華豈易識旣得不
自隨留君望此府助我憐其衰二年促膝語一旦
長挹辭林深伏猛在岸改潛珍移去此當安從失
君徒自悲念君瑚璉質當今臺閣宜去矣會有合
豈常懷其私

寄題梅宣義園亭

東坡全集 卷之八
仙人子真後還隱吳市門不惜十年力治此五畝
園初期橘爲奴漸見桐有孫清池壓丘虎異石來
湖龜敲門無貴賤遂性各琴尊我本放浪人家寄
西南坤敝廬雖尚在小園誰當焚羨君欲歸去柰
此未報恩愛予幸僚友久要疑弟昆明年過君西
飲我空餅盆

熙寧中軾通守此郡除夜直都廳囚繫皆滿
日莫不得返舍因題一詩于壁今二十年矣
衰病之餘復忝郡寄再經除夜庭事蕭然三
園皆空蓋同僚之力非拙朽所致因和前篇

呈公濟子侔二通守

前詩

除日當早歸官事乃見留執筆對之泣哀此繫中
囚小人營饑糧墮網不知羞我亦戀薄祿因循失
歸休不須論賢愚均是爲食謀誰能暫縱遣閑默
愧前修

今和

山川不改舊歲月逝肯留百年一俯仰五勝更王
囚同僚比岑范德業前人羞坐令老鈍守嘯諾獲
少休却思二十年出處非人謀齒髮付天公缺壞

不可修

遊寶雲寺得唐彥猷爲杭州日送客舟中手
書一絕句云山雨霏微不滿空畫舫來往疾
輕鴻誰知獨卧朱簾裏一榻無塵四面風明
日送彥猷之子垌赴鄂州舟中遇微雨感歎
前事因和其韻作兩首送之且歸其書唐氏
二妙凋零筆法空忽驚雲海戲群鴻清詩不敢私
囊篋人道黃門有父風黃門衛桓也
出處榮枯一笑空十年社燕與秋鴻誰知白首長
河路還卧當時送客風

送江公著知吉州

三吳行盡千山水猶憶廬山更清美豈惟濁世隱
狂奴時平亦出佳公子初冠惠文讀城旦晚入奉
常陪劍履方將華省起彈冠忽憶鈞臺歸洗耳未
應良木棄大匠要使名駒試千里奉親官舍當有
擇得郡江南羨可喜白粲連橋一萬艘紅粧執樂
三千指簿書期會得餘閑亦念人生行樂耳二耳義不
同故得
重別

聞錢道士與越守穆父飲酒送二壺

龍根爲脯玉爲漿下界寒醅亦漫嘗一紙鴉經送

少醉他年鵬賦謫仙狂金丹自足留衰鬢苦淚何
須點別腸吳越舊邦遺澤在定應符竹付諸郎

次韻劉景文路分上元

華燈闕艱歲冷月掛空府三吳重時節九陌自歌
舞云從月幾望遂至一百五嘉辰可屈指樂事相
繼武今宵掃雲陣極目淨天宇嬉遊各忘歸闐咽
頃未覩飛毬互明滅激水相吞吐老去及兒童歸
來尚饒鼓新年消暗雪舊歲添絲縷何時九江城

相對兩漁父

予舊欲卜居廬山
景文近買宅江州

再和楊公濟梅花十絕

一枝風物便清和看盡千林未覺多結習已空從
著袂不須天文問云何

天教桃李作興臺故遣寒梅第一開憑仗幽人收
艾納國香和雨入青苔

白髮思家萬里回小軒臨水爲花開故應剩作詩
千首知是多情得得來

人去殘英滿酒樽不堪細雨濕黃昏夜寒那得穿
花蝶知是風流楚客魂

春入西湖到處花裙腰芳草抱山斜盈盈解佩歸
煙浦脉脉當壚傍酒家

莫向霜晨愁未開白頭朝夕自相催
新新一朶含風露恰似西廂待月來

洗盡鉛華見雪肌要將真色鬪生枝
檀心已作龍涎吐玉頰何勞懶隨醫

湖面初驚片片飛
簫前吹折最繁枝
何人會得春風意
怕見梅黃雨細時

長恨漫天柳絮輕
只將飛舞占清明
寒梅似與春相避
未解無私造物情

北客南來豈是家
醉看參月半橫斜
他年欲識吳姬面
秉燭三更對此花

與葉淳老侯敦夫張秉道同相視新河秉道有詩次韻二首

若不見元帥府前羅萬戟
濤頭未順千弩射至今
鳳凰山下路長借一箭
開兩翼我鑿西湖還舊觀
一眼已盡西南碧
又將回奪浮山險
千艘夜下無南北
坐陳三策本人謀
惟留一諾待我畫老病思歸真
暫寓功名如幻終
何得從來自笑畫地足
此事何殊食雞肋
憐君嗜好更迂闊
得我新詩喜折屐
江湖粗了我徑歸
餘事後來當潤色
一庵閑卧洞霄宮
井有丹砂水長赤

東坡全集 卷之十八 三十五
荆溪父老愁三害下斬長蛟本無賴平生倔强韓
退之文字猶爲鱷魚戒石門之役萬金耳首鼠不
爲吾已隘江湖開塞古有數兩鴟飛來告成壞勸
農使者非常人一言已破黎民駭上饒使君更超
逸坐睨浮山如累塊髯張乃我結襪生詩酒淋漓
出狂怪我作水衡生作丞他日歸朝同此拜

櫻筍 并敘

櫻筍狀如魚剖之得魚子味如苦筍而加北芡蜀
人以饌佛僧甚貴之而南方不知也筍生膚毳中
蓋花之方孕者正二月間可剥取過此苦澀不可

食矣取之無害於木而宜於飲食法當烝熟所施
略與筍同蜜煑酢浸可致千里外今以餉殊長老
贈君木魚三百尾中有鶯黃子魚子夜叉剖瘦欲
分其籜龍藏頭敢言美願隨蔬果得自用勿使山
林空老死問君何事食木魚烹不能鳴固其理

次韻曹子方龍山真覺院瑞香花

幽香結淺紫來目孤雲岑骨香不自知色淺意殊
深移栽青蓮宇遂冠蒼蘄林紉爲楚臣佩散落天
女襟君持風霜節耳冷歌笑音一逢蘭蕙質稍回
鐵石心置酒要妍暖養花須晏陰及此陰暗間恐

致慳嗇霖絲雲知易散鷓鴣憂先吟明朝便陳迹
詩著丹青臨

次韻曹子方運判雪中同遊西湖

詞源灑灑波頭展清唱一聲巖谷滿未容雪積句
先高豈獨湖開心自遠雲山已作歌眉淺山下碧
流清似眼尊前侑酒只新詩何異書魚餐蠹簡

次韻仲殊雪中游西湖二首

夜半幽夢覺稍聞竹葦聲起續凍折絃爲鼓一再
行曲終天自明玉樓已崢嶸有懷二三子落筆先
飛囊共爲竹林會身與孤鴻輕秀語出寒餓身窮

詩乃亨禪老復何爲笑指孤煙生我獨念粲者誰
與予目成

寶雲樓閣開千門林靜初無一鳥喧閉戶莫教風
掃地卷簾疑有月臨軒水光瀲灩猶浮碧山色空
濛已斂昏乞得湯休奇絕句始知鹽絮是陳言

次韻參寥同前

朝來處處白氈鋪樓閣山川盡一如總是爛銀并
白玉不知奇貨有誰居

送小本禪師赴法雲

萬形天宇閒出處會有役澹然都無營百年何由

畢山林等憂患軒冕亦戲劇我未卽歸休師寧便
安逸王城滿豪傑議論紛黑白聖諦第一義對面
誰不識師來亦何事孤月挂空碧是身如浮雲安
可限南北出岫本無心旣雨歸亦得珠泉有舊約
何年挂鉞錫

書渾令公燕魚朝恩圖

咸寧英氣似汾陽夜飲軍容出紅粧不須纏頭萬
匹錦知卿未辦作呂強

息壤詩

并引

淮南子曰鯀堙洧水盜帝之息壤帝使祝融殺之

于羽淵今荊州南門外有狀若屋宇陷入地中而
猶見其春者旁有石記云不可犯畚鍤所及輒復
如故又頗以致雷雨歲大旱屢發有應予感之乃
爲作詩其詞曰

帝息此壤以藩幽室有神司之隨取而培帝勅下
民無敢或開惟帝不言以雷以雨惟民知之幸帝
之怒帝茫不知誰敢以告帝怒不常下土是震使
民前知是役于民無是墳者誰取誰予惟其的之
是以射之

新渠詩

并敘

庚子正月予過唐州太守趙侯始復三陂疏召渠
招懷遠人散耕于唐予方爲旅人不得親執壺漿
簞食以與侯勸逆四方之來者獨爲新渠詩五章
以告于道路致侯之意其詞曰

新渠之水其來舒舒溢流于野至于通衢渠成如
神民始不知問誰爲之邦君趙侯新渠之田在渠
左右渠來奕奕如赴如湊如雲斯積如屋斯溜嗟
唐之人始識杭稌新渠之民自淮及潭望其婦姑
或走而顛王命趙侯宥我新民無與王事以訖七
年侯謂新民爾旣來止其歸爾邑告爾隣里良田

千萬爾擇爾取爾耕爾食遂爲爾有築室于唐孔
矧三堅生爲唐民飽粥與醴祀葬于唐祭有維豚
天子有命我惟爾安

顏樂亭詩

并敘

顏子之故居所謂陋巷者有井存焉而不在顏氏
人矣膠西太守孔君宗翰始得其地浚治其井作
亭於其上命之曰顏樂昔夫子以簞食瓢飲賢顏
子而韓子乃以爲哲人之細事何哉蘇子曰知之
觀人也必於其小者觀之其大者容有僞焉人能
碎千金之璧不能無失聲於破釜能搏猛虎不能

無變色於逢。葛藟孰知。簞食瓢飲之爲哲人之大事。乎乃作顏樂亭詩以遺孔君正。韓子之說且以自警云。

天生烝民爲之鼻口。美者可嚼。芬者可嗅。美必有惡。芬必有臭。我無天遊六鑿。交關。鷺而不反。豈步商受偉哉。先師安此微陋。孟賁股慄。虎豹却走。耿然其身中。亦何有我。求至樂千載。無偶。孰從之。忽焉在後。

東坡全集第十八之終



國家圖書館, NATIONAL CENTRAL LIBRARY, TAIWAN, R.O.C.

東坡全集第一十九卷

詩六十四首

次韻劉景文西湖席上

二老長身屹兩峰常擅太呂應黃鍾將辭鄴下劉
公幹却見雲間陸士龍白髮憐君略相似青山許
我定相從吾今官已六百石慙愧當年邴曼容

次前韻荅馬忠王

坡陀巨麓起連峰積累當年度自鍾靈運子孫俱
得鳳慈明兄弟孰非龍河梁會作看雲別詩社何
妨載酒從祗有西湖似西子故應宛轉爲君容

予去杭十六年而復來留二年而去平生自
覺出處老少粗似樂天雖才名相遠而安分
寡求亦庶幾焉三月六日來別南北山諸道
人而下天竺惠淨師以醜石贈行作三絕句
當年衫鬢兩青青強說重臨慰別情衰髮祇今無
可白故應相對話來生
出處依稀似樂天敢將衰朽較前賢便從洛社休
官去猶有閑居二十年
在鄴依前六百日山中不記幾回來還將天竺一
峯去欲把雲根到處栽

次韻答黃安中無簡林子中

老去心灰不復然一麾江海意方堅
殊堪黃鵠傳子度空羨杭蘇養樂天
病肺一春難白酒別腸三夜遶朱絃
群仙政欲吾歸去共把清風借玉川

留別寒道士拱辰

黑月在濁水何曾不清明寸田滿荆棘
梨棗無從生何時反吾真歲月今崢嶸
屢接方外士早知俗緣輕庾桑託雞鶩
未肯化南榮晚識此道師似有宿世情
笑指北山雲訶我不歸耕仙人漢陰焉
微服方地行咫尺不往見煩子通姓名
願持空手去

東坡全集 卷之十九
獨控橫江鯨

次韻子由書王晉卿畫山水二首

老去君空見畫夢中我亦曾遊桃花縱落誰見水
到人間伏流

山人昔與雲俱出俗駕今隨水不回賴我胸中有
佳處一樽時對畫圖開

又書王晉卿畫四首

山陰陳迹

當年不識此清真強把先生擬季倫等是人間一
陳迹聚蚊金谷本何人

雪谿乘興

谿山雪月雨仁哉賓主談鋒夜轉雷猶言不見戴
安道爲問適從何處來

四明狂客

毫端偶集一微塵何處谿山非此身狂客思歸便
歸去更求救賜枉天真

西塞風雨

斜風細雨到來時我本無家何處歸仰看雲天真
筍笠旋收江海入蓑衣

破琴詩

并引

舊說房瑄開元中嘗宰盧氏與道士邢和璞出游過夏口村入廢佛寺坐古松下和璞使人鑿地得甕中所藏婁師德與永禪師書笑謂瑄曰頗憶此耶瑄因悵然悟前生之爲永師也故人柳子至嘗此畫云是唐本宋復古所臨者元祐六年三月十九日予自杭州還朝宿吳松江夢長老仲殊挾琴過予彈之有異聲就視琴頗損而有十三絃予方歎惜不已殊曰雖損尚可修曰柰十三絃何殊不荅誦詩云度數形各本偶然破琴今有十三絃此生若遇邢和璞方信秦箏是響泉予夢中了然識

其所謂既覺而忘之明日晝寢復夢殊來理前語再誦其詩方驚覺而殊適至意其非夢也問之殊蓋不知是歲六月見子王之子子文于京師求得其畫乃作詩并書所夢其上子王名瑾善作詩及行草書復古名迪畫山水草木蓋妙絕一時仲殊本書生棄家學佛通脫無所着皆奇士也

破琴雖未修中有琴意足誰云十三絃音節如佩玉新琴空高張絃聲不附木宛然七絃箏動與世好逐陋矣房次律因循墮流俗懸知董庭蘭不識無絃曲

題王晉卿畫後

醜石半蹲山下虎長松倒卧水中龍試君眼力看
多少數到雲峯第幾重

聽武道士彈賀若

清風終日自開簾涼月今宵肯挂簷琴裏若能知
賀若詩中定合愛陶潛

元祐六年六月自杭州召還汶公館我於東
堂閱舊詩卷次諸公韻三首

半熟黃梁日未斜王堂陰合手栽花却尋三十年
前未未飯鐘聲已飯茶

夢覺還驚倅響廊故人來炷影前香鬢鬢白盡成

何事一帖空存老遂良

法帖中有褚遂良書云
即日遂良鬚髮盡白

尺一東來喚我歸衰年已迫故山期文章曹植今
堪笑却卷波瀾入小詩

次韻子由書王晉卿畫山水一首而晉卿和

二首

誤點故教同子敬雜篇真欲擬湯休壠雲寄我山
中信雪月追君淡上舟曾看飛仙虎頭篋却來顛
倒拾遺裘子美詩云天吳與
紫鳳顛倒在短褐王孫辦作玄真子細
雨斜風不濕鷗

此境眼前聊妄想幾人林下是真休我今心似一
潭月君已身如萬斛舟看畫題詩雙鶴鬢歸田送
老一羊裘明年無與士龍去萬頃蒼波沒雨鷗

感舊詩 并引

嘉祐中予與子由同舉制策寓居懷遠驛時年二
十六而子由二十三耳一日秋風起雨作中夜儵
然始有感槩離合之意自爾宦游四方不相見者
十常七八每夏秋之交風雨作木落草衰輒悽然
有此感蓋三十年矣元豐中謫居黃岡而子由亦
貶筠州嘗作詩以記其事元祐六年予自杭州召

還寓居子由東府數月復出領汝陰時予年五十
六矣乃作詩留別子由而去

床頭枕曉道雙闕夜未央車轂鳴枕中客夢安得
長新秋入梧葉風雨驚洞房獨行慚月影悵焉感
初涼筮仕記懷遠謫居念黃岡一往三十年此懷
未始忘扣門呼阿同子由一安寢已太康青山映
華髮歸計二月糧我欲自汝陰徑上潼江章想見
冰檠中石室與柿霜予欲請東川而歸憐子遇明
主憂患已再嘗報國何時華我心久已降

西湖秋涸東池魚窘甚因會客呼網師遷之

西池爲一笑之樂夜歸被酒不能寐戲作放
魚一首

東池浮萍半粘塊裂碧跳青出魚背西池秋水尚
涵空舞闊搖深吹荷帶吾僚有意爲遷居老守縱
饒那忍膾縱橫爭看銀刀出澆漚初驚玉花碎但
愁數罟損鱗鬣未信長堤隔濤瀨濺濺發發須臾
圍圍洋洋尋丈外安知中無蛟龍種尚恐或有
風雲會明年春水漲西湖好去相忘渺淮海

復次放魚前韻答趙承議陳教授

擾擾萬生同大塊捨榆不羨培風背青丘已吞雲

屢芥黃河復繚天門帶長譏韓子隘且陋一飽鯨
魚何足膾東坡也是可憐人披抉泥沙收細碎逝
將歸休八節難又欲往釣七里瀨正似此魚逃網
中未與造物遊數外且將新句調二子湖上秋高
風月會爲君更喚木腸兒脚扣兩舷歌小海

九月十五日觀月聽琴西湖一首示坐客

白露下衆草碧空卷微雲孤光爲誰來似爲我與
君水天浮四坐河漢落酒樽使我冰雪腸不受麴
蘖醺尚恨琴有絃出魚亂湖紋哀彈本舊曲妙耳
非昔聞良時大俯仰此見寧朝昏懸知一生中道

眼無由渾

復次前韻謝趙景貺陳履常見和兼簡歐叔弼兄弟

能詩李長吉識字楊子雲端能居此府坐歛獲雨
君誓將江湖去浮我五石樽眷焉復少留尚爲世
所醺或勸莫作詩兒輩工織紋朱絃寄三歎未害
俗耳聞共尋兩歐陽伐薪照黃昏是家有其井汲
多終不渾

送歐陽主簿赴官韋城四首

鳳雛驥子日相高白髮蒼顏笑我曹讀遍牙籤三
萬軸却來小邑試牛刀
出處年來恨不齊一樽臨水記分携江湖咫尺吾
將老汝穎東流子却西
白馬津頭春水來白魚猶喜似江淮使君已復冰
堂酒更勸重新畫舫齋
逆傍垂白定沾巾正似當年綠髮新故國依然喬
木在典刑復見老成人

泛穎

我性喜臨水得穎意甚奇到官十日來九日河之
湄吏民笑相語使君老而癡使君實不癡流水有

冷姿遶郡十餘里不駛亦不遲上流直而清下流
 曲而漪畫船俯明鏡笑問汝為誰忽然生鱗甲亂
 我鬚與眉散為百東坡頃刻復在茲此豈水薄相
 與我相娛嬉聲色與臭味顛倒眩小兒等是兒戲
 物水中少磷緇趙陳兩歐陽同參天人師觀妙各
 有得共賦泛穎詩

六觀堂老人草書詩

物生有象象乃濛夢幻無根成斯須方其夢時了
 非無泡影一失俯仰殊清露未晞電已徂此滅滅
 盡乃真吾云如死灰實不枯逢場作戲三昧俱化

身為鑿忘其軀草書非學聊自娛落筆已與巖越

奴蒼鼠奮髯飲松腴刻藤玉板開雪膚遊龍天飛

萬人呼莫作羞澁羊氏姝六觀取金剛經夢幻等

於書言西華草書下筆有遠
 韻而人莫知貴故作此詩

次韻劉景文見寄

淮上東來雙鯉魚巧將書信渡江湖細看落墨皆
 松瘦想見掀髯正鶴孤烈士家風安用此書生習
 氣未能無莫因老驥思千里醉後哀歌缺唾壺

次韻趙景貺督兩歐陽詩破陳酒戒

商也哀未散歲月忽已秋祥琴雖未調餘悲不敢

留矧此乃韻語未入金石流義之生五之總角出
銀鈞吾家有二許下筆兩不休君言不能詩此語
人信不千鍾斯爲堯百榼斯爲丘陋矣陶士衡當
以太白浮酒中那有失醉則不驚鷗明當罰二子
已洗兩玉舟

叔弼云履常不飲故不作詩勸履常飲

我本畏酒人臨觴未嘗訴平生坐詩窮得句恐不
吐吐酒如好詩肝胃生津汗用此較得喪天豈不
足付吾儕非二物歲月誰與度惜焉得長愁爲計
已大謾一歐非無詩恨予不飲故強爲醺一酌將

非作愁具成言如皎日援筆當自賦他年五君詠
山王一時數

臂瘧謁告作三絕句示四君子

公退清閒如致仕酒餘歡適似還鄉不妨更有安
心病卧看紫蘆一炷香

心有何求遣病安年來古井不生澗祗愁戲瓦閑
童子却作泠泠一水看

小閣低窓卧晏溫了然非默亦非言維摩示病吾
真病誰識東坡不二門

到頽未幾公帑已竭齋厨索然戲作數句

我昔在東武吏方謹新書齋空不知春客至先愁
予采杞聊自誑食菊不敢餘歲月今幾何齒髮日
向踈幸此一郡老依然十年初夢飲本來空真飽
竟亦虛尚有赤脚婢能烹頰尾魚心知皆夢耳慎
勿歌歸歟

景貺履常屢有詩督叔弼季默唱和已許諾
矣後以此句挑之

君家文律冠西京旋築詩壇按酒兵袖手莫輕負
將種致師須得老門生明朝鄭伯降誰受昨夜條
侯壁已驚從此醉翁天下樂還應一舉百觴傾文思

公贈蘇梅詩云我亦願助勇鼓旗
譯其旁快哉天下樂一醕宜百觴

贈月長老

天形倚一笠地水轉兩輪五霸之所連毫端栖一
塵功名半幅紙兒女浪苦辛子有折足鐺中容五
合陳十年此中過却是英特人延我地爐坐語軟
意甚真白灰如積雪中有紅麒麟勿觸紅麒麟作
灰維那瞋拱手但默坐墻壁方諄諄今宵恨客多
汗子白氎巾後夜當獨來不煩主與宿蒲團坐紙
帳自要觀我身

次韻荅錢穆父以軾得汝陰用杭越唱酌韻

作詩見寄

大耿疲勞已離群小馮慈愛且當門

軾本以舍弟親嫌請郡

王堂不著扶犁手霜髮偏宜畫鹿轡豪傑雖無兩

王繼子直深父風流猶有二歐存

叔弼季黈

清詩已入新歌

舞要使邦人識雅言

韓退之孟郊墓銘云以昌其詩舉此問王定

國當昌其身耶昌其詩也來詩下語未契作

此答之

昌身如飽腹飽盡還當饑昌詩如膏面為人作容
姿不如昌其氣鬱鬱老不衰雖云老不衰劫壞安

所之不如昌其志志一氣自隨養之塞天地並軻
不吾欺人言魏勃勇股栗向小兒何如魯連子談
笑却秦師慎勿怨謗讒乃我得道資淤泥生蓮華
糞壤出菌芝賴此善知識使我枯生萸吾言豈須
多冷暖子自知

送歐陽推官赴華州監酒

我觀文忠公四子皆超越仲也珠徑寸照夜光如
月好詩真脫兔下筆先落鵲知音如周郎議論亦
英發文章乃餘事學道探玄窟死為長白主名字
書絳闕

熙寧之末仲純父見僕於京城之東曰吾
夢道七持告身授吾曰上帝命汝為長白

山土此何祥也傷心清潁尾已伴白鷗沒喜見三
明年仲純父沒少年俱有千里骨千里不難到莫遣歷塊蹶臨分
出苦語願子書之笏

十月十四日以病在告獨酌

翠柏不知秋空庭失搖落幽人得佳蔭露坐方獨
酌月華稍澄穆霧氣尤清薄小兒亦何知相語翁
正樂銅爐燒柏子石鼎煮山藥一盃賞月露萬象
紛醞酢此生獨何幸風纜欣初泊逝逃顏蹠網行
赴松喬約莫嫌風有待漫欲戲寥廓冷然心境空
鬢鬢來笙鶴

獨酌試藥玉酒琖有懷諸君子明日望
庭佳景不可失作詩招之

鎔鈇煮白石作玉真自欺琢削爲酒盃規摹定神
瓷荷心雖淺狹鏡面良渺瀰持此壽佳客到手不
容辭曹侯天下平定國豈其師一飲至數石温存
頗似之風流起王孫詩酒屢出奇喜我有此客王
孟不徒施請君詰歐陳問疾來何遲呼兒掃月榭
扶病及良時

歐季默以油煙墨二丸見餉各長寸許戲作
小詩

書窓拾輕煤佛帳掃餘馥辛勤破千夜收此一寸
玉癡人畏老死腐朽同草木欲將東山松湮盡南
山竹墨堅人苦脆未用歎不足且當注蟲魚莫草
三千牘

明日復以大魚為餽重二十斤且求詩故復
戲之

漢庭九尺人誰似老方朔那將一寸金令足三冬
學餉魚欲自洗鱗尾光卓犖我是騎鯨手聊堪充
鹿角

和趙景旣栽檜

汝陰多老檜處處屯蒼雲地連丹砂井物化青牛
君時有再生枝類之靈檀器亦有再生檢還作左紐紋王孫有
古意書室延清芬應憐四隼子不墜凡木群體備
松柏姿氣含芝木薰初扶鶴立骨未出龍纏筋巢
根白蟻亂網葉秋蟲紛乃知蔽芾初甚要封植勤
他年皮三寸狐鼠了不聞

葉待制求先墳永慕亭詩

靈區有異產化國無潜珍承平百年間簪纓半齊
民建溪富竒偉葉氏初隱淪森然見喬木其下維
德人佳哉鬱葱葱氣若鳳與麟聯翩出儒將豈惟

十朱輪新松無鹿觸舊柏有烏馴待公歸上冢淚
葉乃肯春

與趙陳同過歐陽叔弼新治小齋戲作

江湖渺故國風雨傾舊廬東來三十年愧此一束
書尺椽亦何有而我常客居羨君開此室容膝真
有餘拊床琴動搖美筆窓明虛後夜龍作雨天明
雪填渠時方禱雨蕭祠作此句時星斗燦然四更風雨大至明日乃雪夢回聞剝
啄誰乎趙陳予添丁走沽酒通德起挽蔬王孟當
啗我王鱗金尾魚一醉忘其家此身自遶蔭

聚星堂雪 并敘

元祐六年十一月一日禱雨張龍公得小雪與客
會飲聚星堂忽憶歐陽文忠公作守時雪中約客
賦詩禁體物語於艱難中特出奇麗爾來四十餘
年莫有繼者僕以老門生繼公後雖不足追配先
生而賓客之美殆不減當時公之二子又適在郿
故輒舉前令各賦一篇以為汝南故事云

窓前暗響鳴枯葉龍公試手行初雪映空先集疑
有無作態斜飛正愁絕衆賓起舞舞風竹亂老守先
醉霜松折恨無翠袖點橫斜祇有微燈照明滅歸
來尚喜更鼓未晨起不待鈴索掣未嫌長夜作衣

稜却怕初陽生眼纈欲浮大白追餘賞幸有回飈
驚落屑模糊檜頂獨多時歷亂瓦溝栽一瞥汝南
先賢有故事醉翁詩話誰續說當時號令君聽取
百戰不許持寸鐵

歐陽叔弼見訪誦陶淵明事歎其絕識叔弼
既去感槩不已而賦此詩

淵明求縣令本緣食不足束帶向督郵小屈未爲
辱翻然賦歸去豈不念窮獨重以五斗米折腰營
口腹云何元相國萬鍾不滿欲胡椒銖兩多安用
八百斛以此殺其身何翅抵鵠王往者不可悔吾

其反自燭

喜劉景文至

天明小兒更傳呼聶劉已到城南隅尺書真是髯
手迹起坐矚眼知有無今人不作古人事今世有
此古丈夫我聞其來喜欲舞病自能起不用扶江
淮旱久塵上惡朝來清雨濯髮鬚相看握手了無
事千里一笑無乃迂平生所樂在吳會老死欲葬
杭與蘇過江西不二百日冷落山水愁吳妹新堤
舊菰各無恙寥寥六一豈念吾別後新詩巧摹寫
袖中知有錢塘湖

禱雨龍公既應劉景文有詩次韻

張公晚爲龍神自龍中來伊昔風雲會咄嗟潭洞
開精誠苟可貫賓主真相陪洞簫振羽舞白酒浮
雲壘言從關洲妃遠去焦氏臺倒傾甌中雨一洗
麥上埃破旱不論功乘雲却空囿嗟龍與我輩用
意豈遠哉使君秉仁義英風冠東萊笑說龍爲友
幽明莫相猜

劉景文家藏樂天身心問答三首戲書一絕
其後

淵明形神自我樂天身心相物而今月下三人他

日當成幾佛

西湖戲作

一士千金未易償我從陳趙兩歐陽舉鞭拍手笑
山簡祇有并兒一葛強

送歐陽季默赴闕

先生豈止一懷祖郎君不減王文度膝上幾日今
白鬚令我眼中見此父汝南相從三晦朔君去苦
早我來暮霜風淒緊正脫木穎水清淺可立鷺莫
辭白酒瀉香泉已覺扁舟掠新渡坐看士衡執別
手更遣夢得出奇句郎君可是筦庫人乃使驥駟

隨蹇步置之。行矣無足道。賢愚豈在遇不遇。

用前韻作雪詩留景文

萬松嶺上黃千葉。載酒年年踏松雪。劉郎去後誰
復來。花下有人心斷絕。東齋夜坐搜雪句。兩手龜
拆霜須折。無情豈亦畏嘲弄。穿簾入戶吹燈滅。紛
紛兒女爭所似。碧海長鯨若未掣。朝來雲漢接天
流。顧我小詩如點纈。歐陽趙陳在戶外。急掃中庭
鋪木屑。交遊雖似雪。相堅聚散行。作風花瞥晴光
融。作一尺泥歸。有何事。真無說。泥乾路穩放君去。
莫倚馬蹄如踏鐵。

和劉景文見贈

元龍本志陋曹吳。豪氣崢嶸老不除。失路今爲噲
等伍。作詩猶似建安初。西來爲我風驚面。獨卧無
人雪滿廬。留子非爲十日飲。要令安世誦亡書。

和劉景文雪

占雨又得雪。龜寧欺我哉。似知吾輩喜。故及醉中
來。童子愁冰硯。佳人苦膠盃。那堪李常侍。入蔡夜
銜枚。

次前韻送劉景文

白雲在天不可呼。明月豈肯留庭隅。怪君西行八

百里清坐十日一事無路人不識呼尚書但見凜

凜雄千夫君一馬兩僕率然相訪逆旅多呼尚書意謂君都頭也豈知入骨

愛詩酒醉倒正欲蛾眉扶一篇向人寫肝肺四海

知我霜鬢鬚君前有詩見寄云四海共知霜鬢滿重陽曾挿菊花無歐陽趙

陳皆我有豈謂夫子駕復迂爾來又見三黜柳共

此暖熱餐羶蘇酒殺酸薄紅粉暗秬有潁水清而

姝一朝寂寞風雨散對影誰念月與吾郡中日與

趙景現陳履常相從而景文復至不數日柳戒之亦見過賓客之盛頃所未有然不數日叔弼景文

戒之皆何時歸帆泝江水春酒一變其棠湖景文

去矣居九江近景文其棠湖

以屏山贈歐陽叔弼

漫郎天骨清生與世俗異學道新有得為貧聊復

仕每於紅塵中常起青霞志屏山輟贈子莫遣汗

簪珥寓目紫翠間安眠本非無夢中化為鶴飛入

長松寺

新渡寺席上次趙景現陳履常韻送歐陽叔

弼比來諸君唱和叔弼但袖手旁觀而已臨

別忽出一篇頗有淵明風製坐皆驚歎

神屠不日全妙頰惟粧半更刀乃族庖何市必醜

得平生魏公籌忽斲郢人墁詩書亦何用造道須

東坡全集卷之二十九
此館多言雖數窮微中或排難于詩如清風寥寥
發將旦胡爲久閉匿綺語真自患許時笑我癡隔
屋相味歎竟識彥道否絕叫呼百萬清朝固多士
入門子皆冠莫言清潁水從此隔河漢異時我獨
來得魚楊柳貫持歸不忍食尺素解悽斷中有清
圓句銅丸飛柘彈春愁結凌澌正待一笑泮百篇
儻寄我呻吟鄭人緩

東坡全集第一十九卷終


東坡全集第二十卷

詩五十六首

次韻趙景貺春思且懷吳越山水

歲華來無窮老眼久已靜春風如繫馬未動意先
 騁西湖忽破碎鳥落魚動鏡縈城理枯瀆放闢起
 膠艇願君營此樂宦事何時竟清河西湖三思吳
 信偶然出處付前定飄然不繫舟此無盡興醉
 翁行樂處草木皆可敬明朝游北渚意猶在
 白酒真到齊紅裙已放鄭酒尚有香泉一深
全先生服不作樂也

次韻陳履常張公龍潭



經明宣城宰家此百尺瀾鄭翁不量力敢以非意
干玄黃雜兩戰絳青表雙蟠寧見龍公碑烈氣斃強敵
仁心惻饑寒精誠禱必赴苟簡求亦難蕭條麥麩
枯浩蕩日月寬念子無吏責十日勤征鞍春蔬得
雨雪少助先生槃龍不憚往來而我獨宴安閉閣
默自責神交清夜闌

竹間亭小酌懷歐陽叔弼字默三趙景貺陳

履常

歲暮自急景我閑方緩觴醉餘西湖晚步轉北渚
長地坐略少長言行無淵罔久知薺麥青稻熟

柳黃益益春欲動潏潏夜未央水天鷗鷺靜月霧
松檜香撫景方婉婉懷人重淒涼豈無一老兵坐
念兩歐陽我意正麋鹿君才亦圭璋此會恐難久
此歡不可忘

臘梅一首贈趙景貺

天工點酥作梅花此有臘梅禪老家蜜蜂採花作
黃蠟取蠟爲花亦其物天工變化誰得知我亦見
嬉作小詩君不見萬松嶺上黃千葉玉葉檀心兩
奇絕醉中不覺度千山夜聞梅香失醉眠歸來却
夢尋花去夢裏花仙覓奇句此間風物屬詩人我

老不飲當付君君行適吳我遠越笑指西湖作衣鉢

送王竦朝散赴闕

我家衡山公清而畏人知臧否不出口默識如著龜擢于拱把中云有驥騄姿胡爲三十載尚作窮苦詞丈夫不妄語未効此可疑竭來清潁上淚濕中郎詩怪我一年長而作十年衰同時幾人在豈敢怨白髭願言指松栢永與霜雪期伯父爲衡州有送行詩日與君相知

次韻致政張朝奉仍招晚飲

掃白非黃精輕身豈胡麻怪君仁而壽未覺牛有涯曾經丹化米親授棗如瓜雲烝作霧楷火滅噀雨巴自此養鉛鼎無窮走河車至今許王斧猶事

萼綠華

張魯見水州何仙姑得藥餌之人疑其以此壽也故有丹化米萼綠華之句皆久仙

事我本三生人疇昔一念差前生或草聖習氣餘驚蛇儒懼謝赤松佛縛慙丹霞時時一篇出擾擾四座譁清詩得可驚信美詞多夸回車入官府治具隨貧家萍莖與豆粥亦可成咄嗟

閻立本職貢圖

正觀之德來萬邦浩如滄海吞河江音容儻偉服

東坡全集 卷之三
奇麗橫絕嶺海逾濤瀧玆禽瑰產爭牽扛名王解
辯却蓋幢粉本遺墨開明窓我喟而作心未降魏
徵封倫恨不雙

次韻王滁州見寄

斯人何似似春雨歌舞農夫怨行路君看永叔與
元之坎軻一生遭口語兩翁當年髯未絲王堂揮
翰手如飛教得滁人解吟詠至今里巷嘲輕肥君
家聯翩盡卿相獨來坐歛谿山上笑捐浮利一雞
肋多取清名幾熊掌丈夫自重貴難售兩翁今與
青山久後來太守更風流要伴前人作詩瘦我勸

承明苦求出到處遺蹤尋六一憑君試與問琅琊
許我來游莫難色

趙景貺以詩求東齋榜銘昨日聞都下寄酒
來戲和其韻求分一壺作潤筆也

王孫天麒麟眸子與而徹囊空學愈富屋陋人更
傑我老書益放筆落塵爭掣欲求東齋銘要飲西
湖雪長餅分未到小硯乾欲裂不似淳于髡一石
要燭滅

洞庭春色 并引

安定郡王以黃柑釀酒謂之洞庭春色色香味三

東坡全集 卷之三
絕以餉其猶子德麟德麟以飲予為作此詩醉後
信筆頗有沓拖風氣

二年洞庭秋香霧長嘆手今年洞庭春色疑非

酒賢王文字飲醉筆蛟蛇走既醉念君醒遠餉為

我壽餅開香浮座瓊山光照牖方傾安仁醪潘岳

云破黃苞以餒相莫遣公遠饒明皇食餅凡十餘

領綠瓷以酌醕枚皆謂一餅同進

辨使者云中塗皆有道要當立名字未可問升斗

上饒之蓋羅公遠也應呼釣詩釣亦號掃愁帚君知蒲萄惡止是嫖婦

送路都曹 并引

黜須君灑海盃澆我談天口

垂崖公在蜀有錄曹參軍老病廢事公書之曰胡

不歸明日叅軍求去且以詩留別其略曰秋光都

似宦情薄山色不如歸意濃公驚謝之曰吾過矣

同僚有詩人而吾不知因留而慰薦之予幼時聞

父老言恨不問其姓名今都曹路君以小疾求致

仕予誦此事伯之不可乃採前人意作詩送之并

送趙德麟陳履常各賦一篇

積雪困桃李春心誰為容淮光醖山色先作歸意

濃我亦倦游者君恩繫踈慵欲留耿介士伴我

遲蹤吏課升斗積崎嶇等鈿春那將露電身坐

收千鍾結髮空百載市人看先封誰能搔白首抱
關望夕烽子意亮已成我言寧復從恨無乖崖老
一洗芥蒂胸我田荆谿上伏豨亦粗供懷哉江南
路會作林下逢

次韻陳履常雪中

可憐擾擾雪中人饑飽終同寓一塵老檜作花真
同與凍鷲爲儲肉巧謀身恐寒吟咏君堪笑得煖誰
呵我未貧坐聽屐聲知有路擁裘來看玉梅春

二鮮于君以詩文見寄作詩爲謝

戊懷元祐初珪璋滿清班維時南隆老奉使獨未

還迂叟向我言青齊歲方艱斯人乃德星遣出虛

危間

司馬溫公謂軾曰子駿福星也京有人困甚且令往彼

召用既晚矣天

命良復慳一朝失老驥寂寞空帝闕至今清夜夢

攬余有餘潛喜聞二三子結髮師閔頗高論傾河

漢清詩鳴珮環遙知三日雪積玉埋崧山誰念此

幽桂坐蒙榛與菅故人在穎尾投詩清冷灣

次韻趙德麟雪中惜梅且餉杞酒三首

千花未分出梅餘遣雪摧殘計已踈卧聞點滴如
秋雨知是東風爲掃除

闕苑千葩映玉宸人間祇有此花新飛霰要欲先

桃李散作千林火迫春
蝶躑嬌黃不受鞿東風暗與色香歸偶逢白墮爭
春手遣入王孫玉笋飛

和陳傳道雪中觀燈

新年樂事歎何曾閉閣燒香一病僧未忍便傾澆
別酒且來同看照愁燈頰魚躍處新亭近湖雪消
時書舫片祗恐樽前無此客清詩還有士龍能

閱世亭詩贈任仲微

任公鎮西南嘗贈繞朝策當時若盡用善陣無赫
赫沒涼十年後邪正久已白却留封德彝天意叅

難測象賢真驥種號新甘百謫豈云報私讎禍福
指絡脉高才食舊德但恐里門窄傷心千騎歸
印黃壤隔惟有亭前檜閱世不改色千年與井在
記此王粲宅

新渡寺送任仲微

春陰欲落雪野氣方升雲我游清潁尾想見翠被
君古來聚散地與子後言分倦游安稅駕瘦田失
歸耘獨宿古寺中荒雞亂鳴群送子以曉角幽幽
醒時聞

送運判朱朝奉入蜀七首

藹藹青城雲娟娟峨眉月隨我西北來照我光不滅

我在塵土中白雲呼我歸我遊江湖上明月濕我衣

岷峨天一方雲月在我側謂是山中人相望了不隔

夢尋西南路默數長短亭似聞嘉陵江跳波吹錦屏

送君無一物清江飲君馬路穿慈竹林父老拜馬下

不用驚走藏使者我友生聽訟如家人細說爲汝評

若逢山中友問我歸何日爲話腰腳輕猶堪踏泉石

病中夜讀朱博士詩

病眼亂燈火細書數塵沙君詩如秋露淨我空中花
古語多妙寄可識不可誇巧笑在頰頰哀音餘
摻攪曾坑一掬春紫餅供千家懸知貴公子醉眼
無真茶崎嶇爛石上得此一寸芽緘封勿浪出湯
老客未嘉

趙德麟餞飲湖上舟中對月

老守惜春意主人留客情官餘閑日月湖上好清
明新火發茶乳溫風散粥飴酒闌紅杏闌日落大
堤平清夜除燈坐孤舟擘岸撐建君幘未墮對此
月猶橫

贈朱遜之

并引

元祐六年九月與朱遜之會議于穎或言洛人善
接花歲出新枝而菊品尤多遜之曰菊當以黃為
正餘可鄙也昔叔向聞駸蔑一言知其為人予於
遜之亦云

黃花候秋節遠自夏小正坤裳有正色鞠衣亦令
名一從人僞勝遂與天力爭易性寓非族改顏隨
所今新奇既易售粹駁宜相傾疾惡逢伯厚識真
似淵明君言我所印世論誰改評願君為霜風一
掃紫與頰

和趙德麟送陳傳道

二陳既妙士兩歐惟德人王孫乃龍種世有籥雲
鱗五君從我游傾寫出怪珍俗物敗人意茲游實
清醇邽知有聚散佳夢失欠伸我舟下清潁淮水
吹王塵君行踏曉月疎木挂寸銀尚寄別後詩翦

刻淮南春

上巳日與二子追過游塗山荆山記所見

此生終安歸還軫天下半塌來乘標廟復作微禹

歎昔自南河赴杭州遇此蓋二十二年矣從祠及彼呱有啓廟像設偶

此粲謂塗山寺秦祖當俯坐謂伯醫夏郊亦薦裸有蘇廟可

憐淮海人尚記弧矢旦淮南人相傳禹以六月六日生是日數萬人會山上

雞傳記不載然在傳如此荆山碧相照楚水清可亂別人有餘

坑美石肖温瓚荆山下有卞氏採玉坑石色如玉不受鏡刻取出山下輒變色不復

温龜泉木杪出牛乳石池漫龜泉在荆山下色白而甘真陸羽所謂石

池漫流者有石記云唐正元中隨白龜流出小兒強好古侍史笑流汗

歸時蝙蝠飛炬火記遠岸

淮上早發

澹月傾雲曉角哀小風吹水碧鱗開此生定向江

湖老默數淮中十往來

次韻徐仲車作車年每

惡衣惡食詩愈好恰似霜松嚼春鳥蒼蠅莫亂遠

雞聲世上誰如公覺早八年看我走三州元豐八年予赴

登州元祐四年赴杭州今赴揚州皆見仲車月自當空水自流人間撥

撥真螻蟻應笑人呼作鬪牛

次韻林子中春日新堤書事見寄

東都寄食似孤雲，幙被真成一宿賓。收得玉堂揮翰手，却爲淮月弄舟人。羨君湖上齋搖碧，笑我花時甕有塵。爲報年來殺風景，連江夢雨不知春。詩來

有芍藥春之句，揚州近歲率爲此會。用花一餘萬枝，吏緣爲奸，民極病之，故罷此會。

送陳伯脩察院赴闕

裕陵固天縱，筆有雲漢姿。嘗重連山象，不數秋風辭。龍騰與虎寢，豹復何施我。窮真有數文字，乃見知聞君。射策日妙語，發疇咨。一日喧萬口，驚倒同舍兒。豈知二十年，道路猶遲遲。苦言如藥石，臆致終見思。屈信反覆手，獨於君可疑。四門方穆穆，

行矣及此時。

送張嘉父長官

都城昔傾蓋，駿馬初服輶。再見江湖間，秋鷹已難鞫。于今三會合，每進不少留。豫章旣可惜，瑚璉誰當收。微官有民社，妙割無雞牛。歸來我益敬，器博用自周。百年子初筵，我已迫旅酬。但當記苦語，高節貫白頭。

軾在穎州與趙德麟同治西湖，未成。改揚州三月十六日湖成，德麟有詩見懷，次韻。

太山秋毫兩無窮，鉅細本出相形中。大千起滅一

塵裏未覺杭穎誰雌雄

來詩云與杭爭雄

我在錢塘拓湖

淶六堤士女爭昌丰六橋橫絕天漢上北山始與南屏通忽驚二十五萬丈老葑席卷蒼雲空竭來

穎尾弄秋色一水縈帶昭靈宮坐思吳越不可到

借君月斧修幢隴二十四橋亦何有換此十頃玻

璃風雷塘水乾禾黍滿寶釵耕出餘鸞龍明年詩

客來弔古伴我霜夜號秋蟲

德麟見約來揚寄居亦有意求揚作

次韻趙德麟西湖新成見懷絕句

壺中春色

謂洞庭春色也

飲中仙騎鶴東來獨惘然猶有

趙陳同李郭不妨同泛過湖船

再次韻趙德麟新開西湖

使君不用山麴窮饑民自逃泥水中欲將百漚起

凶歲免使磚石愁揚雄西湖雖小亦西子縈流作

態清而丰千夫餘力起三閘焦陂下與長淮通十

年憔悴塵土窟清瀾一洗啼痕空王孫本自有仙

骨平生宿衛明光宮一行作吏人不識正似雲月

初朦朧時臨此水照冰雪莫遣白髮生秋風定須

却致兩黃鵠新與上帝開濯龍湖成君歸侍帝側

燈花已綴釵頭蟲

予以穎人苦飢奏乞留黃河夫萬人修境內溝洫詔許一因以

餘力浚治此湖

到官病勅未嘗會客毛正仲惠茶乃以端午
小集石塔戲作一詩爲謝

我生亦何須一飽萬想滅胡爲設方丈養此膚寸
舌爾來又衰病過午食輒噎繆爲淮海帥每愧厨
傳缺爨無欲清人奉使免內熱空煩赤泥印遠致
紫玉玦爲君伐羔豚歌舞菰黍節禪窓麗午景蜀
井出水雪坐客皆可人鼎噐手自絜金釵候湯眼
魚蟹亦應訣遂令色香日備三絕報君不虛
授知我非輟爨

雙石 并引

至揚州獲二石其一綠色圓密迤邐有穴達于背
其一玉白可鑿漬以盆水置几案間忽憶在潁州
日夢人請住一官府榜曰仇池覺而誦杜子美詩
曰萬古仇池穴潛通小有天乃戲作小詩爲僚友
一笑

夢時良是覺時非汲水埋盆故自癡但見玉峰橫
太白便從鳥道絕峨眉秋陰欲作煙雲意曉日令
涌草木姿一點空明是何處老人真欲住仇池

次韻和晁無咎學士相迎

少年獨識晁新城閉門却掃卷旂旌胸中自有談

大口坐却秦軍哭墨守有子不為謀置錐虹霓吞
吐忘寒餓端如太史牛馬走嚴徐不敢連况雕裴
回未用疑相待枉尺知君有家戒避人聊復去瀛
洲伴我真能老淮海夢中仇池千仞巖便欲攬我
青霞幘且須還家與婦計我本歸路連西南老人
飲酒無人佐獨看紅藥傾白墮每到平山憶醉翁
懸知他日君思我路旁小兒笑相逢齊歌萬事轉
頭空賴有風流賢別駕猶堪十里卷春風

次韻范淳父送秦少章

宿緣在江海世網如予何西來度公塵已濯長淮

波十年淮海人初見一麥禾但欣爭訟少未覺舟

車多秦郎忽過我賦詩如卷阿句法本黃子謂魯直也

二毫與措磨其見少許與張文皆嗟我久離群逝將老西河

後生多名士欲薦空悲歌小范真可人獨肯勤收

羅瘦馬識驢耳枯桐得雲和近聞館李生李廌病方叔

鶴借一柯贈行苦說我妙語慰嗟跼西羗已解仇

烽火連朝那坐籌付公等吾將寄潛沱

靈隱前一首贈唐林夫

靈隱前天竺後雨澗春淙一靈鷲不知水從何處
來跳波赴壑如奔雷無情有意兩莫測肯向冷泉

亭下相索回我在錢塘六百日山中暫來不暖席
今君欲作靈隱居葛衣草屨隨僧蔬能與冷泉作
主一百口不用二十四考書中書

滕達道挽詞二首

先帝知公早虛懷第一人至今詩禮將惟數武宣
臣材大雖難用時來亦少信高平風烈在威敏典
刑新公少受知於范帝文孫元晧空試乘邊策寧留相漢身涼舊部曲淚濕塚前麟

雲夢連江雨樊山落木秋公方占賈鵬我正買葉
牛共有江湖樂俱懷獻賦憂荆溪欲歸老浮王

同游骯髒儀刑在驚呼歲月適回頭雜歌哭挽語
不成謳

次韻蘇伯固遊蜀岡送李孝博奉使嶺表

新苗未沒鶴老葉方翳蟬綠渠浸麻水白板燒松
煙笑窺有紅頰醉卧皆華顛家家樓杆鳴樹樹梨
棗縣野無佩犢子府有騎鶴仙觀風嶠南使出相
山東賢渡江弔狶石過嶺酌貧泉與君步徙倚望
彼脩連娟願及南枝謝早隨北鴈翻歸來春酒熟
共看山櫻然

送晁美叔

我年二十無朋儔當時四海一子由君來扣門如
有求願然病鶴清而脩醉翁遣我從子游翁如退
之蹈軻丘尚欲放予出一頭嘉祐初試與子由寓
與國浴室美叔忽見
訪云君從歐陽公游久矣公令我來與子定
交謂子必名世老夫亦須放他出一頭地酒醒
夢斷四十秋病鶴不病骨愈蚪惟有我顏老可羞
醉翁賓客散九州幾人白髮還相收我如懷祖拙
自謀正作尚書已過優君求會稽實良籌往看萬
壑爭交流君近乞
越州

王文王稅詞

才名誰似廣文寒月斧雲斤琢肺肝玄晏一生都

卧病子雲三世不遷官幽蘭空覺香風在宿草何
曾淚葉乾猶喜諸郎有曹志文章還復富波瀾

送芝上人游廬山

二年閱三州我老不自惜團團如磨牛步步踏陳
迹豈知世外人長與魚鳥逸老芝如雲月炯炯時
一出比年三見之常若有所適逝將走廬阜計閑
道愈密吾生如寄耳出處誰能必江南千萬峰何
處訪子室

送程德林赴真州

君為縣令元豐中吏貪功利以病農君欲言之路

無從後書諫臣以自通

諫臣蹇受之也

元豐天子為改容

我時疋馬江西東問之逆旅言頗同老人愛君如
劉寵小兒敬君如魯恭爾來明日達四聰收拾駟
駿冀北空君為赤令有古風政聲直入明光宮天
廡如海養群龍并收其子豈不公

君之子祁恭制策文學行義為

時所稱白沙何必煩此翁

谷林堂詩

深谷下窈窕高林合扶踈美哉新堂成及此秋風
初我來適過雨物至如娛予穉竹真可人霜節已
專車老槐苦無賴風花吹填渠山鴉爭呼號谿蟬

獨清虛寄懷勞生外得句幽夢餘古今正自同歲
月何必書

予少年頗知種松手植數萬株皆中梁柱矣

都梁山中見杜輿秀才求學其法戲贈二首

露宿泥行草棘中十年春雨養髯龍如今尺五城
南杜欲問東坡學種松

君方掃雪收松子我已開榛得伏苓為問何如插
楊柳明年飛絮作浮萍

行宿泗間見徐州張天驥次舊韻

二年二躡過淮舟款段還逢馬少游無事不妨長

好飲著書自要且窮愁孤松早偃元非病倦鳥雖
還豈是休更欲河邊幾來往祇今霜雪已蒙頭

次韻劉景文贈傅曦秀才

窈眇文章宜和寡崢嶸肝肺亦交難未能飛瓦彈
清角肯便投泥戲潑寒忽見秋風吹洛水遙知霜
葉滿長安詩成送與劉夫子莫遣孫郎帳下看

在彭城日與定國爲九日黃樓之會今復以
是日相遇千床凡十五年憂樂出處有不可
勝言者而定國學道有得百念灰冷而顏益
壯顧予衰病心形俱瘁感之作詩

菊蕊萸囊自古傳長房寧復是臞仙應從宋武橫
刀日數到劉公戲馬年對王山人雖老矣見恒河
性故依然王郎九日詩十首今賦黃樓第二篇

九日次定國韻

朝菌無晦朔蟪蛄疑春秋南柯已一世我眠未轉
頭仙人視吾曹何異蜂蟻相不知蠻觸氏自有兩
國愛我覲去來今未始一念留奔馳竟何得而起
無窮羞王郎誤涉世屢獻久不齎黃金散行樂清
詩出窮愁俛仰四十年始知此生浮軒裳陳道路
往往兒童收封侯起大第或是君家駒似聞負販

人中有第一流炯然徑寸珠藏此百結表意行無
車馬倏忽略九州邂逅獨見之天與非人謀笑我
方醉夢衣冠戲沐猴刀盡病騏驥伎窮老伶優北
山有雲根寸田自可糴會當無何鄉同作逍遙遊
歸來城郭是空有累累丘

召還至都門先寄子由

老身倦馬河堤求踏盡黃榆綠槐影荒雞號月未
三更客夢還家得俄頃歸老江湖無歲月未填溝
壑猶朝請黃門殿中奏事罷詔許來迎先出省已
飛青蓋仕河梁定餉黃封無賜若遠來無物可相



東坡全集第二十一卷

詩六十四首

軾近以月石硯屏獻子功中書公復以涵星
硯獻純父侍講子功有詩純父未也復以月
石風林屏贈之謹和子功詩并求純父數句
紫潭出玄雲翳我潭中星獨有潭上月倒挂紫翠
屏我老不看書默坐養此昏花睛時時一開眼見
此雲月眼自明久知世界如泡影大小真偽何足
評笑彼三子歐蘇梅無事自作雪羽爭事見三
人詩集故
將屏硯送兩范要使珠璧栖牕櫺大范忽長謠語

出月脇令人驚

皇甫湜曰穿天心出月脅意外驚人語非尋常

小范當繼

之說破星心如雞鳴

孟郊問雞詩云以問牀頭復孤月口能說落星心

一月下有風林橫急送小范家護此涵星泓願從少陵博一句山水盡與洪濤傾

次韻范純父涵星硯月石風林屏詩

月次于房歷三星斗牛不神箕獨靈簸搖桑榆盡西靡影落蘇子硯與屏天工與我兩厭事孰居無事為此形與君持橐侍帷幄同到溫室觀堯蓂自憐太史牛馬走技等卜祝均倡伶欲留衣冠挂神武便擊雲水歸南溟陶泓不稱管城沐醉石可助

平泉醒故持二物與夫子欲使妙質留天庭但令滋液到枯槁勿遣光景生晦冥上書挂名豈待我獨立自可當雷霆我時醉眠風林下夜與漁火同青燐撫物懷人應獨歎作詩寄子誰當聽

次韻錢穆父會飲

彈冠恨不早挂冠常苦遲盛服每假寐角闕時伏思東門未祖道西山空挂頤逝將江海去安比麋鹿姿要當謀三徑何暇擇一枝與君幾合散得酒忘淳漓君談似落屑我飲如奕棋世有作詩如奕飲酒乃天戒之語居官不任事造物真見我主人僕此二事皆不能

獨賢勞金穀方流馳行人亦結束杖屨乃歸期
卿雖少安河流正東醜我得會稽去方回良不癡
次韻穆父尚書侍祠郊丘瞻望天光退而相
慶引滿醉吟
千章杞梓蔭雲天樗散誰收老鄭虔喜氣到君浮
白裏豐年及我挂冠前令嚴鍾鼓三更月野宿貌
貅萬竈烟大息何人知帝力歸來金帛看頽肩

郊祀慶成詩

帝出乘昌運天心予太平文章三代繼制作七年
成大祀乾坤合剛辰日月明泰壇朝掃地魄寶夜

垂精仰御圓蒼蓋環視海嶽城北流吞朔易西極
落攬捨升燎靈光荅回銜瑞霧迎需雲徧枯槁解
雨達勾萌可頌非天德因歲亦下情民言知有酌
帝調本無声富國由崇儉祈年在好生無心斯格
物克已自消兵化國安新政孤臣反舊耕還將清
廟什留與野人贖

次韻奉和錢穆父蔣穎叔王仲至詩四首見

和西湖月下聽琴

謾謾松下風藹藹壠上雲聊將竊比我不堪持寄
君半生寓軒冕一笑當琴尊良辰飲文字晤語無

東坡全集卷之三十一
由醺我有鳳鳴枝背作蛇蚺紋月明委靜照心清
得竒聞當呼王澗手一洗羯鼓昏請歌南風曲猶
作虞書渾家有雷琴甚竒古王澗道人
雀閑妙於雅声當呼使彈

見和仇池

上窮非想亦非非下與風輪共一癡翠羽若知牛
有角空餅何必井之眉還朝暫接鷓鴣翼謝病行
收麋鹿姿記取和詩三益友他年弭節過仇池

王津園

承平苑囿雜耕桑六聖勤民計慮長碧水東流還
舊派王津分藥河上
流復合于下紫壇南峙表連岡不逢蓬日

鷓鴣花亂空想踈林雪月光千畝何時躬帝藉斜陽
寂歷瑣雲莊

藉田

竊脂方紀瑞布穀未催耕魚洙依蘋渚蝸涎上綵
楹江湖來夢寐簑笠負平生琴裏思歸曲因君一
再行

頃年楊康功使高麗還奏乞立海神廟板橋
僕嫌其地湫隘移書使遷之文登因古廟而
新之楊竟不從不知定國何從見此書作詩
稱道不已僕不復記其云何也次韻答之

退之仙人也遊戲於斯文談笑出偉奇鼓舞南海
 神頃年三韓使幾為鮫鱈吞歸來築祠宇要使百
 賈奔板橋商賈所聚我欲遷其廟下數浮空群謂登州海市移
 書竟不從信非磊落人公胡為拳拳繫此空中雲
 作詩頌其美何異刻劍痕我今已括囊象在六四
 坤

沐浴啓聖僧舍與趙德麟邂逅

南山北澗兩非真東潁西湖迹已陳季子來歸初
 可喜老聃新沐定非人酒清不醉休休暖睡穩如
 禪息息勻自笑塵勞餘一念明年同泛越溪春

次韻王仲至喜雪御筵

三軍喜氣鑠飛花睡起空驚月在沙未集驂駟金
 腰裊故殘鳩鵲玉橫斜偶還仗內身如寄尚憶江
 南酒可賒宣勸不多心自醉強扶衰白拜君嘉
 僕所藏仇池石帝代之寶也王晉卿以小詩
 借觀意在於奪僕不敢不借然以此詩先之
 海石來珠宮秀色如蛾綠坡陀尺寸間宛轉陵巒
 足連娟二華頂空洞三茅腹初疑仇池化又恐瀛
 洲蹙慙慙嶠南使餽餉淮東牧僕在揚州程德孺由嶺南解官以此
 石見遺得之喜無寐與汝交不瀆盛以高麗盆藉以

文登王僕以高麗所鑄大銅盆貯之又幽光先五

夜冷氣壓三伏老人如寄衡茅久未卜一夫幸

可致千里還相逐風流貴公子竄謫武當谷見山

應已厭何事奪所欲欲留嗟趙弱寧許負秦曲傳

觀慎勿許間道歸更速

次天字韻答岑巖起

一聲清蹕霧開天百辟心莊豈貌虔回顧驚君珠

玉側同升愧我糝糠前裴回月色留壇影縹緲松

香泛蠟煙近制以林林松明易林盆莫歎郎潛生白髮聖朝求

舊鄙鳶肩

石塔寺并引

世傳王播飯後鐘詩蓋揚州石塔寺事也相傳如

此戲作此詩

饑眼眩東西詩腸忘蚤晏雖知燈是火不悟鍾非

飯山僧異漂母但可供一莞胡為三百年記憶作

此訕齋厨養若人無益祇遺患乃知飯後鐘闍黎

蓋具眼

次韻蔣穎叔二首

扈從景靈宮

道人幽夢曉初還已覺笙簫下月壇風伯前驅清

宿霧祝融駭乘破朝寒英姿連壁從多士妙句鏘
金和八銜已向詞臣得頗牧時穎叔集除熙河帥路人莫作
老儒看

凝祥池

似知金馬客時夢碧雞坊冰雪消殘臘煙波寫故
鄉鳴銜自容與立馬久回翔乞與三韓使新圖到
樂浪時高麗使在都下每至勝境輒圖畫以歸

和叔益畫馬次韻

天驥德力備馬外龍麟中皇天不遺言兀與圖書
同駑駘飽官粟未受一洗空十駕均一至何事籟

雲風

王晉卿示詩欲奪海石錢穆父王仲至蔣穎
叔皆次韻穆至二公以為不可許獨穎叔不
然今日穎叔見訪親視此石之妙遂悔前語
軾以謂晉卿豈可終閉不予者若能以韓幹
二散馬易之者蓋可許也後次前韻

相如有家山縹渺在眉綠誰云千里遠寄此一顰
足平生錦繡腸蚤歲藜藿腹從教四壁空未遣兩
峰蹙吾今况衰病義不忘樵牧逝將仇池石歸沂
峽山瀆守子不貪寶完我無瑕王故人詩相戒妙

語予所伏一篇獨異論三占從兩卜君家畫可數
天驥紛相逐風駿掠原野電尾梢澗谷君如許相
易是亦我所欲今朝安西守來聽陽關曲勸我留
此峰他日來不速

軾欲以石易畫晉卿難之穆父欲兼取二物
穎叔欲焚畫碎石乃復次前韻并解三詩之
意

春水無真堅露葉失故綠鷄疑鵬萬里竄笑夢一
足二豪爭攘袂先生一捧腹明鏡既無臺淨餅何
用甃古蹴盆山不可隱豈馬無由牧聊將

何必棄溝瀆焚寶真愛寶碎玉未忘玉久知公子
賢出語耆年伏欲觀博物妙故以求馬卜維摩既
復捨天女還相逐授之無盡燈照此久幽谷定心
無一物法樂勝五欲三峨吾鄉井萬里君部曲臥
雲行歸休破賊見神速晉卿將種
常有此志
生日蒙劉景文以古畫松鶴為壽且貺嘉篇

次韻為謝

問予一室間寧有千里廓塵心洗長松遠意發孤
鶴生朝得此壽死籍疑可落微言在叅同妙契藏
九籥故人有奇趣逸想寄幽壑霜枝謝寒暑雲翮

東坡全集 卷之三十一
無前却何須構明堂未羨巢阿閣緬懷別時語復
作數日惡詩腴固堪餐字瘦還可愕高標忽在眼
清夢了如昨君今會等伍志與湛輩各豈待相顧
言方爲不朽託子雲老執戟長孺終主晉晉當追
喬松子亦鄙衛霍

程德孺惠海中柏石兼辱佳篇輒復和謝

嵐薰瘴染却膚腴笑飲貪泉獨繼吳未欲連車收
慧苾肯教沉網取珊瑚不知庾嶺三年別收得曹
谿一滴無但指庭前雙柏石要予臨老識方壺

次秦少游韻贈姚安世

帝城如海欲尋難肯捨漁舟到杏壇剥啄扣君容
膝戶巍峩笑我切雲冠問羊獨怪初平在牧豕應
同德曜看肯把叅同較同異小窓相對爲研丹

次丹元姚先生韻

浮生知幾何僅熟一釜羹那於俯仰間用此委曲
情自憐無他腸偶亦得此生懸知當去客中有不
亡存但恐宿緣重每爲習氣昏似問梅子真近在
吳市門未能肩拊洪但欲目擊温不敢扣門呼恐
作踰垣奔且令紹介先徐以方便論不學劉更生
黃金鑄尚方不學房次律身事問穎陽王烈亦何

人叔夜未可量獨見神山開遽餐石髓香至道尚
聽瑩麓材終蹶張先生喜而笑幅巾登我堂苦誓
指黃壤要言刻青琅蓬萊在何許弱水空相望且
當從嵇阮聊復數山王達人友四海曲士守一疆
慎勿使形謀兒童驚夜光

次韻秦少游王仲至元日立春三首

省事天公厭兩回新年春日併相催慙懃更下山
陰雪要與梅花作伴來

已卯嘉辰壽阿同願渠無過亦無功明年春日江
湖上回首觚稜一夢中

予田一字同叔元
日已卯渠本命九

詞鋒雖作楚騷寒德意還同漢詔寬好遣秦郎供

帖子盡驅春色入毫端

立春日翰林學
士供詩帖子

上元侍飲樓上三首呈同列

澹月疎星遶建章仙風吹下御爐香侍臣鵠立通
明觀一朵紅雲捧玉皇

薄雪初消野未耕賣薪買酒看升平吾君勤儉倡
優拙自是豐年有笑聲

老病行穿萬馬群九衢人散月紛紛歸來一點殘
燈在猶有傳棋遺細君

侍飲樓上則貴戚爭以黃
棋遺近臣謂之傳棋蓋尚

矣

送蔣穎叔帥熙河并引

穎叔出使臨洮軾與穆父仲至同餞之各賦詩一篇以今我來思爲韻致遄歸之意軾得我字

西方猶宿師論將不及我苟無深入計緩帶我亦可承明正須君文字粲藻火自薦雖云數留行終不果正坐喜論兵臨老付邊瑣新詩出談笑僚友困掀簸我欲歌杖杜楊柳方婀娜邊風事首虜所得蓋么麼願爲魯連書一射聊城竒陰功在不殺結草酌魏顛

再送蔣穎叔帥熙河二首

使君九萬擊鵬鷗肯爲陽關一斷魂不用寬心九千里安西都護國西門
餘刃西屠橫海鯤應予詩識是遊魂歸來趁別陶
洪景看挂衣冠神虎門

次韻穎叔觀燈

安西老守是禪僧到處應然無盡燈未夜出遊從萬騎諸羌入看擁千層便因行樂令投甲不用防秋更打冰振旅歸來還侍燕十分宣勸恐難勝

次韻王晉卿奉詔押高麗燕射

北苑傳呼陞楯郎東夷初識令君香天山自可三

箭取海國何勞一葦航宣勸不詞金盃側醉歸爭
看玉鞭長錦囊詩草勤收拾莫遣雞林得夜光

次韻錢穆父王仲至同賞田曹梅花

寒所不知春獨立耿玉雪閉門愁未夜置酒及明
發忽驚庭戶曉未受煙雨沒浮光風宛轉照影水
方折鬢霜未易掃眉斧真自伐惟當此花前醉卧
黃昏月

送襄陽從事李友諒歸錢塘

居杭積五歲自意本杭人故山歸無家欲卜西湖
隣良田不難買靜士誰當親髯張旣超然老潛亦

絕倫李子冰玉姿文行兩清淳歸從三人游便足
了此身公堤不改昨姥嶺行開新幽夢隨子去松
花落衣巾

次韻吳傳正枯木歌

天公水墨自奇絕瘦竹枯松寫殘月夢回疎影在
東窓驚怪霜枝連夜發生成變壞一彈指乃知造
物初無物古來畫師非俗士妙想實與詩同出龍
眠居士本詩人能使龍池飛霹靂君雖不作丹青
手詩眼亦自工識拔龍眠胸中有千駟不獨畫門
兼畫骨但當與作少陵詩或自與君拈秃筆東南

山水相招呼萬象入我摩尼珠盡將書畫散朋友
獨與長鋏歸來乎

送黃師是赴兩浙憲

世久無此士我晚得王孫寧非叔度家豈出次公
門白首沈下吏綠衣有公言哀哉吳越人久爲江
湖吞官自倒帑廩飽不及黎元近聞海上港漸出
水底村願君五袴手招此半菽魂一見刺史天稍
忘獄吏尊會稽入吾手鏡湖小於盆比我東來時
無復瘡痍存

送范中濟經略侍郎分韻賦詩軾得先字且

贈以魚枕盃四馬箠一

梁李久樂禍自焚豈非天兩鼠鬪穴中一勝亦偶
然謀初要百慮善後乃萬全廟堂選世將范氏真
多賢仁風被宿麥綠浪搖秦川號令聳毛羽先聲
落虛弦我家天一方去路城西偏投竿困障日賣
劍行歸田贈君荆魚盃副以蜀馬鞭一醉可以起
毋令祖生先

書晁說之考牧圖後

我昔在田間但知羊與牛川平牛背穩如駕百斛
舟舟行無人岸自移我卧讀書牛不知前有百尾

羊聽我鞭聲如鼓鞞我鞭不妄發視其後者而鞭
之澤中草木長草長病牛羊尋山跨坑谷騰越筋
骨強煙簑雨笠長林下老去而今空見畫世間馬
耳射東風悔不長作多牛翁

呂與叔學士挽詞

言中謀猷行中經開西人物數清英欲過叔度留
終日未識魯山空此生論議凋零三益友功名分
付二難兄老來尚有憂時歎此涕無從何處傾

丹元子示詩飄飄然有謫仙風氣吳傳正繼
作復次其韻

飛仙亦偶然脫命瞬息中惟詩不可擬如寫天日
容夢中哦七言王丹已入懷一語遭虛縛失身墮
蓬萊蓬萊至今空護短不養才上界是官府謫仙
應退休可憐吳與蘇骭體雪滿頭雪滿頭終當却
與丹元子笑指東海乘桴浮

次王定國韻書丹元子寧極齋

仙人與吾輩寓迹同一塵何曾五漿餽但有爭席
人寧極無常居此齋自隨身人那識卻鑿天不留
封倫誤落世網中俗物愁我神先生忽扣戶夜呼
祁孔賓便欲隨子去著書未絕麟願挂神虎冠往

卜飲馬鄰王郎濯統綺意與陋巷親南游苦不蚤
儻及尊鱸新

王仲至侍郎見惠穉栝種之禮曹北垣下今
百餘日矣蔚然有生意喜而作詩

翠栝東南美近生神嶽陰惜哉不可致霜根絡雲
岑仙風振高標香實隕平林偶隨樗櫟生不爲樵
牧侵忽驚黃茅嶺稍出青王鉞好事雖力取王城
少知音豈無換鵞手但知覓來禽高懷獨夫子一
見捐橐金得之喜不寐贈我意殊深公堂開後閣
凡木愧華簪栽培一寸根寄子百年心常恐樊籠

中催我鸞鶴襟誰知積雨後寒芒曉森森恨我迫
歸老不見汝十尋蒼皮護玉骨且莫視古今何人
風雨夜卧聽餓龍吟

次韻錢穆父馬上寄蔣穎叔二首

玉關不用一丸泥自有長城烏鼠西剩與故人尋
土物臘糟紅麴寄馳蹄

多買黃封作洗泥使君來自隴山西高才得鬼人
人羨爭欲尋蹤覓舊蹄

表弟程德孺生日

仗下千官散紫庭時聞小語說蘇程長身自昔傳

甥舅壽骨遙知是弟兄予與君皆壽骨真耳班列中多指予二人不問而知其為中表也曾活萬人寧望報君在楚州予在杭州皆過飢歲活數萬人祇求五畝却歸耕四朝遺老凋零盡鶴髮他年幾箇迎

七年九月自廣陵召還復館于浴室東堂八年六月乞會稽將去汶公乞詩乃復用前韻

乞郡三章字半斜廟堂傳笑眼昏花上人問我遲

留意待賜頭網八餅茶尚書學士得賜頭網龍茶一斤八餅今年網到最遲

夢遶吳山却月廊白梅盧橘覺猶香杭州梵天寺有月廊數百

問寺中多白梅盧橘會稽且作須臾意從此歸田策最良

東南此去幾時歸倦鳥孤雲豈有期斷送一生光底物三年光景六篇詩

吳子野將出家贈以扇山枕屏

峩峩扇中山絕壁信天剖誰施大圓鏡衡霍入戶牖得之老月師畫者一醉叟常疑若人胸自有雲夢數千巖在掌握用捨彈指久低昂不自知恨寄兒女手短屏雖曲折高枕謝奔走出家非今日法水洗無垢浮游雲釋嶠燕坐柳生肘忘懷此系琴間相與到白首

東府雨中別子由

庭下梧桐樹三年三見汝前年適汝陰見汝鳴秋
雨去年秋雨時我自廣陵歸今年中山去日首歸
無期客去莫歎息主人亦是客對床定悠悠夜雨
空蕭瑟起折梧桐枝贈汝千里行重來知健否莫
忘此時情

謝仲適坐上送王敏仲比使

衝風振河朔飛霧失太行相逢不相識下馬須眉
黃洗眼忽驚笑見此玉節郎喜有賢主人共此燈
燭光聚散一夢中人北鴈南翔吾生如寄耳送老
天一方華子遇明之陳經入西廂歸期不可緩倚

相宜在傍

書丹元子所示李太白真

天人幾何同一漚謫仙非謫乃其游覽斥八極隘
九州化爲兩鳥鳴相聞一鳴一止三千秋開元有
道爲少留縻之不可矧肯求西望太白橫峨岷眼
高四海空無人大兒汾陽中令君小兒天台坐忘
真生年不知高將軍手汗吾足乃敢瞋作詩一笑
君應聞

次韻曾仲錫承議食蜜漬生荔枝

代北寒葢持韭萍奇苞零落似晨星逢鹽久已成

枯腊得蜜猶應是薄刑欲就左慈求拄杖便隨李
白跨滄溟攀條與立新名字兒女稱呼恐不經俗

十八琅
嘉支

大行太皇太后挽詞二首

至矣吾三后功高漢已還復推元祐冠蓋得求昭

全臣嘗於經筵論奏仁宗皇帝謚曰明孝若明而不
仁則民畏而不愛仁而不明則民愛而不畏

今大行太皇太后亦兼此二德有作猶非聖無私

故天下思慕庶幾於仁宗也

乃是天侍臣談要道家法信家傳宰相以下嘗於
經筵論奏祖宗

以宋家法十餘
事書於記注却狄安諸夏先王社稷臣固應祠百世何止活千

人定策天知我忘家帝念親萬方何以報得疾為

勤民

再和曾仲錫荔支

柳花著水萬浮萍荔實周天兩歲星柳至易成飛
絮落水中經

宿卽為浮萍荔支至難
長二十四五年乃實本自玉肌非鶴浴至今丹

殼似猩刑侍郎賦詆窮三峽妃子煙塵動四溟莫

遣詩人說功過且隨香草附騷經

次韻滕大夫三首

雪浪石

太行西來萬馬屯勢與岱嶽爭雄尊飛狐上黨天

下脊半掩落日先黃昏削成山東二百郡氣壓代
北三家村千峯右卷蠹牙帳崩崖鑿斷開土門竭
來城下作飛石一礮驚落天驕魂承平百年烽燧
冷此物僵卧枯榆根畫師爭摹雪浪勢天工不見
雷斧痕離堆四面繞江水坐無蜀士誰與論老翁
見戲作飛雨把酒坐看珠跳盆此身自幻孰非夢
故園山水聊心存

同前

我頃三章乞越州欲尋萬壑看交流且憑造物開
山骨已見天吳出浪頭石中似有海獸形狀履道鑿池雖可

致王川卷地若為收洛陽泉石今誰主莫與飛人
李與牛

沉香石

壁立孤峰倚硯長共疑沉水得頑蒼欲隨楚客紉
蘭佩誰信吳兒是木腸山下曾逢化松石玉中還
有辟邪香早知百和俱灰燼未信人言弱勝強

石芝詩 并引

予昔夢食石芝作詩記之今乃真得石芝於海上
予亦和前詩見寄予頃在京師有鑿井得如小兒
手以獻者臂指皆具膚理若生予聞之隱者曰此

肉芝也與子由烹而食之追記其事復次前韻
土中一掌嬰兒新爪指良是肌骨勻見之怖走誰
取食天賜我尔不及賓旌陽遠游同一許長史王
斧皆門戶我家韋布三百年祇有陰功不知數跪
陳八簋加六瑚化人視之真魂蘇肉芝烹熟石芝
老笑唾熊掌啜雕胡老蠶作蠶何時脫夢想至人
空激烈古來大藥不可求真契常如磁石鐵

鶴歎

園中有鶴馴可呼我欲呼之立坐隅鶴有難色側
視予豈欲臆對如鵬乎我生如寄良畸孤三尺長
腰闊瘦軀俛啄少許便有餘何至以身爲子娛驅
之上堂立斯須授以餅餌視若無憂然長鳴乃下
趨難進易退我不如

送曾仲錫通判如京師

邊城歲暮多風雪強壓春醪與君別王帳夜談霜
月苦鐵騎曉出冰河裂斷蓬飛葉卷黃沙祇有千
林鬣鬆花應爲王孫朝上國珠幢玉節與排衙左
援公孝右孟博我居其間嘯且諾僕夫爲我催歸
來要與北海春水爭先可

和錢穆父送別并求頓遞酒

次韻

東坡全集第二十二卷

詩七十首

劉醜廝詩

劉生望都民病羸寄空空有子曰醜廝十二行操
瓢墻間得餘粒雪中拾墮樵饑飽共生死水火同
焚漂病翁恃一褐度此積雪宵哀哉二暴客掣去
如餓鴉翁旣死於寒客亦易此齟崎峇走亭長不
憚雪徑遙我仇祝與苑物色同遮邀行路爲出涕
二客竟就臬譏上訴我庭慷慨驚吾僚曰此可名
寄追配彬之蕘恨我非柳子擊節爲爾謹官賜二

東坡全集第二十二卷

詩七十首

劉醜廝詩

劉生望都民病羸寄空空有子曰醜廝十二行操
瓢墻間得餘粒雪中拾墮樵饑飽共生死水火同
焚漂病翁恃一褐度此積雪宵哀哉二暴客掣去
如餓鴉翁旣死於寒客亦易此齟崎峇走亭長不
憚雪徑遙我仇祝與苑物色同遮邀行路爲出涕
二客竟就臬譎上訴我庭慷慨驚吾僚曰此可名
寄追配彬之蕘恨我非柳子擊節爲爾謹官賜二

萬錢無家可歸嬌爲媾他日婦婉然初垂髻洗沐
作小史裹頭束其腰筆硯耕學死戈矛戰天驕壯
大隨所好忠孝福可徵相國有折脇封侯或吹簫
人事豈易料勿輕此僬僥

題毛女真

霧鬢風鬟木葉衣山川良是昔人非祗應閑過
顏老獨自吹簫月下歸

寄留合刷餅與子由

老人心事日摧頽宿火通紅手自焙小甌短餅良
具足釋兒嬌女共燔煨寄君東閣閑蒸栗知我三

堂坐盡灰約束家僮好收拾故山梨棗待翁來

次韻子由清汶老龍珠丹

天公不解防癡龍玉函寶方出龍宮雷霆下索無
處避逃入先生衣袂中先生不作金椎袖玩世倘
佯隱屠酒夜光明月空自投一銀何勞緯蕭手黃
門寡好心易足荆棘不生梨棗熟玄珠白璧兩無
求無脛金丹來入腹區區分別笑樂天那知空門
不是仙

次韻子由書清汶老所傳秦湘二女圖

春風消冰失瑤玉我本無身安有觸羊生得婦如

得風握手一笑未爲辱先生室中無天遊佩環何處鳴風甌隨魔未必皆魔女但與分燈遣歸去胡爲寫真傳世人更要維摩一轉語丹元茅茨祗三間太極老人時往還點檢凡心早除拂方平神鞭常使物

紫團參寄王定國

谿衍土門口突兀太行頂豈惟團紫雲實自俯倒景剛風被草木真氣入茗穎舊聞人銜芝生此羊腸嶺織_七虎豹鬣蹙縮龍蛇瘦蠶頭試小嚼龜息變方騁矧予明真子已造浮玉境清宵月挂_三空

夜珠落井灰心寧復然汗喘久已靜東坡猶故口此藥致遺秉欲持一椀根往有九轉鼎爲予置齒頰豈不賢酒茗

次韻劉燾撫句密漬荔枝

時新滿座聞名字別久何人記色香葉似楊梅蒸霧雨花如盧橘傲風霜每憐蓴菜下鹽豉肯與蒲萄壓酒漿回首驚塵卷飛雪詩情真合與君嘗

立春日小集呈李端叔

白髮已十載青春無一堪不驚新歲換聊與故人談牛健民聲喜鴉嬌雪意酈霏微不到地和暖要

且蠶歲月斜川似風流曲水慙行吟老燕代坐睡
夢江潭丞掾頗哀援歌呼誰怕參衰懷久灰槁習
氣尚饒貪白啖本河朔紅消真劔南辛盤得青韭
臘酒是黃柑歸卧燈殘帳醒聞葉打庵須煩李居士
重說後三三

次韻曾仲錫元日見寄

蕭索東風兩鬢華年年幡勝翦宮花愁聞塞曲吹
簾管喜見春繁得蓼芽吾國舊供雲澤米

定武齋酒用蘇

州君家新致雪坑茶近得魯坑茶燕南異事真堪記三
寸黃柑擘永嘉

子山生日以檀香觀音像及新合印香銀篆

繁爲壽

梅檀婆律海外芬西山老臍柏所薰香螺脫鬻來
相群能結縹眇風中雲一燈如螢起微焚何時度
盡繆篆紋繚繞無窮合復分絲絲浮空散氤氳東
坡持是壽卯君君少與我師皇墳旁資老聃釋迦
文共厄中年點蠅蚊晚過斯須何足云君方論道
承華勛我亦旗鼓嚴中軍國恩當報敢不勤但願
不爲世所醺爾來白髮不可耘問君何時返鄉粉
收拾散亡理放紛此心實與香俱君聞思大士應

已聞

次韻李端叔送保倅翟安常赴闕兼寄子由
中山保塞兩窮邊卧治雍容已百年顧我迂愚分
竹使與君談笑周蒲鞭松荒三徑思元亮草合平
池憶惠連白髮歸心憑說與古來誰似兩疎賢

中山松醪寄雄守王引進

鬱鬱蒼髯千歲姿肯來盃酒作兒嬉流芳不待龜
巢葉唐人以荷葉爲酒盃謂知若箭酒掃白聊煩鶴踏枝醉裏便
成歌雪舞醒時與作嘯風辭馬軍走送非無意王
帳人閑合有詩

次韻李端叔謝送牛戲鴛鴦竹石圖

聞君談西戎廢食忘蚤晚王師本不隳賊臣何足
刻守邊在得士此語要而簡知君論將口似我識
畫眼笑指塵壁間此是老牛戲平生師衛玠非意
常理遣訴君定何人未用市朝顯置之勿復道世
俗固多舛歸去亦何須單車渡殺澗如蟲得羽化
已脫安用璽家書空萬軸涼曝困舒卷念當掃長
物閉息默自煖此畫聊付君幽處得小展新詩勿
縱筆群吠驚邑大時來未可知妙斲待輪扁

次韻聰上人見寄

前身本同社宿業獨臨邊一悟鏡空老始知圓澤
賢歸心忘犢佩生術寄羊鞭不似歐陽子空留六
一泉

次韻王雄州還朝留別

老李威名八十年壁間精悍見遺顏自聞出守風
流似稍覺承平氣象還但遣詩人歌杖柱不妨侍
女唱陽關內朝接武知何日白髮羞歸供奉班

三月二十日多葉杏盛開

零露泣月葉溫風散晴葩春工了不睡連夜開此
花芳心誰翦刻天質自清華惱客香有無弄粧影

橫斜中山古戰國殺氣浮高牙叢臺餘袷服易水
雄悲笳自從此花開玉肌洗塵沙坐令游俠窟化
作溫柔家我老念江海不飲空咨嗟明年花開時
舉酒望三巴

蓋乞請梓
州而歸也

三月二十日開園三首

雪髯霜鬢語猶獐澹蕩園林取次行要識將軍不
凡意從來祇啜小人羹

是日散父
老酒食

西園杜鵑夜沉沉尚有游人卧柳陰鶴睡覺時風
露下落花飛絮滿衣襟

鬱鬱蒼髯真道友絲絲紅萼是鄉人

蒼髯松也何
紅萼海棠

時翠竹江村路送我柴門月色新

次韻王雄州送侍其涇州

威聲又數中興年二虜行當一矢聯聞道名城得
真將故應驚羽落空弦追鋒歸去雄三衛授鉞重
來定十連別酒回頭便陳迹號呶端合發初筵

臨城道中作

并引

予初赴中山連日風埃未嘗了了見太行也今將
適嶺表頗以是爲恨過臨城內丘天氣忽清徹西
望太行草木可數岡巒北走崖谷秀傑忽悟歎曰
吾南遷其速返乎退之衡山之祥也書以付邁使

志之

逐客何人著眼看太行千里送征鞍未應馬谷能
留柳可獨衡山解識韓

過湯陰市得豌豆大麥粥示三兒子

朔野方赤地河濡但黃塵秋霖暗豆漆夏旱隴麥
人逆旅唱晨粥行庖得時珍青班照七筩脆響鳴
牙齦王食謝故吏風餐便逐臣漂零竟何適浩蕩
寄此身爭勸加飲食實無負吏民何當萬里客歸
及三年新

子由新脩汝州龍興寺吳畫壁

丹青久衰工不執人物尤難到今世每摹市井作
公卿畫手懸知是徒隸吳生已與不傳死那復典
刑留近歲人間幾處變西方盡作波濤翻海勢細
觀手面分轉側妙筭毫釐得天契始知真放本精
微不比狂花生客慧似聞遺墨留汝海古壁蝸涎
可垂涕力捐金帛扶棟宇錯落浮雲卷新霽使君
坐獻清夢餘幾疊衣紋數襟袂他年弔古知有人
姓名聊記東坡第

過高郵寄孫君孚

過淮風氣清一洗塵埃容水木漸幽茂菰蒲雜游

龍可憐夜合花青枝散紅葦美人游不歸一笑當
誰供故園在何處已偃手種松我行忽失路歸夢
山千重聞君有負郭二頃收橫從卷野畢秋穫殷
牀聞夜春樂哉何所憂社酒粥面釀宮游豈不好
毋令到千鍾

僕所至未嘗出遊過長蘆聞天禪師病甚不
可不一問既見則有見矣明日阻風復留見
之作三絕句呈開復并請轉呈參寥子各賦
數首

亦知壺子不死敢問老聃所游瑟瑟寒松露骨此

乳病虎垂頭

莫言西蜀萬里且到南華一游扶病江邊送客杖
孛浦口回頭

老去此生一訣興來明日重游卧聞三老白事半
夜南風打頭

六月七日泊金陵阻風得鍾山泉公書寄謝

為謝

今日江頭天色惡礮車雲起風欲作獨望鍾山喚
寶公林間白塔如孤鶴寶公骨冷喚不聞却有老
泉來喚人電眸虎齒霹靂舌為予吹散千峰雲南

行萬里亦何事一酌曹谿知水味他年若畫將山
圖為作泉公喚居士

贈清涼寺和長老

代北初辭沒馬塵江南來見卧雲人間禪不契前
三語施佛空留丈六身老去山林徒夢想雨餘鍾
鼓雨溼新會須一洗黃茅瘴未用深藏白氍毹

予前後守俸餘杭凡五年夏秋一間烝熱不
可過獨中和堂東南頰下瞰海門洞視萬里
三伏常蕭然也紹聖元年六月舟行赴嶺外
熱甚忽憶此處而作是詩